# Platein do



# هل بفعلها؟!

تأليف د. مصطفى إبراهيم زايد

الطبعة الأولى / ١٤٣٨هـ - ٢٠١٧م

رقم الإيداع ٢٠١٧/٢٣١٤م

معضوق الطبث مجفوظت




- 01140479897
- dar.alshabab@yahoo.com
- دار الشباب



جمع وترتیب **د/ مصطفی إبراهیم زاید** 









قرصه عمرك
قوانين وقواعد مهمة
شد عضلي
الخطة ٢/٤/٤
كارت أحمر
هدف عکسي
بين الشوطين
الكاتيناتشو
هجمة مرتدة
الهدف الذهبيالهدف الذهب
رجل المباراة
الحرّيفا
الفرحة الكبرى
البطل الحقيق ي





سيداتي آنساتي سادتي .. أعزائي المتابعين في كل مكان .. أهلًا ومرحبًا بكم.. نحن اليوم على موعد مع المبارة المرتقبة والهامة جدًّا في نهائي بطولة كأس العالم بين فريقنا والفريق التاني.. وهندخل على طول في أجواء المباراة الساخنة جدًّا جدًّا.. واختصارًا للوقت.. وصلنا للدقيقة ٩٠ من المباراة ومازال التعادل هو سيد الموقف بين الفريقين.. والكورة دلوقتي مع الكابتن الكبير اللي هـو إنت أو إنتي «علشان محدش يزعل 😭 .. والكورة معاك وإنت مع الكورة.. وانطلاقة في هجمة خطيرة من ناحية اليمين .. ويعدى من الأول، يا لعيب يا كبير .. وخد التاني كوبري عالمي، إيه الحلاوة والجمال ده!.. ودخل منطقة الجزاء.. وهوووووبا..!! عرقلة من الخلف..! ويصفر الحكم.. ضربة جـزاء..! ضربة جزاء صحيحة مليون في الميه.. معقول يا جماعة في الدقيقة ٩٢ من المياراة.. ؟؟ ضربة جزاء في الوقت بدل الضائع.. ؟؟؟ دى فرصة العمر اللي متتعوضت نهائيًّا..





هدية على طبق من دهب للفوز بكاس العالم.. فرصة مش ممكن تتكرر أبدًا في ماتش مصيري زي ده..

وزي ما حضراتكم شايفين الجماهير كلها حاطة إيديها على قلبها والكل واقف ومترقب وخايف على البطولة.. ده إحنا كان حلمنا بس نروح كاس العالم.. مابالكم لما نوصل للنهائي ونفوز بالبطولة كمان.. معقول؟؟ وليه لأ والفرصة متاحة وجاية لحد عندنا!!!

وشايفين كلنا الكابت الكبير هو اللي واخد الكورة وهيلعب ضربة الجزاء.. وبيقف وبيستعد وبيركز أوي وبياخد نفس عميق علشان يسدد ضربة الجزاء المصيرية.. ضربة التتويج بالكاس والفوز بالبطولة.. فهل يفعلها؟؟ هل يفعلها ويفرح ويفرّحنا معاه؟؟ هل يقتنص الفرصة ويدخل التاريخ من أوسع أبوابه؟؟؟ ولا هيضيع الفرصة ويضيع معاه كل الآمال والأحلام..

وفج أة! هـوإيـه ده بقـى؟؟! إيه اللـي حصل يـا جماعة؟؟ هـو الارسال اللي اتقطع ولا النور اللي قطع ولا إيه اللي حصل بالظبط؟؟!!!

مش معقول كده تلعبوا بأعصابنا في لحظة مصيرية زي دي!!





طيب.. تعالوا نسيب الماتش وندردش شوية مع بعض على ما يتم إصلاح العطل الفنى اللى حصل..

كتير بنقابل وبنشوف في حياتنا إعلانات بتشدنا وبنجري عليها لمُجرّد إننا بنشوف عليها عبارات جدّابة ومُلفتة للنظر زي (فرصة العمر)، (آخر فرصة)، (فرصة لا تعوض)، (لا تدع الفرصة تفوتك)، (اغتنم الفرصة والحق العرض)، (فرصة تحقق أحلامك)، وغيرها من العبارات اللي بتخلّي الواحد مُشتاق ومُتلهف علشان يعرف إيه هي الفرصة دي ويلحق بسرعة يغتنمها ويفوز بيها قبل أي حد تاني !!!

يا ترى يا شباب لو كل واحد فينا حاول يرجع بالذاكرة شويتين ويتأمل في حياته ويشوف كام فرصة كبيرة وسهلة قابلته.. وكانت فرصة واحدة منها كفيلة إنها تغير مسار حياته كلها وتنقله نقلة نوعية للأفضل، ولكن للأسف الشديد ضيّعها من إيديه بكل كسل واستهتار ولا مبالاة، يا ترى لما بيقعد دلوقتي مع نفسه ويفتكر كمية الفرص دي كلها بيحسّ بإيه؟؟ وبيقول إيه في نفسه ?؟؟ أكيد بيبقى هيتقطع من الحسرة والألم وعايز يعض على صوابعه من الندم وبيقول ياريتني كنت عملت كذا وكذا!!! ده أنا كنت في قمة الغباء وقتها إني ملحقتش الفرص



دي !!! ياريتني كنت اشتريت الشيء الفلاني أو كنت قدمت في الوظيفة الفلاني.. وغيره الوظيفة الفلانية او كنت لحقت عرض السفر الفلاني.. وغيره وغيره من الفرص اللي ممكن نكون ضيّعناها في حياتنا وبنندم عليها دلوقتي أشد الندم..!







# الكنزالمفقودا



أنا جاي انهاردة يا شباب أكلّمكم عن فرصة العمر.. فرصة حقيقية بجد.. فرصة محدش كان يحلم بيها إنها تكون بالشكل ده.. فرصة لو استغليتها صح ممكن تغير حياتك بل مصيرك بالكامل.. وفي نفس الوقت فرصة محدش هيدفع فيها ولا مليم، ولا هيحتاج واسطة ولا محسوبية علشان يفوز بيها لأنها متاحة للجميع، الباب مفتوح لكل الناس..

أنا جاي انهاردة أكلمكم عن «شهر رمضان».. شهر رمضان اللي أصبح في ذاكرتنا مجرد شهر بنشيل همّه علشان يا ترى الصيام هيبقى في الصيف والحر ولا هييجي في الشتا السنة دي علشان اليوم يعدّي بسرعة؟؟ ياترى هنبقى خلصنا امتحانات ولا هييجي وسط الامتحانات؟؟!! ياترى هيعملوا مسلسلات جديدة حلوة ولا هتبقى بايخة ومُملّة؟؟؟!!! ياترى هنخرج نتفسح فين بعد الفطار السنة دي؟؟؟

شهر رمضان اللي أصبح عند كتير من المسلمين مجرد طقوس ومظاهر وظواهر رمضانية! يدخل رمضان، الناس تغير





نغمة موبايلها لـ «رمضان جانا وفرحنا به»، ويعلقوا الزينات والفوانيس، وييجي الفطار تلاقي الأصناف الرمضانية مما لند وطاب، الياميش وقمر الدين والقطايف! لدرجة إن البعض أصبح لا يشتاق لنفحات رمضان وإنما لمأكولات رمضان!!

وفيه اللي مش عايز رمضان ييجي أصلًا لأنه هيحرمه من السيجارة أو كوباية الشاي أو فنجان القهوة ومزاجه هيتعكر!!!!

فأصبح رمضان تقيل على نفوس كتير مننا، أصبح شهر عادي جدًا، زيّه زي بقية الشهور، وأصبح مفيش أي اختلاف في نظرة كتير من الناس له! وإنا لله وإنا إليه راجعون..

من أكتر المشاهد اللي قعدت أتفكر فيها، مشهد الناس يوم عرض كارفور، كان فيه offer من فترة في كارفور.. عروض وتخفيضات وهدايا على بعض الموبايلات والأجهزة الكهربائية وشوية رز ومكرونات وسُكّر وزيت، الناس جريت بسرعة وكانت واقفة طوابير ومفيش موضع قدم لحد، الدنيا زحمة موووت وكله بيتخانق علشان يلحق بسرعة أي حاجة من العرض!!! سبحان الله، الناس بتشتري حاجات ممكن متكونش هي عايزاها أساسًا وده كله علشان تاخد بس التخفيضات والهدايا!!! منظر تهافت الناس واقبالهم وسرعتهم في اقتناص فرصة دنيوية تافهة زي





دي علشان هيوفر جنيه ولا اتنين في كيسس رز، ولا حتى هيوفر الدنيا وقدر الدنيا وقدر الآخرة في قلوب كتير من الناس!

إنما لما يكون العرض والأوكازيون حسنات ورحمات وبركات ومغفرة وقرب من الله ودعوات مستجابة.. لما يكون العرض رفع درجات في جنة عرضها السماوات والأرض..لما يكون العرض عتى من نار وقودها الناس والحجارة... كام واحد بنشوفه بيجري علشان يلحق العرض؟؟ كام واحد عنده استعداد يقف في طابور ويتزاحم ويتعب علشان يفوز ساعتها؟؟؟ كام واحد هيحزن ويبكي لو فاته العرض وملحقش أي حاجة منه؟؟!!

المشهد ده بيذكّرني بحديث النبي صَالَّتُهُ عَلَيْهُ وَسَلَّم: «والذي نفسي بِيَ دِه، لو يَعلم أحدهم أن يجد عظمًا سمينًا أو مَرْمَاتين حَسنتين لشَهِدَ العِشاء» متفق عليه.. النبي صَالَّتُهُ عَبْهُ وَسَلَّم بيحلف وبيقول إن لو قولنا للناس إن فيه لحمة هتتوزع في الجامع للّي هيصلّي، هتلاقي الناس كلها جريت على الجامع علشان تصلّي (إلا لأ ومش أي لحمة.. ده النبي صَالَّتُهُ عَلَيْهُ وَسَلَّم بيقول لو حتى شوية عظم (إلا وده بيدل على إن معظم الناس - إلا من رحم الله - بيفضّل أقل حاجة في الدنيا على الآخرة (إ



ياااااه... للدرجة دي هانت الآخرة في قلوب كتير مننا ومبقتش تهمنا؟؟! ده إنت لو لو واحد بيديلك شنطة فلوس هدية ورفضتها، الناس كلها هتقول عليك مجنون رسمي!! أمال اللي بيرفض من عوعطايا وكنوز رمضان الربانية يبقى إيه ويتقال عليه إيه؟؟

إمتى يا شباب هنحس بجد إن رمضان فرصة العمر الحقيقية اللي لا تعوض؟؟ إمتى هيدخل قلوبنا أحاسيس الشوق لرمضان والفرحة بالطاعة والعبادة فيه؟؟ إمتى هنعرف يعني إيه رمضان ونستشعر أهميته وقيمته ونقدره حق قدره؟؟؟ إمتى هنخاف ونبكى ونحزن على فوات رمضان؟؟؟

ده لـوأي حـد بيشتغـل في شركة فيها نظـام الأرباح، بيبقى قاعـد طول السنة مستني الشهر اللي هيقبض فيه الأرباح بفارغ الصبر..! كل يوم بيحلم إمتى هييجي الشهر اللي ممكن بأرباحه يحـل مشاكله ويسدد ديونه كلها.. تخيل لـو بنهتم رمضان شهر الأربـاح الخيالية للتجارة مـع الله زي اهتمامنـا بأرباح وفلوس الدنيا، كنا هنشتاقله قد إيه؟؟ كنا هنعد الأيام وننتظره ونستعد له إزاى؟؟؟!





والله العظيم يا حبيب قلبي لو عرفت أرباح رمضان ومكاسب رمضان وقدر رمضان وأهميت ه في حياتك، والله ما هتسيب سجدة غير وهتدعي فيها بكل شوق من قلبك وتقول (اللهم بلغني رمضان واجعلني فيه من الفائزين)..

شوف ت قبل كده منظر أرض جافة، عطشانة، متشققة، قاحلة، أرض ميّته؟؟؟ أهو هو ده حال قلبك بعد سنين من البعد عن الله والانغماس في الفتن والشهوات، ورمضان بالنسبة لنا هو موسم أمطار الرحمات والفيوضات والبركات، اللي لازم تنزل على قلبك وترويه، لازم تتعرض لها وتنهل منها ومحدش يشغلك عنها لأنها هي اللي هتعيد الحياة لقلبك وهتعالج روحك!

إنت عارف رمضان فرصة يعني إيه؟؟ يعني يا تلحق يا متلحقش ١٠ يعني الشيطان عدوك اللدود - عليه لعنة الله - هيحاول بكل جهده إنك متنتبهش لها من الأصل، ولو انتبهت لها، هيحاول بكل قوته وامكانياته ومن غير كلل أو مَلل إنه يلهيك ويعطلك ويشغلك عنها علشان متلحقها ش ومتستفيدش منها بأى شكل، فخليك واعى لخططه ومكره وتحركاته..

أقف مع نفسك وقولها الحياة فرص.. والفرصة اللي بتروح مبترجعش تانى... كل حديق ول لنفسه أنا ضيّعت رمضانات



كتير قبل كده.. وربنا أعطاني فرصة جديدة مِنحة وفضل وكرم منه سبحانه.. وممكن تكون دي الفرصة الاخيرة ويكون ده آخر رمضان في حياتي!!







# طوق نجاة

#### أقف مع نفسك واسألها:

لو مش هتتغیر فے رمضان.. هتتغیر امتی بعد کده؟؟؟ لو حالك مش هينصلح في رمضان.. هينصلح إمتى بعد كده؟؟ لـومشن هتقرب مـن ربك حبيبـك في رمضـان، هتقـرب امتى بعد كده؟؟؟ لـو ذنوبك مش هتتغفر في رمضان هتتغفر إمتى بعد كده؟؟؟ لـ و عينك مش هتبكي وقلبك هـيرق وينكسر لله في رمضان، هیکون إمتی بعد کده؟؟ لو مش هتبذل وتسعی وتشتغل للجنة، هتشتغل إمتى بعد كده؟؟ لوقلبك مصحيش وفاق في رمضان، هیفوق امتی بعد کده؟؟ لو روحك متعالجتش من أمراضها في شهر الشفاء، هتتعالج إمتى بعد كده؟؟ لوموسم الأرباح عدى عليك من غير ما تكسب، هتكسب إمتى بعد كده؟؟! لـو مش هنتعتق من النارفي رمضان هنتعتق إمتى بعد كده؟؟؟ لو مش هتفوز بالفردوس الأعلى في رمضان هتفوز إمتى بعد كده؟؟ لو مش هتفرح في رمضان، هتفرح إمتى بعد كده؟؟؟؟



#### 🗷 يقول أحد الصالحين:

«يا من طالت غيبته عنا، قد قربت أيام المُصالحة.... يا من دامت خسارته، قد أقبلت أيام التجارة الرابحة..

من لم يربح في هذا الشهر ففي أي وقت يربح؟؟ .. ومن لم يقرب من مولاه وينال رضاه، فقل لي بربك متى يُفلح؟؟؟».

مش نفسك يا حبيب قلبي تعيش الحياة الطيبة؟؟ مش نفسك تبعد عن حياة الهم والغم والشقاء؟؟؟ رمضان عناية مركزة علشان ينقذ قلبك وياخد بإيدك لطريق السعادة والراحة النفسية والطمأنينة في الدنيا والآخرة...

رمضان هو طوق النجاة الرباني لنا كلنا بعد ماغرفنا في بحور الدنيا وما فيها من المعاصى طول السنة! يا شباب بقالنا كتير جدًّا تايهين ومُشتتين ومش عارفين نخرج من دوّامة الهمّ والاكتئاب!! تعب وشقاء وبهدلة وذنوب ومعاصى كل يوم، بل كل ساعة !!! بعد كل ده ييجي رمضان رحمة من المولى عَزْيَجَلَّ بنا علشان يغسل قلوبنا ويطهر نفوسنا ونكفر أوزار سنيييييين من عمرنا عشناها في غفلة وانتهكنا الحرمات واتجرأنا فيها على ربنا بالمعاصي وأخدنا فيها كمية ذنوووووب تدخلنا جهنم حدف لولا رحمة الله!!!!





شهر واحد بس، لك فيها فرص مهولة علشان تمحي ذنوبك وسيئاتك دي كلها بلوكمان تبدّلها كلها حسنات.. فرص بالجملة كل يوم وليلة.. لازم تستغلها صح بقى وتنهي المأساة والغفلة اللي إنت عايش فيها طول السنة.

## احسبها صح!

إلحق نفسك.. إلحق الفرص.. رمضان مجموعة فرص مش فرصة واحدة.. فرص لكل ما تتمناه..إلحق نفسك بسرعة..

گ قال أحد الصالحين: «إذا فُتِح لأحدكم بابُ خير؛ فليُسرع إليه، فإنه لا يدري متى يُغلَق عنه ؛ فاغتنم».

رمضان فرصة عمرك لمغفرة كل ذنوب السنين اللي فاتت من حياتك..

تخيل لو واحد عليه ديون ب٥٠ مليون جنيه، وكل أملاكه محجوز عليها ومرهونة وعليه أحكام بالسجن، وفجأة جاله واحد بيقوله: هتشتغل شغلانة معينة ٣٠ يوم، وهنسقط عنك ديون كلها؟؟ ياترى هل ممكن يتردد ثانية واحدة في قبول العرض؟

ده هيقول ده لو كان الشغل ده إني أنحت في الصخر





طيب لما تسمع النبي صَالِّتُهُ عَلَيْهُ وَسَالًا بيه من صام رمضان ايمانًا: ايمانًا واحتسابًا، غُفِر له ما تقدَّم من ذنبه» متفق عليه.. إيمانًا: يعني استسلامًا لله سُبْحَانَهُ وَتَعَالَى؛ يارب إنت أمرتني أصوم فصُمت.. واحتسابًا: إنك تحتسب الأجر بتاعك عند الله.. يعني الصيام لوحده بس في رمضان هيخلي كل البلاوي السودا اللي عملتها في حياتك تتغفر وتتشال أوزارها من عليك.. يعني فرصة إنك تبدأ صفحة جديدة بيضاااااااااء نقية تمامًا مع الله.. لما تسمع الكلام ده تكبّر دماغك ولا تستغل الفرصة العظيمة دي علشان يتغفر لك؟؟؟!!

رمضان فرصة للعتق من النار.. عارف يعني إيه العتق من النار؟؟؟ يعني السعادة الأبدية.. يعني مش هتدخل النار أبدًا..

يعني تخيل لو واحد ارتكب جريمة عقوبتها الاعدام وواقف على حبل المشنقة وخلاص هيتعدم، وقالوا له إن فيه فرصة إنه ياخد مرسوم عفو ملكي نهائي عنه يعتقه ويخلصه من حبل المشنقة. تخيل ممكن يعمل إيه علشان ياخد العفو ده؟؟؟ أمال لا نكون بنتكلم عن العتق من جهنم مش من المشنقة، يا ترى هتعمل إيه في رمضان علشان تفوز بفرصة عتق رقبتك من النار؟؟





وعلشان تستشعر فعلًا معنى العتق وتحس به، لازم تستشعر إنك ممكن تكون فعلًا من أهل النار.. وإنك محتاج تتعتق منها! تستشعر زي ما كان كل واحد من الصالحين بيقول عن نفسه: «لو نودي يوم القيامة أنه لن يدخل النار إلا واحد لخشيت أن أكون أنا»..

ولوعرفت خطر النار وشدة حرها، وشدة عذابها، هيهون عليك إنك تعمل أي شيء في سبيل إنك تُعتق منها.. لوعرفت يعني إيه نار وجربت تتلسع مرة وأدركت خطرها وعرفت أن قدامك فرصة ذهبية للعتق منها ؛ هتبذل كل غالي ونفيس للحصول على شهادة العتق دي، وهيكون الموضوع ده هو همّك وشغلك الشاغل طول الشهر.. اللهم أعتق رقابنا من النار يارب..

رمضان فرصة عُمرك لجمع أكبر عدد من الحسنات.. العلماء قالوا إن الحسنات بتُضاعف في رمضان.. الحسنات بتُضاعف في رمضان.. الحسنات بتُضاع ف بسبب شرف الزمان وفضله، مُضاعفة به «الكّم والكَيْف»، به الكّم يعني بالعدد، يعني العمل بيُضاعف أضعاف لا يعلمها إلا الله.. وبه الكَيْف يعني شواب العمل يبقى أعظم وأكبر عند الله عَرْجَاً..





رمضان فرصة عُمرك علشان ترتقي في درجات الجنة.. فرصة يرتفع مقامك ومنزلتك وتبقى من أهل الفردوس الاعلى بجوار حبيبك النبي صَأَلِتُهُ عَلَيْهِ وَسَلَّمَ.. ورد في الحديث الصحيح إن اتنين من الصحابة أسلموا مع بعض، واحد فيهم مات شهيد، والتاني مات بعده موتة عادية، فرُؤى في المنام إن التاني دخل الجنة قبل الشهيد، فالصحابة اتعجبوا وسألوا النبي صَاِّلتَهُ عَلَيْهِ وَسَلَّم، فالنبي صَلِّأَلِللهُ عَلَيْهِ وَسَلِّمَ قال لهم: «من أي ذك تعجبون؟؟» أليس قد مكث هذا بعده سنة؟؟ قالوا بلى، قال: وأدرك رمضان فصام وصلَّى كذا وكذا من سجدة في السنة؟؟ قالوا بلي، قال رسول الله: «فما بينهما أبعد مما بين السماء والأرض»!! سبحان الله.. الفرق ما بن منزلتهم في الجنة أبعد مما بن السماء والأرض.. عارف يعنى إيه سما وأرض؟؟!!! مع إن الرجل التاني لا حارب ولا استشهد ؛ ولكن النبي قال إنه أدرك رمضان واجتهد فيه!

احسبها صح بقى من دلوقتي علشان تعرف إنت هتربح قد إيه لو استغليت الفرص دي، وهتخسر قد إيه لو راحت عليك..









رمضان شهر الفرص الحصرية.. مع حصريات رمضان مش هتقدر تغمض عينيك.. مجموعة فرص مش بتجتمع مع بعض إلا في رمضان!

حصريًا في رمضان العتق من النار كل يوم وليلة، يعني المكافأة العظمى من الله عَنَّكً ...حصريًّا صلاة التراويح، يعني الصلاة اللي بتخشع فيها وبتبكي وبتلاقي قلبك.. حصريًّا الاعتكاف، يعني الانقطاع لله وترك الدنيا باللي فيها.. حصريًّا ليلة القدر، يعني ليلة العمر والأحلام.. حصريًّا الفرحة الكبرى للصايم، الفرحة في الدنيا والآخرة..

رمضان مش فرصة للفوز في الآخرة وبس.. رمضان فرصة عظيمة لعلاج كتير من مشاكل حياتك.. فرصة لتغيير روتين حياتك.. فرصة للايجابية وترك الكسل والنوم نص اليوم.. فرصة تظبط وزنك ونظام أكلك.. فرصة تبطل عادات سيئة في حياتك زي التدخين أو العصبية أو تضييع الوقت على النت وغيرها..





رمضان تذكرة قوية.. بتذكرك وتقولك كفاية بقى إلى كفاية في الله خلام لنفسك النفسك مش جسد وبس إلى فيه حاجات تانية في حياتك غير الأكل والشرب واللبس والترفيه إلى فيه روح محتاجة ترتوي وتاخد زادها بالقرب من الله الرمضان بيعرفك إن الطاعة مش مجرد عادة أو فريضة ؛ بل هي غذاء الروح اللي مش ممكن تعيش بدونه إ

رمضان يا شباب يعني شهر التغيير.. يعني الجنة أبوابها كلها متفتحة.. يعني النار أبوابها كلها متفلة.. يعني الشياطين مُقيّدة.. الملايكة في كل مكان ومالية أرجاء الدنيا.. المنادي بينا باغي الخير أقبل.. ويا باغي الشر أقصر.. في كل بينادي يا باغي الخير أقبل.. ويا باغي الشر أقصر.. في كل يوم وليلة عتقاء من النار.. أبواب السماء مفتوحة والدعاء مستجاب... أبواب الرحمة مفتوحة والمغفرة موجودة ودموع الندم قريبة والتوبة مقبولة بإذن الله.. عايز إيه أكتر من كده تاني؟؟؟؟

رمضان يعني الجو كله طاعة حواليك..المساجد مليانة، القرآن في إيد الكل، موائد الافطار في كل مكان، شنط رمضان والصدقات وعمل الخير مبيتوقنش..!





علشان كده تحس إن نهار رمضان نهار تاني مش زي أي نهار.. ليل رمضان ليل تاني.. هـوا رمضان هوا تاني.. المساجد في رمضان حاجة تانية... في رمضان حاجة تانية... رمضان إحساس تاني.. معنى تاني.. عيشة تانية.. حياة تانية خالص...

رمضان شهر فارق في حياتك ولحظات تغييرية حاسمة.. رمضان زلزال تغييري بقوة ١٠٠٠ ريختر!! جو رمضان جو تغيير حقيقي، طاقة إيجابية عالية جدًّا، فلو مقررتش وعزمت بجد إن رمضان يكون بداية التغيير والخير لك، فاعرف إن التغير بعده هيكون أصعب!

رمضان کان نقطة تحول في حياة ناس کتير، رمضان هو ميلاد جديد ليك، فاسعى على قد ما تقدر إنك لازم تخرج منه إنسان جديد..إوعى تفضل إنت زى ما إنت لا

إوعى يا حبيب قلبي ربنا يغلق لك أبواب النار وإنت تفتحها على نفسك بمعصية جديدة في رمضان (((

إوعى ربنا يفتحلك أبواب الجنة وإنت تبعد وترفض الدخول أو تنشغل عنها!!





إوعى ربنا يُقبِل عليك برحمته وكرمه وإنت تُعرِض عنه الإانت كده بتدّمر نفسك الأن اللي هيُعرِض عن ربنا، ربنا هيُعرِض عنه.. واللي ربنا هيُعرض عنه حياته هتبقى جحيم !!!

ك قال الإمام ابن القيم رَحْمَهُ اللهُ: «ومن أعرض الله عنه لأزمَه الشقاء والبؤس والبُخس في أحواله وأعماله، وصَاحَبَه سوء الحال وفساده في دينه ومآله.

فإن الرب تعالى إذا أعرض عن جهة.. أظلمت أرجاؤها، وانكسفت أنوارها، وظهرت عليها وَحشَة الإعراض، وصارت مأوى للشياطين، وهدفًا للشرور، ومَصبًّا للبلاء!

فالمحروم كل الحرمان من عرف طريقًا إليه، ثم أعرض عنها (».







# لعله الأخيرا

رمضان تذكرة قوية بتذكرك إنه عدى من عمرك سنة كاملة من رمضان اللي فات، يعني إنت قربت من آخرتك سنة كاملة، وكلها سنين هتعدي وهتقابل ربك وهتلاقي عملك حاضر قدامك، يا ترى عملت إيه تلقى به الله؟؟؟ يا ترى هتقول لربنا إيه؟؟

بُص حواليك هتلاقي فيه ناس كتيرة أوي ماتت الفترة اللي فاتت وملحقتش رمضان.. شوف كام واحد قريبك أو جارك أو صاحبك تعرفه مات الفترة اللي فاتت.. شوف واسأل نفسك: ليه مش أنا؟؟؟ وياترى لو كنت مكانهم كان حالي هيبقى إيه دلوقتى؟؟؟؟

افتح كده صفحات الفيس بوك وقلّب فيها وإنت هتلاقي ولاد وبنات زي الورد في عُمر الزهور ممكن يكونوا من نفس سِنك، خطفهم الموت من غير أي مقدمات !!!

وهي دي خطورة موت الفجأة اللي انتشر جدًّا في زماننا ( كل واحد حاطط لنفسه أماني وأحلام وعمّال يأجل التوبة كل شوية،





وفجأة وبدون سابق إنذار يلاقي نفسه تحت التراب وبيتحاسب عن كل حاجة!

عايزين يا شباب نستوعب الكلام ده ونحسه بقلوبنا، عايزين ندرك أهمية الكنز اللى بيهدى إلينا كل سنة، وبنفرط فيه بمنتهى السهولة كأننا ضامنين إن إحنا هنعيش لرمضان السنة الجاية! والله أمرنا عجيب!!

لازم نحمد ربنا إننا بفضل الله على أبواب رمضان ولسه عايشين.. واللي ربنا هيبلغه مننا رمضان لازم يفرح ويطير من الفرحة ويسجد شكر لله إنه على قيد الحياة وعنده الفرص المهولة دي كلها..اللي ربنا هيبلغه مننا رمضان هيبقى نعمة وفضل وكرم كبيبيير أوى لازم تشكر ربنا عليه بإنك تستغل كل لحظة فيه أحسن استغلال..

وأكبر دافع وحافز ليك علشان تقدر تستغل رمضان صح، هو إنك تعتبر إن رمضان ده آخر رمضان في حياتك ( والله أعلم هـ و ممكن يكون كده فعلًا (محدش عارف ( ربنا بيقول: ﴿ وَمَا تَدُرِى نَفْسُ مَّاذَا تَكُسِبُ غَدًا وَمَا تَدُرِى نَفْسُ بِأَيِّ أَرْضِ تَمُوتُ ﴾ (لقمان: ٢٤).





لو فكرت بجد إن ده ممكن يكون آخر رمضان في حياتك هتلاقي الدنيا هتختلف تمامًا.. لـ و عشت رمضان بإحساس إنه آخر رمضان في حياتك هتعيشه بأحاسيس تانية خالص..

ودي كانت وصيّة النبي صَالَتُمُعَيّهُوسَةً عند كل صلاة بنصليها: «صلّ صلاة مُودِّع»، علشان تخشع وتنسى الدنيا وهمومها وتُقبِل على الله بقلبك..

يعني تخيّل لوقولتك إن باقيك في الدنيا ربع ساعة وهتموت.. وهسيبك تصلي فيهم ركعتين، هتصليهم إزاى؟؟ أكيد هتفتكر الموت والحساب وهتنسي الدنيا كلها ومش هتفكر فيها ولو ثانية واحدة، ما إنت خلاص هتموت وتسيبها! طيب ما هوإنت فعلًا مش ضامن إن أي صلاة بتصليها تكون آخر صلاة.. فحاول يكون ده إحساسك مع كل صلاة بتصليها.. وحاول يكون إحساسك في كل عبادة بتعملها.. صُم صيام مُودِّع.. وقد قيام مُودِّع.. واقرأ القرآن قراءة مُودِّع.. واعتكف اعتكاف مُودِّع.. وتصدق صدقة مُودِّع..

يعني لو تخيّلت في كل عبادة بتعملها إنها آخر عبادة، أكيد روحك وخشوعك في العبادات كلها هيختلف.. ولو تخيّلت إنك خلاص هتموت آخر رمضان أكيد مش هتسيب المصحف من



إيديك، ومشى هتضيع وقتك في التفاهات، ومشى هيبقى كل اهتمامك بالأكل والمسلسلات.. (!

أكيد علاقتك مع الناس هتتغير.. وكل واحد هيبقي مركّز أوي في معاملاته وفي كل كلمة بيقولها...ولو فيه أي مشكلة بينك وبين حد هتلاقيها صغرت أوي في عينك وهتلاقيك بتسامحه وتعفو عنه...

هتلاقي كل السنن اللي كنت بتسيبها بحجّة إنها سنّة مش فرض استحالة هتفوتها لأنك هتبقى في أشد الحاجة لها ولأي حسنة...

وكل ده مش هييجي إلا لما يكون عندك يقين إن ممكن في أي لحظة تموت وإنت لسه ملحقتش تعمل أي حاجة (الكن للأسف قليل اللي هيقدريحس بالمعنى ده، الأننا مش بندرك الحاجة غير لما بنشوفها قدامنا وتكون واقع ملموس. (الوللأسف مش بنفوق غير بعد فوات الأوان (((

الخلاصة إن شعارك وإنت بتسعد لرمضان.. شعارك وإنت بتجتهد في كل طاعة في رمضان يكون «لعله آخر رمضان» (د..





خلّي ده شعارك.. وعيش كل يوم في رمضان بإحساس إنه آخر يوم في حياتك.. هتلاقى نفسك حاجة تانية خالص..

إنت في سباق مع الزمن لمدة ٣٠ يـ وم.. إوعى تقول مش هدخل، إوعى تتخاذل! إوعى تنسحب في نص السباق!! إوعى تفرط في الجايزة اللي مستنياك في نهايت ٥٠. دي مش كنز ولا كنوز الدنيا كلها تساوي ذرة فيها.. دي جنة الخلد..اللي فيها ما لا عين رأت ولا أذن سمعت ولا خطر على قلب بشر..يا ترى هتستعد بجد؟؟ يا ترى جاهز للتحدى؟؟؟

رمضان فرصة كبيرة أوي... إوعى تضيعها.. إوعى رمضان ييجى وإنت اللي ماتجيش..!!!

اغتنم الفرصة وإمسك فيها بإيدك وأسنانك وكل طاقتك.. متضيّعش رمضان علشان بعد كده والله لتندم على ضياعه من بين إيديك (١









# قواعد وقوانين مهمة



لازم قبل ما تنزل ملعب اللقاء تعرف كويس أوي القواعد والقوانين الخاصة بالحاجة اللي هتعملها.. وإلا هتلاقي واحد بيمسك الكورة بإيديه أو واحد بيضرب واحد وينطرد ويخسر ويرجع يقولك أصل مكنتش أعرف إن كده ممنوع..!!!!

وشهر رمضان يا شباب لازم نعرف إن له قواعد وقوانين شديدة وحاسمة، لازم تعرفها وتدرسها وتحفظها وتحطها قدام عينيك علشان تكون بإذن الله مع الفائزين!!!!

تعالوا مع بعض نشوف بعض قواعد رمضان:

#### القاعدة الأولى: لا مجال للخسارة!!!

يعني إيه؟؟ يعني أي حاجة فيها مكسب وخسارة.. واللي بيته زم في أي مباراة ممكن يخسر المركز الأول بس يبقى اسمه خد المركز التاني.. ممكن يخسر في دور الذهاب ويعوّض في دور العودة.. ممكن يعوّض في بطولة تانية وتالتة.. إنما في شهر رمضان مينفعش يكون فيه أي احتمال للخسارة!! للدرجة دي؟؟؟ أيوه للدرجة دى وأكتر كمان.. عارفين ليه شباب؟؟ لأن الخسارة أيوه للدرجة دى وأكتر كمان.. عارفين ليه شباب؟؟ لأن الخسارة





ي (مضان يا إما جنة يا إما نار.. مفيش خيار تالت.. مفيش حاجة رمضان يا إما جنة يا إما نار.. مفيش خيار تالت.. مفيش حاجة وسط.. ورمضان مرة واحدة في السنة.. مفيش فيه ذهاب وعودة.. مفيش تعويض في رمضان الجزء التاني.. ويكفينا في ده الحديث الخطير: (عن أبي هريرة رَحَايَتُهُ أن النبي صَالَتُهُ كَيْمُوسَلِّ صعد المنبر فقال (آمين آمين آمين)، قيل يا رسول الله إنك صعدت المنبر فقلت (آمين آمين آمين)، فقال: إن جبريل عَيْمَالسَّكُمُ أناني فقال من أدرك شهر رمضان فلم يُغفَر له، فدخل النار، فأبعده الله الله الله أنه فأبعده الله الله أنهين آمين). صححه الألباني...

العلماء بيقولوا في شرح جملة «فأبعده الله» معاني خطيرة جدًّا .. ‹‹ بيقولوا: «فأبعده الله» أي أبعده الله عن الجنة أو أبعده الله الله في النار قاع جهنم أو أبعده الله عن رحمته، او أبعده الله عن الله إلى الله الله عن رحمته، او أبعده الله عن الله إلى الله الله عن الله عن ممكن يستحمل عقوبة زي دي أيا كان المراد منها؟؟؟

وي رواية تانية للحديث: «رغم أنف امرئ أدرك رمضان فلم يُغفَر له».

رغم أنف يعني أنفه هتبقى في التراب والطين.. وده دعاء عليه بلزوم الذل والصغار...فجدير بأن يُهان ويُحقَّر شأنه عند ربه..





وفي رواية: «بُعدًا لِمَن أدرك رمضان فلم يُغضَر له».

بُعدًا يعنى دعاء عليه بالبعد عن الرحمة والمغفرة..

وفي رواية: «شَـقِي عبدٌ أدرك رمضان فانسَـلَخ منه ولم يُغفَر له».

شُقِي يعني خاب وخسر.. يعني حياته كلها هتبقى شقاء وتعاسة وهم وغم ( ( ا

كل رواية من الحديث لفظها أشد وأصعب من التاني ! وده علشان الناس تفوق وتعرف إن رمضان مش لعبة !!

اللي ربنا هيفتحله أبواب الجنة كلها ويسيبها ويرفضها علشان مسلسل ولا بنت ولا أي شهوة كانت، هيدخل إمتى تاني؟؟؟ لما يكون كل يوم فيه فرصة للعتق والنجاة من النار ويسيبها، هينجو إمتى تاني؟؟؟

فاللي هينتهي رمضان وهـ و خسران فده من الأشقياء.. من الخاسرين.. هو ده الخسران المبن!!

إبعاد اللي مش هيتغفر له في رمضان في النار هو خطر بيهدد كل واحد بيستهين برمضان ومش بيستعد له استعداد حقيقي، يعني اللي لازم نعرفه إن الفوز بالمغفرة في الشهر ده مش حاجة هامشية





ممكن نستغنى عنها، بحيث إننا لو حصانا عليها يبقى خير ولو محصاننهاش مش هنخسر شيء؛ لأ طبعًا، ده إنت يا إما هيتغفر لك، يا إما هتُبعد في النار وهتكون من الخاسرين وأنفك هتبقى في الطين زي ما النبي صَلَّتَهُ عَبْدُوسَةً دعى على اللي هيدخل رمضان ومش هيتغفر له (١ فلا يوجد أي مجال للخسارة في رمضان..

### القاعدة التانية: لابد من الأداء الجيد لتحقيق الفوز:

يعني إيه؟؟ يعني ممكن بعض الفرق يكون مستواها سئ جدًا وملعبتش طول الماتش وبرغم كده تفوز، سواء بغلطة حارس مرمى أو خطأ تحكيمي أو كورة طايشة.. وعلشان كده أوقات كتير تلاقيهم بيقولوا مش مهم الأداء، المهم النتيجة!! والكلام ده طبعًا مينفعش في رمضان بكل المقاييس! لازم أداء كويس علشان تكون النتيجة كويسة.. مينفعش تبقى قاعد مقضيها طول الشهر ومفكر إن المغفرة هتجيلك لحد عندك!!! مينفعش تجتهد أول يومبن وباقى الشهر ولا إنت هنا!!! مينفعش إطلاقا!!!

لازم يا حبيب قلبي تأدي كويس وتعمل مجهود من أول دقيقة ولحد صفارة النهاية مع أذان آخر مغرب في الشهر علشان تفوز بجوائز رمضان.. ولازم تتيقن إن مفيش مجهود هتعمله بيضيع



عند ربنا أبدًا.. قال الله تعالى: ﴿ وَمَاكَانَ اللّهُ لِيُضِيعُ إِيمَنَكُمْ ﴾ (البقرة:١٤٢).. وقال تعالى: ﴿ أَنِي لا أُضِيعُ عَمَلَ عَمِلِ مِنكُمُ مِن ذَكِرٍ البقرة:١٤٥).. وقال تعالى: ﴿ فَمَن أَوْ أَنْنَى بَعْضُكُم مِن ابَعْضِ ﴾ (آل عمران:١٩٥).. وقال تعالى: ﴿ فَمَن يَعْمَلُ مِثْفَكَالَ ذَرَّةٍ خَيْرً يَكِرُهُ ﴾ (الزلزلة:٧)، وقال تعالى: ﴿ فَمَن فَعَملُهُ مِنْ اللّهُ أَمَدًا ﴾ (الكهف:٤٤).. فكل اللي هتعمله هتلاقيه هتلاقيه متلاقيه.. كل سجدة هتسجدها.. كل تسبيحة هتقولها.. كل حرف هتقراه في كتاب الله.. كل دمعة هتنزلها من خشية الله.. هتلاقي كل شيء.. بل هتلاقيه أضعاف أضعاف أضعاف ما تتخيل.. فاشتغل واجتهد وهات آخرك..

وأنا مش عايز أجيبك نمازج وأمثلة من اجتهاد وعمل الصحابة والتابعين والصالحين وأقعد أقولك إن فيه واحد كان بيختم ٢٠ ختمة وواحد كان بيقوم الليل بالقرآن كله، إلخ.. لأن ده ممكن يعقد ويُحبطك.. أنا عايزك تجتهد على قد طاقتك ومقدرتك إنت.. تجيب آخرك وتبذل أقصى ما مقدرتك وتشتغل بكل قوتك وطاقتك، وربنا يعلم ما في قلبك إنك نفسك تعمل أكتر من كده ولكن هوده آخر ما في وسعك، فيجازيك بنيتك أضعاف عملك..





اجتهد وإنت كلك أمل ورجاء ويقين وحسن ظن في الله إنه بكرمه وفضله ورحمته وجوده هيتقبل منك وهيوفقك ويهديك ويغفرلك ويعتقك من النار ويبلغك ثواب ليلة القدر.. فهو أهل الفضل والجود والكرم..

### القاعدة التالتة: مفيش وقت بدل ضائع:

يعني إيه؟؟ يعني في كل مباراة أي وقت بيضيع الحكم بيحتسب بداله وقت بدل ضايع ويضيفه في آخر الماتش! ولكن في رمضان هما ٣٠ يوم أو ٢٩ يوم، كل يوم بيعدي منهم مش هيرجع تاني، كل دقيقة بتضيعها راحت عليك خلاص ومش راجعة تاني ولا هيبقي ليها بديل!!!

يعني إيه؟؟ يعني اظبط ساعتك كويس أوي.. ومن أول دقيقة عينك على الوقت علشان ميتسرقش رمضان منك وإنت قاعد في غفلة بتتدلع شوية وتهزر شوية وتنام شوية!!!!

قدامـك ۲۰ يوم.. يعنـي ۷۲۰ ساعة.. يعنـي ۲۳۰۰ دقيقة مش ۹۰ دقيقة ال يا ترى هتجيب فيهم كام جون؟؟ يا ترى هتحقق كام هدف؟؟!! يا ترى هتستغلهم إزاي علشان تغير حياتك وتكون إنسان جديد!!!





ولو تأملنا في آيات شهر رمضان في سورة البقرة، هنلاقي ربنا عَرَبَي وصف الشهر بقوله تعالى: ﴿ أَيَّامًا مَّعُدُودَاتٍ ﴾..

### الوصف ده له دلالات مهمة جدًّا...

أيامًا معدودات يعني قيمتها غالية أووووي.. الشيء اللي بنعية، ونحسبه هو الشيء المهم أوي وله قيمة.. وقيمة أي شيء في الدنيا مهما كانت متساويش نقطة في بحر من قيمة الآخرة.. فأيام رمضان هي أيام التزود للآخرة.. وقيمتها أغلى من كنوز الدنيا كلها.. وعلشان كده اللي بيعرف قيمة أيام رمضان بيعدها بالدقيقة والساعة، واللي مش عارف قيمتها بيصوم وخلاص وهو حتى مش عارف انهاردة كام في الشهر لحد ما يقولوله خلاص بكرة العيد!!

أيامًا معدودات يعني مفيش أي وقت فيها للتقصير أو التفريط..تخيّل واحد دخل قصر مليان مجوهرات وكنوز، وقدامه ٥ دقايق بس ياخد اللي عايزه وبعدها هيخرج! صاحبنا دخل شاف قدامه عربية تحفة، انبهر بها ووقف يتفرج عليها ويشوف امكانياتها، شوية وشاف بنت جميلة جدًّا، جري عليها علشان يتعرف عليها ويكلمها، وفجأة لقى الـ٥ دقايق خلصوا وهو



مشى واخد باله، من غير ما يلحق يقتنص الفرصة ويجمع كل اللي يقدر عليه من كنوز القصر!!

إحنا بنذكر المثل ده علشان محدش يقول: هي ساعة بس هتابع كام مسلسل على السريع كده بعد التراويح!! هفتح النت أشوف بس أخبار الفيس والواتس والتليجرام ومش هطوّل!!! هخرج بس مع أصحابي نشم شوية هوا بالليل وهنرجع بسرعة!

يا حبيب قلبي رمضان مش وقت للغفلة.. إلحق وجمّع أكبر قدر من الكنوز قبل ما الوقت يعدي (١١ متضيّعش الفرصة (١١)

أيامًا معدودات يعني سريعة الزوال... هتعدي بسرعة جدًّا.. يوم ورا يوم وهتبص تلاقيها انتهت إوالعاقل اللي بيفهم اللي يكون مُستعد لها ومنتظرها علشان يلحق كل دقيقة فيها وهي بتجري بسرعة..

أيامًا معدودات يعني كلها كام يوم هتتعب فيهم وهتيجي على نفسك في أكلك وراحتك ونومك، ولكن كل التعب ده هيعدي ومشى هتحس به بعد ما تنتهي، ولكن هيتبقى الثواب والأجر وتوابعه من انشراح قلبك وفرحتك بطاعة ربك سبحانه.. فكل ما تتعب وتحس إنك خلاص مشى قادر.. افتكر إن رمضان «أيامًا معدودات»..





رمضان يا شباب ملهوش وقت بدل ضائع.. وعلشان كده عاوزك يا حبيب قلبي تدخل رمضان وقلبك خايف إن أي وقت يعدي عليك من غير ما ترضي الله؟ شوفت نفسك وانت في إمتحان الثانوية بتبقى عامل إزاي؟؟ سايب أصحابك والمراقب ومركّز في ورقتك، وكل دقيقة عمّال تبص في ساعتك، ومش عاوز أي حد يشغلك علشان خايف للوقت يضيع منك ويضيع منك أي سؤال!! خايف لتروح منك درجة أو نص درجة!!

أنا عاوزك تكون كده في رمضان.. حاسب نفسك على أي وقت تضيعه... وماتديش لنفسك أي فرصة تعمل معصية؟؟ اشغلها بالطاعة؟ وخلّيك فاكر إن رمضان وقته أخطر مما نتخيل...

دي أيام معدودة.. يعني اليوم اللي هيضيع منها = ضياع فرصة عتق من النار = ضياع فرصة إتمام الصيام والقيام ومغفرة الذنوب الماضية = ضياع دعوات مستجابة = ضياع كنوز من الحسنات = ضياع درجات في الجنة (

هات ورقة وقلم واكتب ورقة كل يوم (باقي من رمضان كذا يـوم) وعلّقها في أوضتك تبقى قصاد عينك على طول علشان تذكّرك دايمًا وترفع من همّتك..



### القاعدة الرابعة: الأداء الجماعي وروح الفريق من أهم عوامل الكسب:

يعني إيه؟؟ يعني اللي بيلعب لوحده حتى لو كان أحسن لاعب في العالم صعب يحقق فوز كبير الالزم يتعاون مع زمايله ويكون فيه لعب جماعي علشان يقدروا يوصلوا للمرمى ويجيبوا أهداف كتيرة...

يعني إيه؟؟ يعني حاول بقدر ما تستطيع متنزلش رمضان لوحدك الاحاول تلاقي صحبة صالحة تكونوا مع بعض وتساعدوا بعض وتشجعوا بعض، ولوحد وقع التاني ياخد بإيده، ولوحد ربنا فتح له باب خير يدخّل الباقيين معاه وينطلقوا مع بعض في طاعة الله.. الصحبة الصالحة كنز.. وضورورة حتمية لابد منها في رمضان وغير رمضان، بسفي رمضان الصحبة هتخليك حاجة تانية خالص.. هتلاقي نفسكوا بتعينوا بعض على حفظ القرآن وقراءة الورد مع بعض، وبتروحوا المسجد في كل صلاة مع بعض، وبتروروا مستشفيات مع بعض، وبتجهزوا شنط رمضان للفقرا وبتزوروا مستشفيات مع بعض، وبتجهزوا شنط رمضان للفقرا وتوزعوها مع بعض، وبتسائوا بعض عن أحوال قلوبكم..





هتلاقي التنافس الجميل والتسابق وروح الحماسة والتشجيع الدايم..

هتلاقي اللي بيذكّر التاني بتقصيره وينبّهه لأخطاءه واللي بيع زم التاني على السحور والفطار.. واللي بيخفف عن التاني الامه لو مرض أو تعب..واللي بيضحّك التاني ويهزر معاه..

الصحبة الصالحة جنة والله يا شباب.. إبدا بقى دوّر على صاحب صالح والزق فيه وخدوا بإيد بعض.. إبدأي يا أختي شويخ صحبة صالحة وامسكي فيهم ومتسيبوش بعض.. علشان تبقوا في الآخرة بإذن الله في ظل عرش ممن قال فيهم النبي صَلَّلَهُ عَيْنُوسَكَم: «ورج لان تحابا في الله اجتمعا عليه وتفرقا عليه».. اجتمعا على طاعة الله.. وتفرقا على طاعة الله.. فصاحبك اللي بجد هو اللي يسحبك معاه للمسجد والخير، غير كده مش عايز أعرفه..!

ده بقى غير بركات وعطاءات الاجتماع على الطاعة كما في حديث النبي صَالِّلَهُ عَلَى وَصَاءات الاجتماع على الطاعة كما في حديث النبي صَالِللهُ عَلَى وَسَالِهُ وَلا حفتهم اللهُ اللائكة، وغشيتهم الرحمة، ونزلت عليهم السكينة، وذَكرهم اللهُ فيمن عنده».



سبحان الله.. تتنزل عليهم الرحمة والسكينة، وتحوطهم الملائكة، وربنا يذكرهم باسماءهم في الملأ الأعلى في السماء، ويباهي بهم الملائكة، ويغفر ذنوبهم.. تخيل كل دي عطاءات حد بفرط فيها؟؟؟

وكما جاء في الحديث الصحيح عن الصَّحبة اللي بيقعدوا يذكروا ربنا مع بعض، إن ربنا بيغفر لهم ويعطيهم ما سألوه، (فيقول ملك من الملائكة: فِيهِمْ فُلَانٌ لَيْسَ مِنْهُمْ إِنَّمَا جَاءَ لِحَاجَةٍ، فيقول الله تعالى: هُمْ الْجُلَسَاءُ لاَ يَشْقَى بِهِمْ جَلِيسُهُمْ) سبحان ربي التغفر له معاهم مع إنه أصلًا جاي علشان مصلحة معينة، مش جاي علشان يذكر الله، ولكن ببركة وجوده وسط الصالحين شملته المغفرة والرحمة.

ده غير إن الاجتماع على الطاعة بيساعدك في التأمين على عباداتك.. يعني لو اخدت صاحبك معاك يصلّي أو دلّيته على أي عمل خير ؛ فلك نفس الأجر والثواب، فلو فيه أي نقص أو مشكلة في عبادتك، يبقى ساعتها عندك رصيد تاني احتياطي من العبادات اللي أرشدت الناس لها وساعدتهم عليها..وهو ده التأمين الصح..





الصحبة أمر مهم جدًا يا شباب.. وعلشان كده ربنا أمر النبي صَالَتُهُ عَلَيْ وَقَالَ له: ﴿ وَاصْبِرُ نَفْسَكَ مَعَ الَّذِينَ يَدْعُونَ لَنْهُم بِالْغَدُوقِ وَالْعَشِيّ يُرِيدُونَ وَجْهَهُ ﴿ (الكه ف:٢٨).. يعني خليك مع الصحبة الصالحة اللي بتطيع ربنا، وإوعى تفارقهم، واصبر عليهم حتى لوحصل منهم أي شيء، لأن دول هما صمام الأمان الحقيقي ليك..

#### القاعدة الخامسة: إوعى تستهزئ أو تستقل بالخصم:

يعني إيه؟؟ يعني متفتكرش إن ريال مدريد بيلاعب مركز شباب كوم البطيخ (الاااااااااا الله ده إنت خصمك قوي وعنيد جدااااااا وخبيث بدرجة لا تتخيلها، ونفسه ومُنى عينه يخليك تخسر رمضان بأى وسيلة حتى لو كانت قذرة وحقيرة (الا

خصمك الحقيقي في الشهر ده هو شياطين الإنس اللي هما أخطر من شياطين الجن البن إنت مشل عارف بقالهم ١١ شهر مبيناموش إزاي علشان الشهر ده، إنت مش عارف رمضان بالنسبة لهم معركة قد إيه؟؟!! شياطين الإنسل اللي بيستعدوا علشان يضيعوا عليك الشهر بقالهم شهور!! وبيعملوا كل حاجة وبيسخروا كل قدراتهم وامكانياتهم وبيتفننوا في تجهيز وتحضير كل أنواع الاغراءات والشهوات اللي مكن تعطلك أو تلهيك عن



القرب من ربنا والفوز برمضان.. بل دول عايزينك في رمضان تعصي ربنا أكتر مما كنت بتعصيه قبل رمضان.. فبدل ما يكون رمضان شهر التوية والرجوع والتغيير.. يكون شهر الانحلال والانهيار والانحدار لأسفل سافلن!!!

شياطين الإنس موجودين في كل مكان حواليك ومش هيناموا ولا هير تاحوا ولا هيهدالهم بال غير لما يفسدوا عليك قلبك ودينك ويبعدوك عن ربك ومولاك ((ا فخد بالك واحترس واستعد لهم إنت كمان واعرف قوة خصمك وعدوك حتى لا تُفاجأ بالخسارة الأليمة القاسية (((()









# شد عضلي!

أي لاعب بيبقى خايف جدًّا من إصابات الملاعب الوده لأنها ممكن تبعده عن الماتش وتتسبب في خسارة فريقه وخسارته هو كمان لمستواه، والإصابة يا شباب لما تكون في أي ماتش عادي مش هتبقى مشكلة كبيرة، إنما لما تكون في مباراة مهمة ومصيرية زي نهائي بطولة بتبقى كارثة، لأن ده أكتر وقت هتكون فيه محتاج تبقى في أعلى مستوى ولياقة بدنية، وأشهر إصابة بتييجي للناس كلها في شهر رمضان ومفيش حد فينا تقريبًا مش بيشتكي منها في كل رمضان، هي «الشد العضلي في رمضان» [الله وده سببه الرئيسي طبعًا اللي كلنا عارفينه وحافظينه هو عدم التسخين والإحماء الجيد قبل رمضان!!

يعني إيه؟؟ يعني لازم تستعد كويس أوي من قبل الماتش.. لازم تدريب كويس أوي..تدريب متواصل.. لازم تمارين يوميًا في مواعيد محددة.. وقبل ما تنزل الملعب لازم تجري كام لفة حوالين التراك.. لازم تمشّي الكورة مع زمايلك.. وإلا هيجيلك شد عضلي مليون ٪!!!





فلازم نسخّن ونستعد يا شباب قبل رمضان كويس أوي.. ده إحنا لو أي حد فينا عايز يعمل مشروع تجاري لازم يجهز ويعد العدّة ويعمل دراسة جدوى وموازنة تفصيلية، ويحسب كل صغيرة وكبيرة بالورقة والقلم، ويسأل ويستشير ١٠٠ واحد متخصص، ويقرأ ويدرس علشان يجهز صح ويبدأ صح، وبالتالي ينجح في مشروعه ويجني الربح والمكسب من وراه.. وكل ده ممكن ياخد منه شهور بل سنين.. بس علشان هو عنده إرادة بجد فلا يكلّ ولا يملّ.. علشان هو حاطط الأرباح والمكاسب قصاد عينيه بيركّز ويوحّه كل طاقته لتحقيق أهدافه..

فهل رمضان بالنسبة لنا أقل من أصغر مشروع تجاري علشان نقصر في الاستعداد له بالشكل اللي كلنا شايفينه \$\$\$\$

ده مفيش طالب عنده امتحان إلا وبيقعد على الكتاب من قبلها بشهر واتنين، بل الناس بتستعد حتى وبتاخد دروس وكورسات وتشتري الملازم وكتب المراجعة النهائية من شهر ٧١٤ من قبلها بسنة ١١ لأن كل واحد عايز يتفوق، كل واحد عايز يكون من الأوائل، كل واحد عايز يدخل الكلية اللي بيحلم بيها ١١١١ أما اللي بيذاكر ليلة الامتحان فده واحد مش فارقه معاه أصلًا ولا





يعرف يعني إيه امتحان! أو واحد عايز ينجح بالعافية وممكن ميعرفش حتى ينجح!!!

فزي ما بنستعد لكل حاجة في الدنيا لازم نستعد برده للآخرة.. نهتم شوية بقى بآخرتنا.. مش كفاية غفلة طول السنة!

رمضان ۳۰ يوم مش ۳۰ دقيقة يا شباب السيني محتاج واحد يكون متدرّب كويس أوي علشان يقدر يكمّل ال ۳۰ يوم بنفس المستوى!

رمضان في وقتنا ده الليل فيه قصير والنهار طويل، يعني عايز لياقة إيمانية عالية جدًّا،عشان تقدر تستثمر الليل مع قلة نومك، وتستثمر النهار مع تعب الصيام...

ف الأزم على الأقل بداية من شهر رجب نبداً نجهز نفسنا ونرتب أمورنا ونظبط جدول ونظام للطاعة والعبادة نمشي عليه ونزود فيه مرة ورا مرة لحد ما نوصل للمستوى اللي بنحلم بيه في رمضان.. لحد ما نوصل لللياقة البدينة المثالية اللي تخلينا بفضل الله وحدة نكمل رمضان بنفس الهمة والنشاط في العبادة.. لحد ما توصل للكفاءة القلبية والشحن الإيماني اللي يخليك تعيش مع حلاوة ولذة الطاعة في كل ثانية في رمضان،





وميخليش قلبك يفصل في أول ركعة في التراويح أو بعد يا دوب ٥ دقايق بتقراهم في المصحف..

نبدأ من دلوقتي علشان نتعود على العبادة ومحدش فينا يُفاجاً إنه ومن أول ليلة كل تركيزه راح في تعب رجليه، فيضيع الخشوع، فيندم ساعتها ويقول: «يا ريتنى اتعودت على القيام قبل رمضان»!!

ف متقولش هتغ ير في رمضان وهتوب في رمضان وهصلي التراويح والقيام وهكس الدنيا ( صدّقتي مش هتعرّف تعمل حاجة طول ما إنت قبل رمضان زي ما إنت ( مش هتلاقى نفسك في رمضان طاير في الهوا ورايح على المسجد في كل صلاة وتلاقى نفسك بتصلّى ( المش هتلاقى حاجة تقف قدامك عينك وتمنعك من إنك تنظرة حرام ( مش هتلاقى حد قبل المعصية أو الغلط بيشد في ويفضل يبعدك عنها ( الأ

اللي مش قادر يقرأ دلوقتي نصى ساعة قرآن، إزاي هيقدر يقرأ قرآن ٣٠ يوم؟؟ يا جماعة لازم نف وق.. خلينا صادقين مع أنفسنا ولو مرة واحدة (١

رمضان مشى مصباح علاء الدين.. ماتفتكرشى إنك أول ما يدخل رمضان هتقضيها صيام وقيام وعينك هتنهمر من





الدموع.. ده وهم في خيالك.. لازم إنت اللي من دلوقتي تبدأ تتوب وتتغير وتصلّح قلبك وتحافظ على الصلاة وتبعد عن المعاصي وتصوم وتقوم وتفتح المصحف.. لازم تستعد وتسعى وتجتهد وتسعين بالله..

اللي مش هيستعد لرمضان هيندم في كل يوم في رمضان، بل مع كل طاعة بيعملها الشهيندم لما يلاقي قلبه حجر وهو عمال يعصر فيه وبرده مفيش أي حاجة بتأثر فيه، ويلاقي نفسه مش قادر يمسك المصحف ولا عارف ينزل دمعة واحدة في الصلاة ولا حاسس بطعم أي حاجة في رمضان!







# ازرع لتحصد!

رمضان مش شهر مجاهدة الرمضان شهر حصاد.. رمضان مش شهر تواجه فیه شهواتك ومعاصیك، كل ده المفروض تعمله یخ رجب وشعبان علشان تدخل رمضان بقلب نضیف، بقلب یحصد الثواب علی طول، یجنی الثمار وهو مستریح...

يعني كل اللي عايز تحصده وتجنيه في رمضان لاااااااازم تزرعه من دلوقتي.. الحاجات اللي إنت نفسك تحصدها في رمضان لازم هتبذرها وهترويها في رجب وشعبان لحد ما تبدأ تكبر وترعرع، وتيجى في رمضان تقطف أحلى ثمار..

رمضان يا شباب عامل زي القطر، اللي هيكون مستعد ومجهز نفسه وواقف على المحطة ومحضّر شنطته ومنتظره هو اللي هيلحق وللي هيلان اللي هيلحقه ويركب ويوصل به لغايته وأمانيه.. واللي هيكون غافل، اللي هيقضيها لعب وتهريج هيفوته رمضان وهو الوحيد الخسران!!

رجب وشعبان هما الأساس يا شباب.. إحنا عاملين زي اللي مش بيقدر يشيل غير ١٠ كيلو حديد وداخل مسابقة بعد





شهرین مطلوب منه فیها یشیل ۲۵۰ کیل و وبیقول ملکش دعوة، بس یتحطوا قدامی وهشیلهم... (۱۱ طب إزای بس؟ (۱۱

يا شباب..الفشل في الاستعداد لرمضان للأسف قصة مكررة كل سنة .. ( وبتؤدي للفشل في رمضان كل سنة ( خسرنا كام رمضان في حياتنا بسبب عدم الاستعداد له ( وبرده محدش عايز يعتبر (

لابد إنك تتغير قبل رمضان، وتتوب قبل رمضان، وتتعود على كل اللي هتعمله في رمضان من قبل رمضان، اللي نفسك تعمله في رمضان تبدأ تشتغل عليه من انهارده.. وإلا مش هتعرف تعمل حاجة أو هتعمل بس مش هتقدر تكمّل!

عايزين الاستعداد يبقى واقع نعيشة مش مجرد هاشتاج أو كومنت على بوست تريح بيه دماغك وتقول: «اللهم بلغنا رمضان» !!

الواحد بيتعجب لما يلاقي شاب في ريعان الشباب بيقول: هنصوم إذاي في الحرده؟؟ في حين إننا بنلاقي شيخ عمره تجاوز الـ٧٠ بل والـ ٨٠ سنة بيصوم عادي جدًّا ومن غير أي تعب ولا مشقة.. مع إن الشاب طبعًا يقدر يتحمل أكتر من الشيخ الكبير؟؟



لوشوفنا الموضوع هنلاقيه ببساطة إن الشيخ الكبير عود نفسه على صيام التطوع طول السنة، فتلاقيه بيصوم الاثنين والخميس، و٣ أيام من كل شهر، وستة أيام من شوال، و... و... فأصبح الصيام سهل عليه بل أصبح يتلذّذ بالصيام.. الصيام بقى مُتعة بالنسبة له! سبحان الله!!

إنما اللي مش متعود على الصيام هيلاقي نفسه فاصل في نص اليوم، ومجرد ما يروح مشوار أو يصلي ركعتين يحس إنه عايز يستريح بقية اليوم كله!!!

يا شباب.. لازم نستعد ونعرف إنه على قدر ما تستقيم في رجب وشعبان... على قدر ما يفتح ربنا عليك في رمضان..

بل لازم نعرف إن الاستعداد لرمضان علامة إيمان أو نفاق.. كما قال النبي صَّالِسَّهُ عَلَيْهِ وَسَلَّمَ: «بمَحْلُوفِ رسول الله، ما أتى على المؤمنين شهر خيّر لهم من رمضان، ولا أتى على المنافقين شهر شرّ لهم من رمضان، وذلك لما يُعدّه المؤمنون فيه من القوة للعبادة، وما يُعدّ فيه المنافقون من غفلات الناس وعوراتهم»، صححه الشيخ أحمد شاكر.. النبي صَّالسَّهُ عَلَيْهُ وَسَلَّمُ بيقول إن لازم المؤمن اللي عنده إيمان حقيقي في قلبه يستعد للعبادة في رمضان بكل قوته.. على عكس المنافق اللي عايز يقضيها لهو وغفلة!!





أنا عايزك كمان وإنت بتستعد لرمضان تتيقن إنك بتستعد في نفس الوقت للقاء الله لأن الموت ولقاء الله أقرب إليك من شعبان ورمضان إلى يا ترى مستعد للحظة دي؟؟ لحظة العرض على الله؟؟ استعد بأقصى ما تستطيع!







# المُحرِّك الرئيسي!

لكن لازم نعرف يا شباب إن الاستعداد الحقيقي مستحيل هيكون بدون إرادة، وعلى قدر الإرادة هيكون الاستعداد، لأن الإرادة هي المُحرِّك الرئيسي للقيام بأي عمل، وقوة الإرادة بتكون على قدر معرفتك بأهية وقيمة الشيء اللي إنت تريد الحصول عليه والفوز به..

فمثلًا اللي بيستعد لامتحانات أولى ثانوي غير اللي بيستعد لنهائي لتالتة ثانوي إلى واللي بيستعد لنهائي بطولة (إ

ولو تأملنا، هنلاقي فعلًا إن أكتر حاجة بتخلّي الانسان زاهد في الشيء اللي معاه، هي إنه مش عارف قيمته!! يعني لو واحد لقي جنيه دهب على الأرض وهو مش عارف يعني إيه دهب، هيسيبه ويمشي ولا هيبص له!! إنما اللي عارف يعني إيه دهب، هيجرى عليه بكل قوته علشان يلحقه قبل أي حد تاني!

ک ولدنك قانوا: «من عرف قدر الجزاء، صبر على طول العناء».





ك وقالوا: «من عرف حلاوة الأجر..هان عليه مرارة الصبر».

ک وقالوا: «من عرف قیمة ما یطلب، هان علیه جمیع ما یبذل»...

وعلشان كده الناس لما عرفت قيمة العربيات والعمارات والشائيهات، هان عليها التعب والصبر والاستحمال على جمع الفلوس من أجل الحصول عليها!!

وإنت كمان لازم تقرأ وتسمع عن فضل رمضان وثوابه ومكاسبه وأرابحه وجوايزه اللي محدش يتخيلها علشان تعرف قيمته.. حمّل واسمع مقاطع تشوقك لرمضان.. عايزين قلوبنا تلتهب من حرارة الشوق لرمضان.. اقرأ واسمع دروس ومقاطع عن فضائل رمضان وصيامه وقيامه، فضائل قراءة القرآن، فضائل الليالي العشر الأخيرة، فضائل ليلة القدر، وتدبّر ما ورد فيها من الآيات والأحاديث، معرفة الفضائل دي هتديلك حافز رهييييييب على اغتنام الفضل ده وعدم تضييع شيء منه.. مش معقول واحد صايم وميعرفش حديث واحد عن فضل الصيام!!! لازم ولي وتعرف الفضائل علشان تستحضرها في نيّتك..



ده إنت لو عرفت الأحاديث اللي فضل الصيام مش هتبطل صيام! هتبقي مُستمتع بالجوع والعطش وإنت صايم!!

اقرأ واسمع عن رمضان علشان تقوّي الإرادة جواك، وبالتالى يقوى استعدادك وتعلو همّتك..

الإرادة يا شباب من أهم عوامل التغيير والنجاح.. الارادة يعني تكون من جواك عايز بجد.. لأن فيه فرق كبيبير بين واحد عايز يتغير بس مش عايز!!

إزاي ده؟؟! ما هو لما تقول بلسانك: أنا عايز أتغيّر بس فعليًا لسه قاعد في مكانك ومفيش خطوة واحدة أخدتها علشان تتغير، يبقى إنت كده بتضحك على نفسك ومش عايز حاجة!!

ولو تأملنا هنلاقي إن القرآن أبرز نقطة الإرادة دي بشكل واضح وصريح، وهو بيخبرنا عن المنافقين اللي تخلفوا عن غزوة تبوك، وفضح نواياهم، حيث قال: ﴿ وَلَوْ أَرَادُوا ٱلْخُرُوجَ لَاَعَدُوا لَكُ، عُدَّةً وَلَكِن كَرِهَ اللّهُ اللّهِ اللّهِ عَلَيْهُمْ فَقَبَطَهُمْ وَقِيلَ الْقُعُدُوا مَعَ المَعَادَةُمُ فَقَبَطَهُمْ وَقِيلَ القَعُدُوا مَعَ المَعَادَةُم فَا اللّهِ عَلَيْهُم عَلَيْكِن عَلَيْ اللّهِ الله الله الله علية عليه عليه الله عليه عليه الله عليه الله عليه الله عليه ولكن عندهم كل الامكانيات، ولكن كان ينتقصهم أهم شيءً الله هو الإرادة، كانوا من جواهم مش كان ينتقصهم أهم شيءً الله هو الإرادة، كانوا من جواهم مش





عايزين الفعوقبوا بحرمانهم من الخروج مع النبي صَلَّاللَهُ عَلَيهُ وَسَلَّمَ فَي الفرو وهو أُعظم حرمان!

وفي الجانب الآخر كان فيه صحابة هيموتوا ونفسهم يخرجوا مع النبي صَالِسَهُ عَلَيْهِ وَسَلَمٌ وَلكن مكانش عندهم مُؤنة الخروج، وراحوا للنبي صَالِسَهُ عَلَيْهِ وَسَلَمٌ يقولوا لله: «احْمِلنا» يعني شوفلنا أي حاجة نركبها ونبقى معاك، فقال النبي: «والله لا أجدُ ما أحمِلُكم عليه» فانصرفوا وهم بيبكوا زي ما ربنا وصفهم ﴿ تَوَلّوا وَاعَيْنُهُم مَنَ فَانصرفوا وهم بيبكوا زي ما ربنا وصفهم ﴿ تَوَلّوا وَاعَيْنُهُم مَنَ مَنْ مِنَ ٱلدّمَع حَزَنًا ﴾ (التوبة: ٩١)، ولما ربنا علم منهم صدق إرادتهم، وحقيقة عزمهم، كان أجرهم وثوابهم مُساوي لأجر مَن خرج وغزا وتحمَّل كل التعب والمشقة، والنبي صَالَتَهُ عَلَيْهِ وَسَلَمَ قال فَيْ حَقّهم: «لقد تركتم في المدينة أقوامًا، ما أنفقتم من نفقة، ولا قطعتم واديًا، ولا نِلْتم من عدوِّ نيلًا إلَّا وقد شاركوكم في الأجر»، قال الصحابة: (وهم بالمدينة؟!) قال النبي صَالَتَهُ عَلَيْهِ وَسَلَمَ: «نعَم، حبَسَهم العُنْر»!

شوفت وا يا شباب؟؟ الواحد لا يجد تعبير أبلغ من إنه يقول: صدَقوا الله فصدَقَهم الله..

فعایزین إرادة من حدید یا جماعة.. عایزین نستعد بکل قوتنا من دلوقتی علشان ربنا یری فی قلوبنا الخیر.. یری إننا





مشتاقين بجد للطاعة والعبادة والقرب منه سبحانه.. فيهدي قلوبنا وينورها بنور الإيمان، ويحبب إلينا الطاعة حتى لوصعبة علينا وفيها مشقة.. ويكره إلينا المعصية حتى لو بنحبها وقلوبنا متعلقة بيها.. قال تعالى: ﴿إِن يَعْلَمُ اللّهُ فِي قُلُوبِكُمْ خَيْرًا يُؤْتِكُمْ خَيْرًا مُرَّا لَهُ فِي قُلُوبِكُمْ خَيْرًا يُؤْتِكُمُ خَيْرًا مِمْ اللهُ فِي قُلُوبِكُمْ خَيْرًا يُؤْتِكُمْ خَيْرًا مِمْ أَلِهُ فِي قُلُوبِكُمْ أَفِي اللهُ فِي قُلُوبِكُمْ مَنْ اللهُ فِي الأنفال:٧٠)..

ومن أهم فوائد الاستعداد لرمضان اللي لازم ناخد بالنا منها، هي العبادة في شهر شعبان اللي النبي صَالَتُهُ عَلَيْهُ وَسَلَّم أخبر إنه فيه رفع الأعمال بتاع السنة اللي فاتت كلها إلى الله.. فرصة بقى تتوب علشان يترفع عنك فيه تقرير مشرف منوّر بالتوبة والأعمال الصالحة.. تخيّل بقى لو اجتهدت في شعبان وربنا لما يطلع على صحيفتك يجدها مليئة بالبكاء والدعاء والخشوع والصلاة والصيام والذكر، فيحبك وينظر إليك نظرة رضا تصلح بعدها دنيتك واخرتك..





## خطوتين للأمام!

### الخطوة الأولى: النيّة الصادقة:

أول حاجة هنستعد بيها لرمضان هي النيّة الصادقة.. النية الخالصة بالعزم على التأهب لرمضان وحسن الاستعداد له والعزم على تعميره بالطاعات وزيادة الحسنات وهجر المعاصي والسيئات، وعلى بذل المجهود واستفراغ كل الوسع في استغلال كل لحظة فيه في رضا الله سُبْحَانَهُ وَتَعَالَى..

عايزين إرادة ونيّة صادقة وعزم بجد علشان نستعد صح لرمضان، علشان لو ربنا كاتب لأي حد فينا انتهاء أجله قبل رمضان؛ يموت وهو على النية دي.. وبفضل ربنا وكرمه يتكتب له الأجرزي اللي حضر رمضان واجتهد وتعب فيه، وده كله بصدق نيّته إرادته واستعداده لرمضان..فإن عادت الروح إلى باريها قامت نيّته مقام عمله، كما قال النبي صَالَتُهُ عَلَيْهُ وَسَعَالًا؛ «وَمَن هَمَّ بِحَسَنة فَلَم يعملها فَعَلِم وكما قال صَالَتُهُ عَلَيْهُ وحَرَصَ عليها، كُتِبَت له حَسَنة مصححه الله أنه قد أَشْعَرَهَا قَلْبهُ وحَرَصَ عليها، كُتِبَت له حَسَنة مصححه الألباني...



فإن لم يُبَلِّغكَ إلى رَمَضَانَ أجلُكَ، فَلْيَسْبِقَ إليه قلْبُك..

عايزين تبقى نيّت ك إن رمضان السنة دي هيكون غير أي رمضان عدى عليك وإنت غافل!! رمضان عدى عليك وإنت غافل!! لازم السنة دي تكون غير.. لازم رمضان يكون بداية انطلاقة للخير والعمل الصالح وإلى الأبد بإذن الله.. يكون أحلي رمضان مرّ عليك في حياتك..

خلّي نيّتك إن رمضان يكون موسِمَ «شحن إيماني» للسنة كلها، تاخد كلها، يكون «محطة تزوّد بوقود الطاعات» للسنة كلها، تاخد منه وقود إيماني يكفيك في طريقك إلى الله طول السنة لحد رمضان اللي بعديه بإذن الله..

### الخطوة التانية: التوبة الصادقة:

تاني حاجة هنستعد بها..هي التوبة الصادقة.. التوبة اللي بجد.. اللي تندم فيها على كل الماضي اللي فات وأخطاءه، وتنوي وتعزم إنك مش هترجع له تاني.. قلوبنا اللي هتموت على الدنيا وشهواتها دي مش هينفع ندخل بيها رمضان وهي بالشكل ده أبدًا الازم نتوب!!



ياللا خد القرار.. مستني إيه؟؟ التوبة هتنضفك من الذنوب والمعاصي اللي هي سبب كل الضنك والشقاء اللي إنت عايش فيه..!

زي ما بيقول الإمام ابن القيم في كتاب الداء والدواء إن الذنوب والمعاصي.. بتقسّي القلب.. بتذِلّ النفس... بتضعف الجسم.. بتعطّل الفهم.. بتشتّت الفكر.. بتأخّر الرزق.. بتزيل النّعَم.. بتعسّر الأمور.. بتحرّم ك من الطاعة.. الذنوب هتخلّي النّعَم.. كلها همّ وغم وعداب... هتخلّي مفيش توفيق في أي حياتك كلها همّ وغم وعداب.. هتخلّي مفيش توفيق في أي حاجة بتدخلها.. هتخلّيك دايمًا خايف وقلقان من بكره.. الذنوب بتحطّم بتسبب هوان العبد على ربه وسقوطه من عينه.. الذنوب بتحطّم علاقتك بنفسك وبربك وبأهلك وبأصحابك وجميع الخلق!!

یاااااااما اعمرض علیك وأكتر من فرصة جاتلك علشان تتوب وتبعد عن ذنوبك ومعاصیك وتعیش أحلى حیاة وإنت قریب من ربك حبیبك.. لحد إمتى هترفض ؟؟؟؟ لحد إمتى هتفضل عایش في خنقة ووجع وألم وعذاب ساكن قلبك وروحك !!!

ياللا خد القرار.. خد القرار إنك تكسر القيود اللي مانعاك من الوصول إلي الله.. الموضوع مش صعب.. الموضوع عبارة عن قرار جرئ.. ياللا خد القرار.. الفرصة لسه قدامك وإنت



على قيد الحياة.. اوعى تأجّل او تسوّف..اوعى تفكر أو تتردد.. لأنك لما تقرر تبعد عن حاجة غلط هتلاقى النفس الأمارة بالسوء بتحبطك وتخوف ك وجايبالك ألف حاجة تبرر الغلط ده علشان تستمر عليه. إوعى تخاف أو تتقهقر. تخاف إزاى؟ ده ربك هيهديك ويكفيك ويحميك ويقويك.. ده اللي هيختار ربنا وهيمشي في طريقه، ربنا قال عنه: ﴿ فَلَا خُوفُ عَلَيْهُمْ وَلَا هُمُ عُزْنُونَ ﴾.. مفيش خوف..مفيش حزن.. هو ده طريق الأمان كله.. اللي عايز يعيش السعادة كلها والبهجة كلها يدخل في طريق ربنا..

ومن المميزات العظيمة للتوبة قبل رمضان إنها هتفك قيدك، وهتلاقي التيسير والتوفيق والإعانة على الطاعة في رمضان.. لأن صاحب المعصية المُصرّ عليها لا يُوفق للطاعة.. ولا يُعان عليها.. ومن غير توفيق ربنا وعونه محدش فينا هيقدر يتحرك من مكانه ويعمل أي شيء (! التوبة هتخليك تنطلق في العبادة وإنت نشيط وربنا فاتح عليك وميسر لك الطاعة فتنول العتق من النار وفضل ليلة خير من الف شهر..

ياللا جدد توبتك إنك تطهر نفسك وتنقيها من كل حاجة غلط عملتها قبل كده.. إنك تطهرها من كل ذنب عملته، فاكره





أو ناسيه،.. من كل فكرة حرام وكلمة حرام ونظرة حرام ولمسة حرام.. التوبة من أي حاجة تغضب ربنا في حياتك.. التوبة من البعد عن طريق الله وحب الدنيا والانغماس في شهواتها وكراهية الموت..التوبة من التكاسل عن الصلاة وتأخيرها.. التوبة من هجر القرآن.. التوبة من إنك تعيش بعيد عن السُنَّة وبعيد عن أخلاق النبى مَا اللهُ عَلَيْهُ وَعَن إنك تتعلم دينك.. التوبة من سوء الخلق وسوء معملة الناس وعقوق الوالدين وقطيعة الرحم..

توبة تنوي فيها إنك تغيّر حياتك للصح وللأصح.. إنك تكره حياتك وإنت بعيد عن ربنا وتبدأ تمشى في الطريق ومتبصش وراك ولا تفكّر في الرجوع للماضي أبدًا.. إنك تحط الهدف قدامك وهو «رضاك ربي والجنة».. توبة تكون بداية حقيقية للتغيير والانطلاق في القرب من الله والثبات بعد رمضان.. مش توبة في رمضان وانتكاس بعد رمضان!!





### صدهات!

### كم إحدى البنات بتقول:

«بستغرب من حالي وأفعالي في شهر رمضان أنا وكتير غيري من الناس، مواظبة على صلاة القيام وعلى قراة القران وبلبس عبايات وأنا رايحة أصلي ومش بتفرّج على التليفزيون في نهار رمضان ومواظبة على الاستغفار والأذكار.. وباتفق أنا والشاب اللي بكلّمه هنبطل كلام في رمضان وبحاول أكسب حسنات وأقلل من السيئات واتجنبها على قدر ما أقدر، وبيبقى الواحد عايش حياة جميلة طول رمضان!

لكن وفي أول ايام العيد وأنا خارجة يتبدّل حالي!! يعني ألبس جينز، واحط ميك أب والبرفيوم والاكسسوار، وأعيش حياتي عادي بقى زي بنات كتير في اللبس والطرحه النص كم، وأرجع تانى أغير نغمة الموبايل وأسمع أغاني واشوف مين نزل ألبومات في العيد، وإيه آخر الاف لام، وأتابع المسلسلات اللي فاتتنى و...و.... و....

طب فين سلوك الملايكة بتاع رمضان؟؟ بخ طار!! طب إحنا كده صح ولا غلط؟؟ إحنا كده عندنا انفصام شخصية ولا إيه





بالظبط؟؟ يعنى إحنا بنات مؤدبة وماشين في المعقول.. بس ليه مكمّلت بقى لبعد رمضان؟؟!! مش عارفة!! نفسي أكون أفضل واثبت على حالى بس مش عارفة ليه بيحصل كده!!».

المشكلة اللي بتحصل مع أختنا الطيبة دي وغيرها في عدم الثبات بعد رمضان لها أسباب كتير، من أهمها طبعًا عدم الاستعداد الجيد قبل رمضان، يعني معندهاش أساس قوي قبل رمضان علشان تكمّل عليه بعد كده!

زي الواحد اللي يبني عمارة فوق التراب ومحطّش لها أي أساس، فأول ما جه شوية هوا طيّروها! فللأسف من أول يوم في شول بنرجع تاني زي قبل رمضان، علشان لا يوجد أساس في رجب وشعبان، فنقوم نعلى، ولكن بعد شوية ينهار المبنى كله تاني لأنه بدون أي ساس..! فالاستعداد لرمضان هو الأساس اللي هيتبني ويرتفع عليه إيماننا!!

ولكن بجانب عدم الاستعداد، السبب الأهم للمشكلة هو عدم وجود التوبة الصادقة!! إنها داخلة رمضان من الأول بتوبة مؤقتة، داخلة رمضان وواخدة الذنب معاها!! مشى ناوية إنها تتغير بجد!! مفيش في قلبها عزيمة على ترك المعاصي!! هي محرد بتأحّلها لمدة شهر!!!





وده اللي بيخلينا نتصدم لما نشوف الكارثة الكبرى ليلة العيد.. ولسه يادوب معداش كام ساعة على رمضان، نظرة على الشوارع ليلة العيد هتشوف فيها الطوابير الطويلة أمام محلات بيع الخمور وأمام السينيمات وهتشوف الفجور في لبس البنات والمناظر البشعة للشباب مع البنات على الكورنيش! معقول؟؟!! معقول هما دول اللي كانوا لحد امبارح ماليين المساجد وليلة مصل؟؟؟!!!

اللي حصل إن ماكنش فيه توبة صادقة قبل رمضان..القلب ناوي يعمل المعصية ومستني بس رمضان يخلص! يعني مجرد تغيير وقتى له معاد وهينتهي فيه!!!

وعلشان كده قال التابعي الجليل يحيى بن معاذ: «من استغفر بلسانه وقلبه على المعصية معقود، وعزمه أن يرجع إلى المعصية بعد الشهر ويعود، فصومه عليه مردود، وباب القبول في وجهه مسدود».

فالمفروض نيّت ي في التوبة تكون إني داخل رمضان علشان الغير وألغى كل العادات الغلط من حياتي.. نيّتك إنك حالك بعد



رمضان هيكون أحسن.. نيّتك إنك لازم هتتغيري ولازم تثبتي وتستمري على الطاعة والبعد عن المعاصي بعد رمضان..

ويكون في قلبك عزم وإصرار وقوة إرادة علشان تقدر تنفذ.. وعلشان كده النبي صَلَّاللَّهُ عَلَيْهُ وصَّى سيدنا شداد ابن أوس والصحابة والأمة كلها بالدعاء الجميل ده وقال: «يا شداد بن أوس، إذا رأيت الناس قد اكتنزوا الذهب والفضة، فاكنز هؤلاء الكلمات: اللَّهُمَّ إِنِّي أَسْأَلُكَ الثَّبَاتَ في الْأَمْرِ، وَالْعَزِيمَةَ عَلَى الرُّشُد».

قال العلماء في شرح الحديث: «العزيمة: هي القصد الجازم الله يتبعه فعل، وهو عقد القلب على إمضاء الفعل، ولا قدرة للعبد على ذلك إلا بالله تعالى؛ فلهذا كان من أهم الأمور سؤال الله تعالى العزيمة على الرشد..

والعزم نوعان: أحدهما: عزم المريد على الدخول في الطريق..

والثاني: العزم على الاستمرار على الطاعات بعد الدخول فيها، وعلى الانتقال من حال حسن، إلى حال أحسن منه..

وعون الله للعبد على قدر قوة عزيمته، وضعفها، فمن صمَّم على إرادة الخير أعانه الله، وثبته...ومن صَدَقَ العزيمة يئس



منه الشيطان، ومتى كان العبد مُترددًا طمع فيه الشيطان، وسوَّفَه، ومَنَّاه...

وقد سُئل بعض السلف متى ترتحل الدنيا من القلب؟ قال: إذا وقعت العزيمة ترحّلت الدنيا من القلب، ودرج القلب في ملكوت السماء، وإذا لم تقع العزيمة اضطرب القلب، وعاد إلى الدنيا».

فمحتاجين ندخل رمضان بنيّة صادقة وعزم صادق على التوبة والثبات وعدم الرجوع بعد رمضان تاني.. محتاجين قبل رمضان نظرد الشهوات من قلوبنا تمامًا ومنسيبش فيها أي شوائب أو خيوط تشدنا لها من تاني.. كما قال شيخ الإسلام ابن تيمية رَمَدُاً لللهُ: «فإن العبد إنما يعود إلى الذّنب؛ لبقايا في نفسه، فمن خرج من قلبه الشبهة والشهوة، لم يعد إلى الذنب».

وكما قال ابن الجوزي وَهَدُاللَّهُ: «إنك إذا اشتَبكَ ثوبُك في مسمار، رجعتَ إلى الخلف لتُخلِّصه، وهذا مسمارُ الذنب قد عَلَىقَ في قلبك، أفلا تنزعه؟! انزَعُهُ، ولا تَدَعْهُ بقلبك يغدو عليك الشيطان ويَرُوحُ، اقْلَع الذنبَ من قلبك».





هقولك: يا حبيب قلبي إوعى يتسرب لقلبك ذرة يأس! وعى الله عملت من الذنوب والمعاصي.. إوعى تيأس أبدًا.. حتى لو سرقت وقتلت وزنيت وعملت اللي محدش عمله، إوعى تيأس..باب التوبة مفتوح وربنا رحمته فوق ما يتصور أي بشر.. إنت ممكن تكون عملت ذنووووب عظيييييمة؛ بس الذنب الأعظم إنك تفتكر إنك لو تبت ورجعت إن ربنا مش هيغفرلك! ده إنت لو توبت ورجعلته مش بس هيغفرلك ؛ ده سيئاتك كلها هتتبدل لحسنات! يعني سجلاتك السودا وملفاتك كلها هتتمحي.. ويتحط بدلها أطهر سجلات.. بس إنت تعالى.. بس إنت قرب..

هتقول: أصلك متعرفش أنا عندي مشاكل قد إيه؟!! أنا مشاكلي غير كل الناسي.. مشاكلي صعبة ومعقدة..أصل إنت





متعرفش البيئة اللي أنا فيها فاسدة إزاي؟!! أصل إنت مش عارف الشهوات اللي أنا بأتعرض لها شكلها إيه؟!!!

هقول الله على ومتيقن منه وعايزك إنت كمان تعرفه إن اللي عارفه كويس أوي ومتيقن منه وعايزك إنت كمان تعرفه إن ربك هو الله .. والله على كل شيء قدير.. وبر «كن فيكون» حياتك كلها تتغير ومشاكلك كلها تتحل، حتى لوكانت مستحيلة بمعنى الكلمة الإكفاااااية يأس بقى الله اليأس ده أكبر وأعظم جريمة إنت بترتكبها الاقال تعالى: ﴿ وَلَا تَأْتُكُسُواْ مِن رَّوْج اللّهِ إِنَّهُ لِا يَأْتِكُسُ مِن رَوْج اللّهِ إِلّا الْمَوْمُ الْكَافِرُونَ ﴾ (يوسف:٨٧).

اسجد بين يدى ربك حبيبك وابكى وتباكى وقوله يارب مش قادر أبعد عن الذنب ده، يارب انقذنى، يارب انتشلنى من بيئة المعصية دى! ووالله العظيم لوصدقت وأحسنت الظن بالله ربك، هتشوف العجب العُجاب!! هتشوف حاجات عمرك ما كنت تحلم بيها!! بس إنت أقبل على ربك!!

استعن بالله وقول لنفسك بإذن الله مش هرجع تاني.. استعن بالله واعزم بكل قوة على إنك مش هترجع مهما حصل.. ولو وقعت غصب عنك ورجعت للذنب، توب في ساعتها واستغفر





واندم ودوّر على نقط ضعفك وشوف إيه اللي وقعك وحاول تعالحه..

هتقول: طب وهفضل على كده لحد إمتى؟؟؟ هفضل أتوب وأرجع لحد إمتى!! أنا زهقت من نفسي من كتر التوبة والرجوع!!!

هقولك: لحد آخر نفس في عمرك.. لحد ما تلقى الله وإنت بتجاهد نفسك وبتتوب.. اغلط وتوب.. واغلط وتوب مليون مرّة.. وافضل كده طول عمرك تتوب وتندم وتستغفر.. بس المهم إنك لا تتمادى في أي ذنب وتوب بسرعة أول ما تقع فيه...

قال رسول الله صَّالِللهُ صَّالِللهُ عَلَيْهِ وَسَلَّةَ: «إن الشيطان قال: وَعِزَّتِك يا رب لا أبرح أغوي عبادك ما دامت أرواحهم في أجسادهم، فقال الرب تَّالِكُ وَتَعَالَى: وَعِزَّتِي وجلالي لا أزال أغفر لهم ما استغفروني» صححه الألباني.

وقال رسول الله صَّالِيَّهُ عَلَيْهِ وَسَالًة و أَذنب عبد ذنبًا فقال: اللهم اغفر لي ذنبي، فقال تَبَاكُ وَتَعَالَى: أذنب عبدي ذنبًا فعلم أن له ربًّا يغفر الذنب ويأخذ بالذنب، ثم عاد فأذنب، فقال: أي رب اغفر لي ذنبي، فقال تَبَاكُ وَتَعَالَى: عبدي أذنب ذنبًا فعلم أن له ربًّا يغفر الذنب ويأخذ بالذنب، شم عاد فأذنب فقال: أي رب اغفر لي ذنبي، فقال تَبَاكُ وَتَعَالَى:





أذنب عبدي ذنبًا فعلم أن له ربًا يغفر الذنب ويأخذ بالذنب، اعمل ما شئت فقد غفرت لك، متفق عليه.

تكرر الذنب مائة مرة أو ألف مرة أو أكثر، وتاب في كل مرة، تعليقًا على الحديث: «وأنه لو تكرر الذنب مائة مرة أو ألف مرة أو أكثر، وتاب في كل مرة، قبلت توبته، وسقطت ذنوبه، ولو تاب عن الجميع توبة واحدة بعد جميعها صَحَّتُ توبته. وقوله: (اعْمَلْ مَا شِئْتَ فَقَدْ غَفَرْتُ لَكَ) مَغَنَاهُ: مَا دُمَتَ تُذُنبُ ثُمَّ تَتُوبُ؛ غَفَرْتُ لَكَ» انتهى.

وقال رسول الله صَلَّلَهُ عَلَيْهُ عَلَيْهُ وَسَلَّمُ: «والذي نفسي بيده لو لم تذنبوا لذهب الله بكم، ولجاء بقوم يذنبون، فيستغفرون الله فيغفر لهم» رواه مسلم..

وده مش معناه أن ربنا يحب من عباده أن يذنبوا أو يحب المعاصي؛ ولكنه عَرَّجَلَّ يحب من عباده إذا أذنبوا وعصوا أن يتوبوا إليه سُبْحَانهُ وَتَعَالَ وأن يستغفروه مهما عملوا ومهما كانت معاصيهم وذنوبهم...

وعن سعيد الجريري قال: قلت للحسن البصري: «يا أبا سعيد، الرجل يذنب ثم يتوب، ثم يذنب ثم يتوب، ثم يذنب ثم يتوب، حتى متى؟ قال: ما أرى هذا إلا من أخلاق المؤمنين « يعني أن المؤمن كلما أذنب تاب.





وفي رواية: « قيل للحسن: ألا يستحيي أحدنا من ربه يستغفر من ذنوبه ثم يعود، ثم يستغفر ثم يعود، فقال: وَدَّ الشيطان لو ظفَرَ منكم بهذا، فلا تمَلُّوا من الاستغفار».

يعني إوعى تمل أو تيأس.. ربنا رحمته فوق ما أي حد يتصور.. ربنا بيفرح بعودتك له وبتوبتك.. ولكن خليك فاكر إنك طول ما إنت عايش لازم هتفتن وربنا هيختبرك علشان يشوف صدقك وصدق توبتك وإيمانك، سُنَّة الله اللي مبتتبدلش. ﴿ أَحَسِبَ النَّاسُ أَن يُتْرَكُّوا أَن يَقُولُوا ءَامَكَا وَهُمْ لا يُفْتَنُونَ ﴾.. فاستعن بالله واشحن قلبك وقوي إيمانك علشان تبقى جاهز ومستعد لأي اختيار..!

## التخطيط.. فُنّ ومهارة!

يبقى اتفقنا إننا إن شاء الله هنبداً من دلوقتي نستعد.. محدش يقول معنديش وقت.. نظّم وقتك هتلاقيه اتسع وبقى عندك وقت متاح.. كل واحد يقعد مع نفسه أو يدخل على النت ويشوف جدول استعداد لرمضان مناسب له ولظروف شغله وحياته.. حط خططك لرمضان، ارسم للجاي في رمضان، ظبط حال قلبك في رمضان، ظبط علاقاتك في رمضان، علاقتك بأهلك، نظرتك للدنيا، إلخ..





حط خططك لرمضان لأن الخطط هتنظم الوقت، وهتقلل الجهد، ولو فيه أي خلل أو مشكلة هتوضحهالك، وفي النهاية هترسم طريق النجاح.. فلابد من التخطيط وإلا هيضيع منا رمضان زي كل سنة، وعلشان كده قالوافي الحكم:

إما التخطيط وإما التخليط والتخبيط..

وإذا كان التخطيط شرط لازم في كل أمر يريد الانسان إنه ينجح فيه، فأساس التخطيط هو تحديد الأهداف المرادة بدفّة وعناية، وبعد كده ننتقل لمرحلة التخطيط لكيفية تحقيق الأهداف دى.

يعنى كل مشروع ناجح لابد من توافر شرطان أساسيان فيه:

- ١ أهداف مُحدّدة بعناية.
- ٢ وخطة واضحة المعالم لتحقيق الأهداف دي.

ورمضان بالنسبة لنا هو مشروع السنة، بل فرصة ومشروع العمر، ولابد من حُسن التخطيط علشان ننجح فيه ونقدر نستغله بأفضل صورة، لأن اللي هيضيع منه رمضان ويخسره هيكون بسبب إما سوء التخطيط أو عدم التخطيط له من الأصل.





## والأمور المطلوبة مننا علشان ننجح في التخطيط لرمضان هي:

أولًا: وضوح الأهداف: يعني لازم الأهداف اللي عايز تحققها تكون واضحة ومحددة ومفيهاش غموض، يعني متقولش أنا هقرأ فرآن كتير، أو هصلي كتير، أو هتصدق كتير... ولكن لازم تحدد عدد الأجزاء اللي هتقرأها، والوقت اللي هتقرأها فيه، والكمّ اللي هتقرأه في كل فترة، وكذلك عدد الركعات ومواعيدها بعد الظهر أو بين المغرب والعشاء أو في الليل، وكم ركعة هتصليها في كل وقت منها، وحتى الصدقة تكون محدد اللي هتتصدق به كل يوم، أو على مدار الشهر، ومتسيبش الموضوع للظروف والأحوال..

ثانيًا: إمكانية التحقيق: يعني متحطش أهداف كبيرة أوي ومُبالغ فيها، ومش متناسبة مع حالك وشغلك ووقت فراغك وظروف أسرتك، متقولش مثلًا هختم القرآن كل يوم!! ده هيخلي تحقيق الأهداف مستحيل!! وهتعجز عن تحقيقها أو عن تحقيق بعضها فيجيلك إحباط وتلاقى نفسك سيبت كل حاجة!

ثالثًا: أن تكون أهدافًا مناسبة: يعني حاجات تستحق أنها تُسمّى أهداف، مش حاجة سهلة جدًّا مفيش طموح فيها ولا





جهد، ولا تكون حاجة قليلة وبسيطة لا تتناسب مع عظمة الشهر ومقامه.. وإنما شيء عالي يرفعك في الدرجات والمستوى.. يعني مثلًا متقولش هدفي أصلي الفروض.. بل تقول هدفي أحافظ على تكبيرة الاحرام طول الشهر علشان آخد براءة من النار ومن النفاق..

# رابعًا: وضع الخطط اللازمة لتطبيق الأهداف: ولابد من توفر أساسيات في الخطط الموضوعة.. منها:

(أ) مناسبة الخطة للهدف: من المعروف إن أهداف الناس مختلفة، ومقاصد رمضان كتير جدًا، وثمراته متنوعة وغزيرة، وعلشان كده بتختلف الأهداف على حسب حاجة الإنسان لها أو إرادته ومطلوبه من رمضان، فاللي عايز التوبة والمغفرة مش زي اللي عايز يحفظ القرآن اللي هدف العتق من النار، مش زي اللي عايز يحفظ القرآن أو يتدبره، إلخ.. كل حاجة من دول المفروض يكون لها خطة غير التانية.. فخطط كل صنف لازم تكون متناسبة مع مقصده ومراده..

(ب) إمكانية التطبيق: فزي ما الهدف لازم يكون في المقدرة والاستطاعة، فكذلك الخطة الموضوعة لازم تكون خطة في متناول إيدك وتقدر تترجمها على أرض الواقع وإلا كانت خيال





وأحلام.. فمثلًا الإنسان اللي عايز يحفظ قرآن ولكنه بطيء الحفظ لازم يكون هدفه متناسبًا مع حفظه، ميقولش هحفظ كل يوم جزء!!

ثم الوقت اللي هيحدده للحفظ والمراجعة لازم يكون مناسب لقدار الحفظ.. ميقولش مثلًا هحفظ وأراجع في ١٠ دقايق!!

(ج) الجدية في التنفيذ: لابد من المراقبة لمَدَى تطبيق الخطط، ثم المحاسبة، ثم المعاتبة، ثم المعاقبة..

يعني لازم تراقب نفسك وتشوف إنت حققت إيه كل شوية علشان تعرف مدى التزامك، ولو لقيت تقصير تحاسب نفسك عليه، وتعوّضه إن أمكن، وتعاتب نفسك على التقصير والتفريط.. ولو لقيت نفسك بتتمادى في التقصير تحط عقوبات تلزمك بالانضباط والالتزام بالخطة الموضوعة..

وعلشان تعرف تستمر حاول تبدأ خطوة خطوة وتخلّي كمية الجهد في كل هدف تزيد بالتدريج . التدريج مهم جدًّ اااااا. وأول ما تحس بالتعود عليها. ابتدي زود الكمّ أو الكيف لحد ما توصل لغايتك ومرادك..





وأي حد بينام كتييييير المفروض من دلوقتي من قبل رمضان يبدأ يظبط مواعيد نومه، ويقلل عدد ساعات النوم تدريجيًا لحد ما يوصل للمطلوب..نظّم مواعيد نومك من دلوقتي وإلا هتلاقي الدنيا في رمضان كلها ملخبطة معاك!









## الخطة ٤/ ٤/٢

#### 

ثبت بالتجربة إن اللعب العشوائي نادرًا ما بيجيب اجوان.. والكرات الطويلة غالبًا من نصيب المدافعين.. وعلشان كده الأندية بتجيب مدربين أجانب وتدفع لهم فلوس قد كده علشان يعملوا خطة لعب صح يقدر الفريق من خلالها يعمل هجمة منظمة ويجيب أجوان ويعرف يدافع صح ويحمي مرماه فيفوز... وإلا هيبقى الماتش كله فوضى وتهريج...

فلازم نكون مجهزين خطة رمضان.. اللي هينزل رمضان من غير خطة هيلاقي نفسه تايه، وهيع دي عليه نصرمضان وهو لسه بيقول أعمل إيه.. ؟؟!

وإحنا إن شاء الله في رمضان هنحاول نفذ خطة ٢/٤/٠ والهدف منها إنها تساعدك في تنظيم اليوم وتسهيل عمل جدول أعمال يومي والحفاظ على الوقت من الضياع.. إحنا عندنا اليوم ٢٤ ساعة، هناخد منهم ٦ ساعات نوم، حلوين أوي، لأن النوم أكتر من كده في رمضان يبقى خسارة، وبجانب ساعات النوم هناخد ٥ ساعات شغل للموظفين، لأن مواعيد الشغل في





رمضان بتبدأ من الساعة ٩، وهنق ول ساعتين كمان مواصلات ساعة رايح وساعة جاي.. ونص ساعة فطار، ونص ساعة سعور.. يبقى كده استهلكنا من اليوم ١٤ ساعة.. ويتبقى عندنا ساعات..

العشر ساعات دول هنقسمهم..٢/٤/٤.. ٤ ساعات بعد الفجر.. و٤ ساعات بعد العصر.. وساعتين بعد العشاء..

ومفيش أي حد هيقدر يقدم جدول تفصيلي ويفرضه على أي حد تاني، لأن كل واحد مننا له ظروفه الشخصية والأسرية والاجتماعية اللي بتختلف عن التاني، ولكن ممكن نقدم نظام استرشادي علشان نستغل به الوقت بتاعنا المُتاح في رمضان..

#### أولًا: «٤ ساعات بعد الفجر (٣ص:٧ص)»:

«٣ص:٣٠،٥ص»: لـ و قولنا إن الفجر بيـ أذن حوالي الساعة عصباحًـ ا، فإنـ تا المفروض تكون صاحي مـن قبلها طبعًا وتكون مجهز نفسك وتنزل قبل الأذان علشان تلحق غنيمة كل صلاة..

- بعد صلاة الفجر هتفضل قاعد في المسجد تقول أذكار الصباح وتذكر ربنا عمومًا أو تقرأ ورد القرآن لحد شروق الشمس، وبعد الشروق بربع ساعة أو ٢٠ دقيقة هتصلي ركعتين بنية ثواب حجة وعمرة تامة.





«٥,٣٠» صناص»: وقت راحة، حاول تاخد فيه قسط من النوم علشان تعرف تروح شغلك نشيط وتواصل يومك بعد كده...

«٧ص:٢ظ»: ده وقت مفتوح تروح فيه كليتك أو شغلك أو تذاكر.. كل واحد حسب ظروف حياته..

«٢ظ:٣٠٣٠ظ»: ده وقت راحة بعد ما ترجع من شغلك، أو بعد ما تخلص مذاكرتك، هتحاول تاخد فيه برده قسط من النوم وقت القيلولة..وده هيفرق معاك بعد كده جامد..

#### ثانيًا: «٤ ساعات بعد العصر (٣٠,٣٠ظ: ٧,٣٠ م)»:

- هتتوضا وتنزل تصلّي العصر وتحاول تكون في المسجد من قبل الأذان زي ما تفقنا، وبعدين هيبقى قدامك وقت كويس ممكن تعمل فيه حاجات كتير جدًا، ممكن تقعد في المسجد وتقرأ الورد وتراجع تفسير الجزء اللي هي هتسمعه في التراويح، ممكن تذاكر ساعة، ممكن تساعد والدتك في شغل البيت وتحضير الفطار، ممكن تشارك في أي نشاط خيري وتزوع شنط أو تجهز إفطار صائمين أو توصل مساعدات للمحتاجين، قدامك حاجات كتير ممكن تعملها.. لحد قبل المغرب بنص ساعة تروح المسجد ومعاك تمر تفطر عليه، وتقعد تقول أذكار المساء وبعدين تفضل





تدعي ربنا لحد أذان المغرب، هتفطر على التمر وتصلّي المغرب في المسحد..

«٧,٣٠»: تكمل فطارك في البيت..

«٩٠،٣٠» الوقت ده بعد الفطار معظم الناس بتغفل عنه وبتضيّعه في الحكلام أو قدام التليفزيون - إلا من رحم ربي-، فحاول تستغلّه في إنك تنزل بدري للمسجد وتقرأ ورد قرآن أو تذكر ربنا وتاخد نيّة حديث الرسول صَلَّالَتُهُ عَلَيْهُ وَسَلَّم: «عبادة في الهرج كهجرة إلىّ» رواه مسلم..

ثالثًا: «ساعتين بعد العشاء (٩م:١٠م) و(١٣٠ص: ٣٠٠ص)»:

«٩,٣٠»: ساعة تصلى فيها التراويح..

«۱۰,۳۰م:۱۸۰۰م»: فترة نوم..

«۱٫۳۰ ص: ۲٫۳۰ ص: ساعة قيام ليل...

«۲,۳۰» سحور.. اتسحر ولو على شربة مية.. متفوتش ثواب السحور..

ولازم طبعًا علشان تكون مستعد صح لأي ظروف تحصل في أي وقت. لازم يكون عندك خطة بديلة. ولازم تكون جاهز





وعندك دكة احتياطي مستواها عالي تقدر تعوض غياب أي عنصر أساسى..

ومن رحمة ربنا عَرَّبَاً بنا أنه لم يجعل شيء واحد بس هو اللي يرضيه.. بل جعل لنا أنواع كتير من العبادات وفتح لنا أبواب كتير من الخير والطاعات لاختلاف طباعنا وميولنا ونفوسنا علشان كل واحد ينهل منها ما يستطيع، فعندنا عبادات بدنية ومالية وقولية وقلبية.

وفي نفس الوقت مع التنويع ده، أمرنا ربنا عَرَّجَلَّ بالتسابق إليها جميعًا، وعدم التفريط في شيء منها.. فكل اللي تقدر عليه تعمله... والتنوع ده بيساعد على الثبات والزيادة وعدم الفتور والمل في طريقنا لله عَرَّجَلَّ والفوز بأقدر قدر من ثواب الأعمال المختلفة....

وللأسف بعض الناس مش بيشوف في رمضان إلا الصيام والقيام وقراءة القرآن، فإذا ربنا لم يفتح عليه في الحاجات دي يقولك أنا أصلًا منفعش ورمضان ضاع عليا ومش عارف أعمل أي حاجة (ا ونسي صاحبنا إن فيه حاجات كتير جدًّا ممكن تنقل العبد وتاخده من آخر الصف إلى أوله في لحظة.. زي صدقة سر محدش يشوفها من الناس، ولمسة حنان على رأس يتيم..



سد جوع مسكين.. مساعدة لكل محتاج... سكوتك عند الغضب ابتغاء وجه الله.. صبرك على جهل الناس وعفوك عند المقدرة.. تبسمك في وجوه الناس.. عيادة مريض.. خلوة مع نفسك تتدبر فيها وتبكي من خشية الله.. صدقة ولو جنية كل يوم.. تفطير صائم ولو بتمرة..

أو عمل قلب زي سلامة الصدر أو إخلاص أو خشوع أو خوف أو رجاء أو توكل أو رضا أو حسن ظن بالله... وغيرها من الأعمال القلبية اللي ممكن ثوابها يفوق ثواب كتير من الأعمال الظاهرية..

الخلاصة إن الطريق لرضا ربنا وطاعته مليان أبواب للخير كتير جدًّا لا حصر لها بفضل الله.. فبلاش توقفها إنت على الصلاة والقرآن فقط ونوع علشان تستفيد.. وهو ده كان حال نبينا صَّالِللهُ عَلَيْهُ وَمَا يقول الامام ابن القيم في «زاد المعاد»: وكان من هديه صَّاللهُ عَلَيْهُ وَسَلَّم في شهر رمضان الإكثار من أنواع العبادات.... فكان يُكثر الصدقة والإحسان وتلاوة القرآن والصلاة والذكر والاعتكاف، وكان يخص رمضان من العبادة ما لا يخص به غيره من الشهور، حتى إنه كان ليواصل فيه أحيانًا ليُوفر ساعات ليله ونهاره على العبادة...).





## توصيات عملية!



#### ومن النصائح اللي هتفيدك بإذن الله:

ا جدد نيتك قبل أي عمل، واحتسبه لله، حتى نومك، مذاكرتك، أكلك، شغلك.. يعني قبل ما تبدأ في أي عمل، مرر الأسباب اللي دفعتك لفعله على قلبك.. احتساب النوايا ده كنز.. وكل ما تزود وتعدد النوايا أكتر، كل ما يكتر الثواب ويكون العمل أرجى للإخلاص بإذن الله..

لازم تكون مجهـ ز الـ To Do List بتاعتـك.. ركّز على أهدافك واكتبها كل يـ وم الصبح مع مهام شغلـك.. اكتب على الموبايل في أي برنامج، وأرشحلك برنامج Any do، تطبيق مفيد هيساعـ دك في تنظيم مهامك المختلف و ورتيبها وعمل منبهات لهـا، وتفصيل كل مهمه لمهام فرعيـة ولكن بدون تعقيد وبمنتهى البساطة..

اكتب حتى في نوت عادية إيه الحاجات اللي عاوز تعملها إنهارده... ويا حبذا لو تكتبها في ورقه وتعلقها في مكان واضح بتشوفه كل يوم علشان متنساش.. مهم أوي تذكّر نفسك علشان





متنساش، لإن انشغالك هينسيك مع الوقت، وممكن تفوّت حاجات كتير وإنت مش واخد بالك.. ولو فيه فرصة إنك تعمل الحاجات البسيطه من جدولك وإنت في المواصلات أو وإنتي في المطبخ، هتحس بالإنجاز جدًّا..

" خلّيك مُرِن في تغيير خططك اليومية لوحصلّك طارئ أو أي ظروف مفاجأة.. زي لا قدّر الله مرض أو شغل أو زيارة أو سفر أو غيره..

كا كل مواعيد نومك لازم تكون مظبط لها منبهاااااات، مشس منبه واحد!! مفيش حاجة اسمها هنام وهعرف اصحى من غير منبه!! وفيه برامج منبهات للموبايل مبتتقفلش غير لما تقوم من على السرير وتصوّر الثلاجة مثلًا، وفيه مبيقفلش غير لما بتحل مسأله حسابية أو لعبة بصرية محتاجه تركيز.. عندك برامج كتير منها Sleep If U Can أو Puzzle Alarm Clock أو Sleepers أو Sleep as Android مصّل أي حاجة من البرامج دي علشان مشى كل شوية تكتم الموبايل وتروح عليك نومة ويضيع منك كل اللي إنت مخطط له!

الحاجات المهمة في جدول أعمالك، حاول تبدأ بيها
 وتعملها الصبح بدري وتكون هي الأهم أو الأصعب.. هترتاح





جـدًّا باقي اليوم ومش هتحس إنك وراك حاجات كتير.. إبدأ يومـك بأهـم حاجتين أو تـلات حاجـات مهمة وخـد استراحة قصيرة بينهم.. باقي اليوم هيبقى أبسط وأسهل مما تتخيل..

آ جلسة الشروق اللي هي بعد الفجر مُخصصة للأذكار مش جلسة حكاوي وحواديت مع أصحابك.. كان شيخ الإسلام ابن تيمية إذا قضًى صلاة الصبح، أقبل بوجهه إلى الحائط في محرابه حتى الضحى، ولا يلتفت.. فإذا جلست في المسجد بعد صلاة الفجر، فممنوع الانشغال بشيء غير الأذكار، لا تكتفت، وَجِّهُ وجُهك إلى الحائط، وردّد الأذكار، واقرأ وِردك من القرآن..

V صلاة الضحى وقتها من بعد شروق الشمس وارتفاعها لحد قبل وقت صلاة الظهر.. وقدّره العلماء بأنه من بعد شروق الشمس بربع ساعة إلى قبيل صلاة الظهر بعشر دقائق.. وممكن تصليها ٢ أو ٤ أو ٦ أو ٨ ركعات..

اشتري سواك من دلوقتي وخليه دايمًا في جيبك أو شنطتك.. وتذكر إن الشيء الصغير ده اللي كتير من الناس بيغفل عن فضله، سبب في إن ربنا يرضى عنك كما أخبر النبي صَلَّلَةُ عَلَيْهِ وَمَلَّمَ «السوك مرضاة للرب»..





- وإنت في المواصلات أو في الشغل هتلاقي ناس بتتكلم عن المسلسلات وناس مشغلة أغاني وناس بتقرا الأخبار، سيبك من الناس كلها وركّز في شغلك.. ولو كنت فاضي أثناء الشغل اشغل وقتك بالقرآن أو الذكر..
- السنن الرواتب وهي السنن المؤكدة اللي مرتبطة بالصلوات المفروضة، وكان النبي صَالَّتُهُ عَلَيْهِ وَسَالَمَ دايمًا بيحافظ عليها وهي: ٢ قبل الفجر.. ٤ قبل الظهر و٢ بعده.. ٢ بعد المغرب.. و٢ بعد العشاء.. ودول لو حافظت عليهم لك ثواب قصرية الجنة كل يوم! ويُفضّل إنك تصلّي السّنن البعدية في البيت لحديث النبي صَالَتُهُ عَلَيْهِ وَسَاحٌ: «صلاة الرجل تطوعًا حيث لا يراه الناس تعدل صلاته على أعين الناس خمسًا وعشرين» صححه الألباني.. ولو مش هتعرف أو هتنسي، صلّيها في الجامع..
- 11 السنن غير الرواتب تشمل ٤ بعد الظهر بدل ٢.. و٤ قبل العصر.. و٢ قبل المغرب.. و٢ قبل العشاء..
- ۱۲ لـوقدرت تغتسل بين المغرب والعشاء هيفوّقك ويخلّيك رايح تصلّى بنشاط وحيوية..





التراويح مش رايح المسجد تصلي التراويح مش رايح تقعد على القهوة! فبلاش تقضيها مشاريب بين كل ركعتين شوية شاي وشوية قهوة وعصير وتمر هندي إلا لومحتاجها علشان تنشط، وبلاش الاستراحة بين الركعات تقضيها دردشة مع أصحابك!!!

العد ما تخلص تراويح متلتفتش لحد، تاخد بعضك وعلى البيت جري، بلاش كلام أو وقفات مع حد لأنه هيعطلك جامد، وبلاش سهر علشان تعرف تنام كويس وتعرف تقوم الليل وتصلي الفجر وإنت فايق..

10 لو مش لك نفس تسحر، اتسحر ولو على شربة ميه.. متفوتش شواب السحور.. قال رسول الله صَلَّاللَهُ عَلَيْهُ وَسَلَّمَ: «السحور أكله بركة، فلا تدعوه، ولو أن يجرع أحدكم جرعة من ماء، فإن الله عَرَقِبًلَّ وملائكته يصلون على المتسحرين»..

17 الإحسان للناس له طعمٌ تاني في شهر رمضان، فدوّر على الفقراء، وابحث عن الأرامل، والمساكين، واليتامى، وحاول تسعى في سد حاجتهم، واعانتهم طول الشهر..





10 لو إنت من هواة التليفزيون ومش هتقدر تمنعه تمامًا في رمضان.. فالأفضل إنك تعمل خطة إنك تتفرج على حاجة مفيدة في وقت محدد... وعلشان الإعلانات هتاكل من وقتك، ممكن تفكّر في بدايل تانية زي إنك تنزل الحلقات من على الإنترنت أو تتفرج عليها على اليوتيوب..







### حواء في رمضان! پر ايس

أما بالنسبة لبناتنا وأخواتنا وأمهاتنا الفضليات..

فأولًا: بندعيلهم ربنا يحفظهم ويبارك في عمرهم ويجازيهم كل خير على المجهود اللي بيبذلوه في العطاء لكل بيت وكل أسرة.. وكفاية إنهم مع صيامهم بيكونوا شايلين شغل البيت كله، ده غير اللي عندهم أولاد ومطلّعين روحهم، ده غير باقي ظروف الحياة الصعبة فربنا يقوّيهم ويكون في عونهم..اللهم آمين..

ثانيًا: عايزين نبشرهم ونفرحهم بثوابهم العظيم وأجرهم على كل حاجة بيعملوها في البيت، لأن كتير من أخواتنا بيزعلوا جامد على الوقت اللي بيضيع في المطبخ والبيت.. بنقولهم ده مثن وقت ضايع إطلاقًا.. بالعكس تمامًا.. ده ممكن يكون كل لحظة من الوقت ده عبادة كأنك بتقرأي قرآن أو بتصلي، بل إن ثوابها ممكن يكون أكبر من ثواب عبادات تانية كتير.. وده بكل بساطة عن طريق إنك تجددي نيّتك كل شوية وتحتسبي كل اللي بتعمليه لله عَنَهَاً.. وبإذن الله هتلاقي كل تعبك ومجهودك في شغل البيت والمطبخ في موازين حسناتك يوم القيامة.

94

فعايزينك تعددي النوايا علشان تاخدي أكبر قدر من الأجر.. ومنها على سبيل المثال لا الحصر.. نية تفطير الصائمين: «مَنْ فَطَرَصَائِمًا كَانَ لَهُ مِثْلُ أَجْرِهِ، غَيْرَ أَنَّهُ لَا يَنْقُصُ مِنْ أَجْرِ الصَّائِمِ فَطَرَصَائِمًا، يعني هتاخدى عن كل فرد في أسرتك أجر صيامه، ومنها نيّة اطعام الطعام، ونيّة نفع الناس وإدخال السرور على قلوبهم، ونيّة البر بالوالدين والزوج، ونيّة إعانة الأهل وتقويتهم على عيادة الله.. وغيرها..

والبشرى الجميلة اللي عايز أقدمهالك هدية يا أختي هي حديث للرسول، عن أنس وَعَلِّشَعَنهُ قال: كنا مع النبي صَالَّتُهُ عَلَيْوَسَلَّهُ فال: كنا مع النبي صَالَّتُهُ عَلَيْوَسَلَّهُ فال فنزلنا يَوْمًا مَنْزِلًا فِ السفر فمنا الصائم، ومنا المفطر قال: فنزلنا يَوْمًا مَنْزِلًا حارًًا، وأَكْثَرُنَا ظِلاً صَاحِبُ الْكَسَاء، ومنا من يَتَّقِى الشمس بيده قال: فَسَقَطَ الصُّوَّامُ وَقَامَ النِّفُطُ رُونَ فَضَرَبُوا الأَبْنِية وَسَقَوْا الرِّكَابَ، فقال النبي صَالَّتُهُ عَلَيْوَسَلَّةَ: «ذَهَبَ النَّفُطِ رُونَ الْيَوْمَ بِالأَجْرِ» متفق عليه.

والمعنى هنا: ذهب المفطرون اليوم بأجر يزيد على أجر الصائمين... «ذهب المفطرون اليوم بالأجر» لأن أجر العامل بقدر عمله، وكلما كان نفع العمل مُتعدّيًا كان أكتر في الأجر، لارتباطه



بمصالح الخلق.. وبكده يا أختي يكون ليكي أجر صيامك؛ ومعاه أجر القائم على الصائم..

وكمان تقدري تستغلي الوقت ده في الغنيمة السهلة؛ وهي كثرة الذكر والتسبيح والاستغفار والدعاء طول ما إنتي بتشتغلي في البيت أو المطبخ، وبكده بدل ما إنتي فاكرة إنك بتضّيعي وقتك في رمضان بدون فايدة، تكوني جمعتي بين استحضار النيّة وثوابها العظيم وفي نفس الوقت كثرة الذكر والدعاء أثناء العمل، وذلك فضل الله يؤتيه من يشاء..

ثالثا: ياريت تشتري حاجة رمضان اللي ممكن تتخزن مُجمعة من أول الشهر، مش كل يوم تنزلي السوق وترجعي مُرهقة وتعبانة وتضيعي وقت، وكمان لو تقدري تشتري لبس العيد واحتياجاته بدل ما تضيعي وقتك في اللف على المعارض والمحلات في العشر الأواخر من رمضان اللي المفروض ميضعش منهم أي لحظة..

رابعًا: حاولي على قد ما تقدري يكون فيه اعتدال وتنويع في تحضير الأكل.. وياريت يكون تحضير الفطار وقت الظهر وخلّي اللمسات النهائية قبل المغرب بربع ساعة، علشان تقدري تستغلي الوقت بعد العصر في عبادات تانية.. وبلاش تقضى اليوم كله





قدام برامج وقنوات وفديوهات الطبخ، الأكلة اللي عايزة تتعلميها يبقى من قبل رمضان علشان تحافظى على وقتك..

خامسًا: مش معنى إنك مش بتنزلي تصلي في المسجد إنك تأخري الصلاة عن وقتها، لحد ما تحضّري الأكل وتشطّبي المطبخ وتخلصي اللي وراكي، وفجأة تلاقي أذان العصر بيأذن والظهر راح منك (السُأل النبي صَالَتُ عَلَيْهِ وَسَلَمَ: أيُّ العمل أحب إلى الله؟ قال: «الصلاة على وقتها».. يعني الأفضل طبعًا واللي ربنا بيحبه إن وقت الأذان تكوني مجهزة نفسك وقاعدة على سجادة الصلاة..

سادسًا: اللي عندها أولاد تحاول وتجتهد إنها تقوم بكل واجباتها المنزلية أثناء استيقاظ الأولاد؛ علشان تستغل فترة نومهم في العبادة وتعرف تتلذذ بها..

سابعًا: العزومات والزيارات في رمضان حاجة جميلة جدًّا ومن صلة الرحم اللي مطالبين بها وكذلك بتزود الود والألفة بين الناس، ولكن ياريت بلاش التوسع في الولائم (البلاش مهرجان الأكل اللي بنشوفه في العزومات (البلاش علشان عندك عزومة تقعدي من قبلها بأسبوع بتحضري لها وشاغلة وقتك وهمك وتفكيرك كله (( واحذري كل الحذر من «الجلسات النسائية»



و«القعدات البناتيتية» اللي كل الكلام فيها فلانة قالت وفلانة عملت وفلانة اتخانقت مع خطيبها وفلانة جوزها ضربها وغالبًا مشى هتخرجي منها غير بغيبة ونميمة وبهتان وكلام في أعراض الناس!!! ويبقى بتضيّعي صيامك وكل عباداتك علشان حاجة متستاهلش!!

ثامنًا: الحيض والنّفاس في رمضان وقت مستقطع.. ولكن لاشك إن ربنا لا يُشرّع أمر إلا وهو في صالح عباده، سواء عرفنا الحكمة من ده أو معرفناش.. فياريت تتفاءلي وبلاش تكتئبي وأبشري بحديث النبي صَالِتَهُ عَلَيْهِ وَسَافَرَ وَأَبشري بحديث النبي صَالِتَهُ عَلَيْهِ وَسَافَرَ عَبْدُ أَوْ سَافَرَ كَتَبَ اللهُ لَهُ تَعَالَى مِنَ الأُجْرِ مِثْل مَا كَانَ يَعْمَلُ صَحِيحًا مُقِيمًا» رواه البخاري.. يعني لو استحضرتي النية هتا خدي ثواب كل اللي كنتي بتعمليه قبل كده..

وحتى يا أختى لو كنتى تركتي الصلاة والصيام، فعندك عبادات تانية كتير جدًّا متاحة، زي الذكر والدعاء وقراءة القرآن والصدقة واطعام الطعام وتفطير الصائمين وغيرها من أبواب البر والتقوى..فأبشري..









## کارت أحمــر

كارت أحمر يعني طرد.. يعني أشد عقوبة في المباراة.. يعني فيه جريمة شنيعة إنت ارتكبتها عمدًا.. ومستحيل الجريمة دي تعدي بدون عقوبة رادعة علشان تكون عبرة للغير.. ( الا

وفي شهر رمضان بقينا نشوف مصايب وكوارث وجرايم للأسف الشديد بقت منتشرة بين الناس ولازم ياخدو عليها كروت حمرا! جرائم رمضان عقوبتها صعبة أوووي في الآخرة، وده لأنها متعمدة مع سبق الاصرار والترصد!!!

ومن بعض أشكال الجرائم دي:

الجريمة الأولى: الإفطار عمدًا في نهار رمضان!!

ودي أخطر مصيبة وأكبر جريمة في رمضان (ا

تلاقي الشباب ماشي بالسيجارة في الشارع في نهار رمضان وفرحان أووووي ويقولك أصلي ضعيف قدام السيجارة (ا

وشباب تاني قاعد على الكافيتريا في عزّ نهار رمضان بياكل أو بيشرب حاجة ساقعة ويقولك أصل الجوحر أوي (( حاجة كارثة بجد . . ( ( ا





أحد الشباب كان بيحكي وبيقول إن زميله في الشغل بيقوله إن هما الله الله علم ١٨ أو ٩ أيام بس من رمضان والباقي فطرهم (١١ وإنا لله وإنا إليه راجعون (١ وشاب تاني بيقول أنا مش هصوم السنة دي علشان الامتحانات (١١١١) إيه ده؟ (١ معقول ؟؟ (١

يا شباب ياللي بستهينوا بالموضوع ده وفاكرينه عادي ومكبّرين دماغكم.. إنت عارف يعني إيه تفطر في نهار رمضان؟؟!!! يعني إنت كده بتهدم ركن من الأركان الخمسة بتوع الإسلام!!!! إنت كده بتدمر جزء من دينك!!!!!

وعلشان إيه؟؟ علشان سيجارة ولا حاجة ساقعة تضيع خُمس دينك وتغضب ربك وتفرّط في ثواب إنت أحوج ما يكون إليه!

تعالوا نشوف الوعيد والعداب اللي ربنا أعده للي بيفطر عمدًا في نهار رمضان!

عن أبي أمامة رَضَالِتُهُ عَنهُ قال: سعمت رسول الله صَالَاتَهُ عَلَيه وَسَلَّمَ يقول:





«بَيْنَما أَنَا نَائِمٌ إِذْ أَتَانِي رَجُلانِ، فَأَخَذَا بِضَبْعَيَّ، فَأَتَيَا بِي جَبَلا وَعْرًا، فَقَالا: اصْعَدْ فَقُلْتُ: إِنِّي لا أُطِيقُهُ فَقَالا: إِنَّا سَنُسَهِّلُهُ لَكَ

فَصَعِدْتُ حَتَّى إِذَا كُنْتُ فِي سَوَاءِ الْجَبَلِ إِذَا بِأَصْوَاتٍ شَدِيدَةٍ ، قُلْتُ: مَا هَـنِهِ الأَصْوَاتُ؟ قَالُوا: هَـذَا عُوَاءُ أَهْـلِ النَّارِ ثُمَّ انْطَلَقَـا بِي، فَإِذَا أَنَا بِقَوْمٍ مُعَلَّقِينَ بِعَرَاقِيبِهِمْ، مُشَـقَّقَةٍ أَهْـدَاقُهُمْ، تَسِيلُ أَهْـدَاقُهُمْ دَمًا، قَـالَ: قُلْتُ: مَنْ هَوُلاءِ؟ قَـالَ: هَوُلاءِ الَّذِينَ يُفْطِـرُونَ قَبْلَ تَحِلَّةِ صَوْمِهمْ». صححه الألباني

«قبل تحلة صومهم»: أي يُفطرون قبل وقت الإفطار.

الموضوع مش هين أبدًا، الموضوع خطير بجد.. ربنا عَزَّعَلَ جعل النبي صَالِّللهُ عَلَيْهِ وَسَالًا يَرَا عَلَيْهُ عَلَيْهِ وَسَالًا وقت إفطارهم، فرآهم النبي صَالِللهُ عَلَيْهِ وَسَالًا في صورة من أقبح الصور وهيئة من أبشع الهيئات!!

النبي صَلَّلَهُ عَلَيْهِ وَمَلَةً شَافِهِم معلقين بعراقيبهم كما يُعلق الجزار ذبيحت عين غنار جهنم، رجليهم لفوق وراسهم لتحت الوقد شُقت أشداقهم، والدم عمّال ينزف منها .. الله

ك يقول الذهبي رَحَهُ أَللَهُ في كتابه الكبائر: «الكبيرة العاشرة: إفطار رمضان بلا عذر ولا رُخصة..».





وقال وَمُهُ اللهُ أيضًا: «وعند المؤمنين مُقرر أن من ترك صوم رمضان من غير عذر، أنه شرّ من الزاني ومدمن الخمر، بل يُشُكّون في إسلامه، ويظنّون به الزندقة والانحلال!!».

الواحد بيستعجب والله لما يلاقي الناس اللي عمرهم ٧٠ و٨٠ سنة وعندهم الكبد والكلى والسرطان بيصوموا.. وشبابنا اللي زي الورد وصحّتهم زي الفل بيفطروا!!!

شاب هيقول: طيب أنا مكنتش أعرف إن الموضوع خطير كده.. أعمل إيه دلوقتي؟؟ وأكفَّر إزاي عن ذنبي ده؟؟

هقولك: أولًا: تتوب توبة نصوح لله عَرَّهَ وَتندم على اللي انت عملت ه ندم شديد من قلبك، وتنوي إنك بإذن الله مش هتعمل كده تانى أبدًا.. وتكثر من الأعمال الصالحة والاستغفار..

ثانيًا: بعد انتهاء رمضان، عليك بقضاء صيام الأيام اللي أفطرتها كلها، وربنا يعفو عنا وعنك ويهدينا جميعًا لما يحبه ويرضاه..





## الجربمة التانية: هي مشاهدة الأفلام والمواقع القذرة وممارسة العادة السيئة في رمضان!!

شاب كان بيحكيلي مشكلته وبيقول إن أهله كلهم بيروحوا يصلوا الفجر وهو يقولهم أنا جاي وراكم وطبعًا مبيصليش ويقعد في البيت يتفرج على الأفلام الإباحية من بعد أذان الفجر وهو لسه مكملش ٥ دقايق صيام!! وبعدين يروح الشغل ويرجع الظهر وهما نايمين يتفرج تانى على البلاوى دى!!!

وشاب تاني بيقول: إنه حاول يمسك نفسه عن العادة السيئة ولكن للأسف بيقول إنه بينزل الجامعة ومش بيقدر يغض بصره، ومجرد ما بيرجع البيت بيقع فيها وأكتر من مرة كمان في نهار رمضان!!!

#### يا ترى إيه العمل؟؟

هقولك: أولاً: إنت بتصوم عن الحلل .. الأكل والشرب الله الله ومفيش أي حد شايفك الله هما حلال أصلاً بيبقوا قدامك ومفيش أي حد شايفك وتقدر تاكل وتشرب .. ومع ذلك مش بترضى .. ويتقدر تتحكم في نفسك طول اليوم وبرغم شدة الحر والعطش .. وده دليل إن عندك إرادة قوية جدًّا بفضل الله ..

- ليه بقى بتضعف بالسهولة دي وبتقع بسرعة كده ؟؟؟ مش كل ما نفسك تقولك قوم اتفرج تروح في ثانية تسمع كلامها!!





لااااااااازم تعرف شرف الزمان اللي إنت فيه.. انت في شهر رمضان والناس كلها بتطيع ربنا.. معقول هتبقى إنت المحروم ؟؟؟ اوعى تكون بعيد في وقت الناس كلها بتحاول تقرّب إنت مش وحش قوى كده؟؟؟

إنت فيك خير ولا يُحرم الرحمة في رمضان إلا محروم شقي. فبلاش تكون إنت منهم !!!

خاف من غضب ربنا وعقابه.. وخاف من الفضيحة.. ربنا سـ ترك كتير وأمهلك كتير وحلم عليك كتير.. بس خلّي بالك إنه لـ و كشف ستره عنك وغضب عليك متعرفش إيه اللي هيحصلك ساعتها.. ده إنت بتخاف مـن Screen Shot حـد ياخدهالك و وفضحك بيها الله

مش خايف من قول الله تعالى: ﴿ وَوُضِعَ ٱلْكِنَابُ فَتَى الْمُجْرِمِينَ مُشْفِقِينَ مِمّا فِيهِ وَيَقُولُونَ يَوَيْلَئَنَا مَالِ هَذَا ٱلْكِتَابِ الْمُجْرِمِينَ مُشْفِقِينَ مِمّا فِيهِ وَيَقُولُونَ يَوَيْلَئَنَا مَالِ هَذَا ٱلْكِتَابِ لَا يُغَادِرُ صَغِيرَةً وَلَا كَبِيرَةً إِلَّا أَحْصَنَهَا وَوَجَدُواْ مَا عَمِلُواْ حَاضِراً وَلَا يَغُلِمُ رَبُّكَ أَحَدًا ﴾ (الكهف: ٤٩)، مش خايف لما هتشوف يوم القيامة كل أعمال ك قدامك متسجلة وتتفضح قدام الخلائق أجمعين، ساعتها هتعمل إيه وهتقول لربنا إيه ؟؟؟



ثانيًا: لازم تجدد التوبة لله عَرَّبَلَ وتندم على اللي فات وتنوي إنك هتبدأ صفحة جديدة بإذن الله ومش هترجع للافلام والقذارة دى تانى!

ثالثًا: وهي إنك لوحصل منك إنزال لمني سواء بعادة سيئة أو بمشاهدة أفلام.. فكده فسد الصيام بتاعك ( ولكن مش هينفع تفطر، يجب عليك إنك تكمل صيام اليوم، وبعدين تقضيه بعد رمضان!

رابعًا: إوعى تيأس! إياك تقول إن مفيش فايدة!!! ربنا غفور رحيم وباب التوبة مفتوح لحد آخر نفسك في عمرك..

لو جاهدت نفسك ووقعت غصب عنك توب في ساعتها واندم وربنا هيقبلك.. وبلاش نفسك تقولك إنك خلاص بقى مش نافعلك صيام ولا تراويح ولا قرآن وتقول خلاص مش هصلي ولا هعمل أي حاجة تاني الله بالعكس.. ده إنت لازم تزود من الصلاة والذكر والقرآن علشان تمحي سيئاتك كما قال الله تعالى: ﴿إِنَّ الْمُسْنَتِ يُذْهِبُنَ ٱلسَّيِّعَاتِ ﴾ (هود:١١٤).

فإنت إوعى تيأس مهما وقعت.. وتيقن إن ربنا هيقبل توبتك مهما عملت من الذنوب المعاصى..



بس إنت تتوب بجد وتاخد بالاسباب اللي تمنعك بإذن الله إنك تقع تاني..

مش هتقدر تستغنى عن النت شهر في حياتك؟؟؟اعتبريا سيدي إنه مفصول لأي سبب كان! بلاش تضيع فرصة رمضان من إيدك!!كلها كام يوم وهتلاقينا بنقول بكرة العيد!!عايزين نصير شوية ونحاهد نفسنا!!

وبإذن الله لو صبرت الكام يوم دول واجتهدت فيهم ربنا هيفتح عليك وهيقربك منه وهيرزقك التوبة، وهتتغير وتبقى إنسان جديد..

ووياريت تقرأ كتاب «خليك أسد» هيفيدك وهيساعدك في إنك تاخد الخطوات العملية اللي هتبعدك عن إدمان الذنب ده بإذن الله..





#### الجريمة التالتة في رمضان هي: قتل الوقت:

جريمة قتل الوقت هي للأسف الشديد «جريمة قتل لا يُحاسب عليها القانون» في أي مكان في العالم !!! الناس بتسعى لقتل الوقت وكأنه أصبح «عَدُو»!! وأصبح لابد من التخلص منه بأي طريقة!! بالنوم مرة وبالمسلسلات مرة وباللعب مرة!! لدرجة إن الواحد بقى يشوف مواضيع وبوستات على النت إزاي نخلي الوقت يعدي في رمضان وغير رمضان!!! للأسف ده حال كتيير مننا!!

كما يقول الإمام ابن الجوزي: «رأيت عموم الخلائق يدفعون الزمان دفعًا عجيبًا؛ إن طال الليل فبحديث لا ينفع، أو بقراءة كتاب سمر.. وإن طال النهار فبالنوم، وهم في أطراف النهار في الأسواق!! فشبهتهم بالمتحدثين في سفينة وهي تجري بهم، وما عندهم خبر!! ورأيت النادرين قد فهموا معنى الوجود، فهم في تعبئة الزاد والتأهب للرحيل.. فالله الله في مواسم العمل، والبدار البدار قبل الفوات!!».

إنت يا حبيب قلبي تقتل وقتك معناه إيه؟؟؟ ده معناه إنك بتقتل نفسك ١١ معناه إنك بتضييع مستقبلك في الدنيا والآخرة ١١

يقول الدكتور مصطفى محمود: «تحت شعار قتل الوقت يقتل الإنسان نفسه، ويُراق دم اللحظات، ويُسفك العمر، فما العمر في





النهاية إلا وقت محدود، وما الإنسان إلا فُسحة زمنية عابرة إذا قُتلت لم يَبْق من الإنسان أي شيء (١»

تخیل لوواحد دمه بینزف وبیتسحب منه نقطة ورا نقطة لحد ما یموت، إحنا بیتسحب مننا عمرنا یوم ورا یوم، ولیلة ورا لیلة، وشهر ورا شهر..عمرك بیتسحب منك وإنت مش حاسس!!

ك ويُبين الإمام ابن القيم رَحَمُ الله هذه الحقيقة بقوله: «من قطع وقته في الغفلة والسهو والأماني الباطلة، وكان خير ما قطعه به النوم والبطالة، فموت هذا خير من حياته».

ويقول أيضًا: «إضاعة الوقت أشد من الموت؛ لأن إضاعة الوقت تقطعك عن الله والدار الآخرة، والموت يقطعك عن الدنيا وأهلها».

يا أختي إنك تضيعي وقتك في رمضان معناه إنك بتضيعي من إيدك فرص مش هتتعوض تاني! اليوم اللي بيروح من عمرك مش هيرجع تانى أبدًا!!

ك قال الإمام الغزالي رَحَمُّالَّهُ: «كل مفقود عسى أن تسترجعه إلا الوقت، فهو إن ضاع لم يتعلق بعودته أمل، ولذلك كان الوقت أغلى ما يملكه الإنسان، وكان على العاقل أن يستقبل





أيامه استقبال الفقير للثروة الطائلة، لا يُفرِّط في قليلها ولا كثيرها!

إنّ شأن الناس في الدنيا غريب، يله ون والقدر معهم جاد، وينسون وكل ذرة من أعمالهم محسوبة ١».

والله أعلم إنت هتعيش لرمضان الجاي ولا لأ؟؟ وهتكون بصحتك وهتقدر تعمل الطاعات ولا لأ؟؟؟ ده الثانية في رمضان أغلى من الدهب (١١١ فيه عاقل بفرط في الدهب؟؟؟؟

ده إحنا لوواحد مننا ضاع منه ١٠٠ جنيه ممكن يفضل حزين طول اليوم! فتخيل إنت بقى عمرك بيضيع منك يوم وراه ليلة وراه يوم وراه ليلة، وفي النهاية مش زعلانين ومش حاسين إن بيروح مننا حاجة!! رغم إن اللي بيروح مننا ده أغلي حاجة في حياتنا كلها!!

ك يقول الحسن البصري وَمَهُ اللهُ: «لقد أدركت أقوامًا كانوا أشد حرصًا على أوقاتهم من حرصكم على دراهمكم ودنانيركم!».

متضيعت وقتك .. لازم يكون عندك هدف في حياتك .. الإنسان اللي عايش من غير هدف إنسان ميت إكلينيكيًّا!! عايش





ومشى عايش ((! مفيش لحياته أي طعم (! بينام ويصحى وهو مش عارف هو نام ليه، ولا صحي ليه (! حياته كلها ملل وكتًا بة (( (!

ف خلّي عندك أهداف في الدين والدنيا وصمم إنك لازم تحققها.. وحتى لوحققت جزء منها على الأقل يبقى إنت عملت حاجة بجد.. قول هحفظ القرآن.. هتعلم لغة.. هعمل مشروع.. هجته دفي أعمال الخير.. وهستغل كل ثانية في إني أجمّع أكبر قدر من الحسنات!! لازم تكون تاجر شاطر! شوف إنت عايز تحقق إيه في دينك ودنيتك!!!

يقول الامام ابن الجوزي رَمَهُ اللهُ: «واعلم أنّ الزّمان أشرف من أن يضيع منه لحظة؛ فإنّ في الصحيح عن رسول الله صَلَّلَتُهُ عَلَيْهِ وَسَلَّمَ: أنّه قال: «مَنْ قَالَ: سُبْحَانَ الله الْعَظِيمِ وَبِحَمْدِهِ؛ غُرِسَتْ لَهُ نَخْلَةٌ في الْجَنّةِ»؛ فكم يضيِّع الآدميُّ من ساعات يفوتُه فيها الثوابُ الجزيلُ؟ د..».

وحاول تنوع في أهداف وأعمالك.. لأن النفس بطبيعتها سريعة الملل.. وتأكد إنك لو شغلت وقتك بإذن الله مش هتفكر أبدًا في أي معصية وهيكون ده سبب كبير جدًا في إنك تنسى المعاصى كلها وهتتغير بجد...





ورد عن سيدنا زيد بن ثابت رَخِيَسَهُ أنه قال: تسحَّرنا مع النبي صَالَسُهُ عَلَيْهِ عَلَى الصلاة، فقال أنس بن مالك لزيد: كم كان بين الأذان والسحور؟ قال: «قدرُ خمسين آية» رواه البخارى.

الشاهد من الحديث ده هو قياسهم للوقت بمقدار الأيات من القرآن! وده بيدل على أنهم مكانوش بيفوتوا لحظة غير وبيستغلوها حتى في الوقت البسيط.. حتى لو ١٠ دقايق بين السحور والاذان! بيحسبوها صح الصح! وإحنا عمالين نضيع ساعات عمرنا في الهوا هباءًا منثورًا!!

يا حبيب قلبي.. الوقت اللي هيمر عليك في اليوم من غير ما تذكر ربنا هتتحسر عليه يوم القيامة ولو ساعة واحدة؟؟

فما بالك بقي بساعة في رمضان؟؟ الحسرة مش دلوقتي.. مش هتحس بيها دلوقتي!!

هتحس بالحسرة الحقيقية، ولو ينفع هتبكي بدل الدموع دم يوم القيامة، لما تشوف إنت ضيّعت من إيدك كنوز قد إيه؟!!!

والله العظيم هنندم وأنا أوّلكم.. بس مش دلوقتي.. هتندم لم تلاقى نفسك يوم القيامة الحسنة الواحدة بتفرق في مصيرك





يا جنة يا نار الهتندمي لما تشويخ الحساب يوم القيامة بمثقال الذرّة العرفين يعنى إيه مثقال الذرّة ؟؟ ال

لما تلاقي واحد قال: «سبحان الله وبحمده» ومخدتش منه ثانية، وصلّته لدرجة أعلى منك في الجنة!

ساعتها هتقول ياريتني أرجع تاني وأنا هكسّر الدنيا من العبادة ومش هضيع ثانية من عمري غير في طاعة!! ولكن بعد فوات الأوان!!

يا شباب..رمضان مش شهر لعب وتضييع وقت، رمضان ربنا بياً يدك فيه، فمتخذلش نفسك، ده الملائكة اللي بتتنزل في ليلة القدر بس أكتر من عدد حصى الكرة الأرضية.. كل دول نازلين يعينوك ويثبتوك على طريق الطاعة، إوعي تخذل نفسك...!

إنت لسه في الدنيا.. وفيك نفس وعندك وقت تشتغل.. وبكره هتشوف كل اللي عملته قدام عينيك.. ﴿ يُوْمَ يَنظُرُ ٱلْمَرْءُ مَا قَدَّمَتُ يَدَاهُ ﴾ (النبا:٤٠).. فمش عايزين نندم يا شباب.. وياللا نُري الله من أنفسنا خيرًا..









# **هدف عکسي**

من أسوأ الحاجات اللي ممكن تحصل في أي مباراة إن لاعب يجيب هدف في مرماه بالخطأ غصب عنه وهو مثلًا بيشتت الكورة أو الكورة خبطت فيه بالخطأ وغيرت اتجاهها ودخلت جون!! ده بيسموه هدف عكسى!!

طيب تخيل بقى لو لاعب سجّل هدف عكسي في مرمى فريقه، وكمان بكل مهارة واحترافية؟؟؟؟

تخيل لو لاعب عمل مجهود كبير جدًّا علشان يستحوذ على الكورة وبعدين عمل مجهود أكبر علشان يحتفظ بيها، وبعدين عمل مجهود أكبر ونفسه اتقطع علشان يجري الملعب كله ويوصل للمرمى ويسجل هدف (( وبعد ده كله وهو فرحان إنه جاب جون، بعد المجهود ده كله يفاجئ إنه كان بيجري غلط ناحية المرمى بتاعه وإنه سجل هدف عكسى في مرماه (((

تخیل ده إحساسه هیبقی إیه؟؟؟ تخیل الشخص ده ممکن يتوصف بإیه؟؟؟





ده واحد بيدمر نفسه ذاتيًا!! بيدمر نفسه بنفسه!!

واحد قلبه هيتقهر من الحزن لما الماتش يخلص ويعرف إن بعد المجهود الجبار اللي عمله ده كله تعبه طلع على الفاضي وخرج خسران (((

واحد مشى فاهم أي شيء وراكن دماغه على جنب ومش بيحاول يفكر ولا عايز يسمع لنصيحة حد (((

أهوده حال كتير مننا يا شباب.. حال كل واحد بيصوم وبيتعب في صيامه وقاعد ١٦ ساعة صابر على الجوع والعطش في عـز الحر، ولكن مقضيها طول النهار الهاند فري في ودانه بيسمع أغاني وهو قاعد يتفرج على البنات في الجامعة، وشوية على النت بيشيت مع واحدة وشوية على الانستجرام بيشوف أحدث صور الفنانات، وعند الفطار يفطر على سيجارة، وبالليل بقى بيجي وقت السهراية الحلوة مع الشلة على القهوة ويقضوها تدخين وشيشة لحد الفجر!!!

ده حال كل واحدة بتصوم وماسكة نفسها بالعافية لحد المغرب وبالليل بتصلي التراويح وواقفة تعبانة ومستحملة، ولكن مقضياها طول النهار شتيمة وغيبة وكلام في سيرة الناس، وشوية وتخرج باللبس الضيق اللي محدد جسمها، وشوية على





النت بتهزر مع فلان وتضحك مع فلان، وبالليل بقى ييجي وقت المسلسلات التى لا تنتهى لحد الفجر!

للأسف ده الحال اللي ينطبق عليه حديث الرسول صَلَّاللَّهُ عَلَيْهُ وَرُبَّ عائم ليس له من صيامه إلا الجوع، ورُبَّ قائم ليس له من قيامه إلا السهر، صححه الألباني.

سر هدا أن التقرب إلى الله تعالى بترك المباحات لا يكمل إلا بعد التقرب إليه بترك المحرمات، فمن ارتكب المحرمات، ثم تقرب بترك المباحات، كان بمثابة من يترك الفرائض ويتقرب بالنوافل».

للأسف ده حال الناس اللي معرفتش معنى الصيام ولا فهمت مغزاه، الناس دي مسمعتش حديث الرسول صَلَّاللَّهُ عَلَيْهِ وَسَلَّمَ: «ليس الصيام من الأكل والشرب؛ إنما الصيام من اللغو والرفث» صححه الألباني.

للأسف ده الصيام اللي ملوش فايدة ولا مرجو منه ثواب.. اللي الرسول صَّأَلْتُهُ عَلَيْهِ وَسَالًا قال عنه: «من ثم يدع قول الزور والعمل به فليس لله حاجة في أن يدع طعامه وشرابه» رواه البخاري.

عَلَى الْبَيْضَاوِيّ: لَيْسَ الْبَوْعِ وَالْعَطْشِ، بَلْ مَا يَتْبَعُهُ الْمَقْصُود مِنْ شَرْعِيَّةِ الصَّوْم نَفْس الْجُوع وَالْعَطْشِ، بَلْ مَا يَتْبَعُهُ





مِنْ كَسُرِ الشَّهَوَات وَتَطُويعِ النَّفْسِ الْأَمَّارَةِ للنَّفْسِ الْمُطَمِّنَّةِ، فَإِذَا لَمَّ كَسُرِ الشَّهَوَات وَتَطُويعِ النَّفْسِ الْأَمَّارَةِ للنَّفْسِ الْمُطَمِّنَّةِ، فَإِذَا لَمَّ يَحْصُلُ ذَلكَ لَا يَنْظُرُ اللَّه إِلَيْه نَظَرِ الْقَبُولِ».

الصيام من مقاصده ترويض النفس.. لأن الفرق بين الإنسان والحيوان إن الحيوان بتقوده شهواته، إنما الانسان هو اللي بيقود شهواته.. إنت أصلًا بتمنع نفسك من الحلال علشان تقدر بعد كده تتحكم في نفسك وتمنعها من الحرام بسهولة، فلما تكون صايم ولكن نفسك الأمارة بالسوء مازالت هي اللي مسيطرة عليك وكل ما تقولك أعمل حاجة بتعملها.. إيه فايدة الصيام بقي؟؟؟

وعلشان كده يا شباب الرسول صَلَّاتَهُ عَلَيْهُ قَالَ عن المعنى الحقيقي للصيام، الصيام اللي ربنا يحبه ويريده لنا: «الصيام جُنَّة وحصن حصين من النار» صححه الألباني. جُنَّة يعني وقاية، وقاية في الدنيا من المعاصي، بكسر الشهوة، وحفظ الجوارح، وفي الأخرة وقاية من النار.

عال العلماء: «فلما كان الصيام يقي صاحبه من المعاصي في الدنيا؛ كان له في الآخرة جُنَّةُ من النار، وإنَّ لم يكن الصيام له وقاية في الدنيا من المعاصي، لم يكن له وقاية في الآخرة من النار!!».





يعني الصيام الذي لا يمنعك من النظر إلى الحرام والسب والشتم والخصام والغيبة والنميمة والكذب والخوض في الأعراض، فليس بصيام (ا

تخیل کده لو إنت شغال لیل ونهار علشان تجمع مبلغ معین محتاجه جدًا.. شغل وتعب ومجهود ومش بتنام... وبعد ما جمعت جـزء کبیر مـن المبلغ.. أخدت الفلوس کلها ووقف ت في الشارع.. وطلعت الفلوس.. وطیّرتها في الهوا (۱۱)

هتقول: مستحيل! لا يمكن أبدًا أعمل كدة!! هو أنا عبيط ولا سفيه..؟؟؟ دي فلوس طالع عيني فيها.. ده أنا حتى لوحد مديهم لى أو لاقيهم مش هرميهم في الشارع كده...!!!

تخیل لوحد عمل کده قدامك؟؟! أکید هتقول ده لازم یترفع علیه قضیة حُجر لأنه ده مجنون رسمی!!!

طيب تخيل بقى إنك بتعمل كدة في حاجة أغلى وأهم من الفلوس والدهب والدنيا كلها... بتجمع حسنات باليمين.. وبتروح ترميها في الهوا بالشمال... بتصوم طول النهار وتتعب وتنزل تصلّي التراويح.. ولكن بتطلع تفتح التلفزيون تتفرج على العورات والبذاءة والفحش.. بتقعدي تقرأي جزء قرآن.. وتخلصي وتمسكي التليفون بعدها تقطعي في فروة فلانة



وعلانة... قد إيه بنتعب في جمع الحسنات.. وقد إيه مش قادرين نهم إننا محتاجين نحافظ على حسناتنا دى...

عایزین نفوق بقی یا شباب.. شویة تفکیر بس بالله علیکم... المعاصی فے رمضان کلها أهداف عکسیة فے مرمانا (!

كده هنخرج من رمضان خسرانين كل شيء ( إلا يا شباب رمضان مش وقت معصية خاااالص ( اللي بيعصي في رمضان شكله وحش أوي، مش لايق عليه خالص، كل شيء حواليه بيشده بعيد عن المعصية وهو بيقول لازم اعملها مهما حصل ( المعصية وهو بيقول لازم المعصية وهو بيقول لازم المعصية وهو بيقول لازم المعصلة وهو بيقول لازم المعصلة وهو بيقول المعسلة وهو

اللي بيعصي ربنا في رمضان مش خايف من مضاعفة العداب؟ ده الأشهر الحرم ربنا قال عنها: ﴿ فَلَا تَظُلِمُواْ فِي نَ العداب؟ وعلى يعني إوعى تظلم نفسك بإنك تخليها تعصي ربنا وتعرضها لغضب الله وعذابه في الدنيا قبل الآخرة!! دي المعصية في الأشهر الحرم!! ما بالكم بالمعصية في شهر رمضان أعظم الشهور وأفضلها وأحبها إلى الله؟ هيكون عقابها إيه لو متويناش منها؟؟؟

تعالو نشوف بعض الحاجات اللي ممكن تكون أهداف عكسية خطيرة وتكون سبب خسارتنا في رمضان علشان ناخد بالنا منها ونحاول نبعد عنها ونتجنبها نهائيًّا بإذن الله...





#### 1 سوء الخلق والتعامل في رمضان:

صيام إيه بس؟؟!! الصيام تقوى لله وحُسن خلق.. الصيام صبر وتحكم في النفس وكظم غيظ وعف و وتسامح وأدب وذوق وبر ورحمة وعطف واحترام.. فواحدة واحدة كده عود نفسك على حُسن الخلق، وخليك دايمًا فاكر حديث النبي صَالِّلَهُ عَيْدُوسَكَمَ: «ما من شيء أثقل في ميزان المؤمن يوم القيامة من خلق حسن، وإن الله تعالى يبغض الفاحش البذيء»..

### 2 تعطيل مصالح الناس في رمضان:

المفروض إن العمل الوظيفي بيبقى قليل في رمضان، وكمان الحكومات بتقلل عدد ساعات العمل، ومع ذلك بنلاقي معظم الموظفين بيروحوا الشغل متأخر بحجة الصيام، ويزوغوا من الشغل قبل معادهم بحجة الصيام، واللي بينام أثناء الشغل ويعطل مصالح الناس واللي مش عايز يشتغل أصلًا بحجة إنه





صايم وتعبان ويقولك معلش فوت علينا يا افتدى بعد رمضان!! يا أخى لو الصيام بيتعبك جامد أوى كده ومش بيخليك قادر تمسك القلم وتخلُّص مصالح الناس يبقى خد أجازة وأقعد في البيت، إنما متفتكرش إن الصيام هيكون مُبرر وحجّة لما ربنا يحاسبك ويسألك عن الضرر والتعب والمشاكل اللي سببتها للناسس لأنك عايز تنام وترتاح!! فاتق الله وأتَّقن عملك وحلَّل الفلوس اللي هتاخدها آخر الشهر! اتق الله ويسر على الناس وانجز لهم مصالحهم.. وخد النية الجميلة دي وخليها دافع لك مع كل واحد بتساعده أثناء شغلك، قال النبي صَلَّاللَّهُ عَلَيْهِ وَسَلَّم: «من نفُّس عن مؤمن كربة من كرب الدنيا، نفس الله عنه كربة من كرب يوم القيامة، ومن يسّر على معسر، يسّر الله عليه في الدنيا والآخرة، ومن سـتر مؤمنا ستره الله في الدنيا والآخرة، والله في عون العبد ما كان العبد في عون أخيه» رواه مسلم.

### 3 الخفافيش في رمضان:

تلاقي الواحد منهم بمجرد دخول رمضان تنقلب حياته رأسًا على عقب، فيتحول إلى (خفّاش) ليله نهار ونهاره ليل! رمضان بالنسبة له شهر السهر والدلع والترفيه والفرفشة!! يخرج من بعد الفطار على القهوة يقضيها شيشة ودخان وخناقات



في الدومينو والشطرنج والكوتشينه!، واللي حاجز مقعد دائم في الخيم - المسماة زورًا- بالرمضانية، وهي أقرب ما تكون للملاهي الليلية بما فيها من رقص وأغاني وبلاوي.. وفيه اللي مش بيحلاله المصيف غير في رمضان! يقضيها الواحد طول الليل سهر وخروجات وفسح.. ويرجع ينام قبل الفجر لحد أذان المغرب!! مضيع أغلب عباداته، وحياته عبارة عن أكل ونوم بدون شغل ولا مشغلة ١١ يا أخى وهو ده يبقى اسمه صيام؟؟ ١١ ده إنت أبعد ما يكون عن الصيام وأبعد ما يكون عن نفحات ورحمات رمضان!! لازم تعرف إنه من شقاءك وهلاكك إنك تنشغل بمعصيـة الله في أحب الأوقات إليه!! راجع نفسك وخليك فاكر قول الله تعالى: ﴿ حَتَّى إِذَا جَآءَ أُحَدُهُمُ ٱلْمَوْتُ قَالَ رَبِّ ٱرْجِعُونِ (١٠) لَعَلَّى أَعْمَلُ صَلِحًا فِيمَا تَرُكُتُ كَلَّا ۚ إِنَّهَا كَلِمَةٌ هُوَ قَآبِلُهَا ۗ وَمِن وَرَابِهِم بَرَزَخُ إِلَى يَوْمِ يُبْعَثُونَ ﴾ (المؤمنون:٩٩-١٠١)! راجع نفسك وإلا هتندم والله!!!

#### 4 الإسراف الشديد والتبذير في الأكل:

المفروض إن رمضان شهر صيام مش شهر أكل، يعني المفروض الناس توّف رفيه، مش تصرف أضعاف أي شهر تاني الطبيعي إن الناس تخس فيه، مش تتخن ٢٠ كيلوا وترجع تصرف فلوس علشان تعرف تنزلهم بعد رمضان اللسف فيه





ناس رمضان بالنسبة لها شهر الموائد والولايم والعزومات وملئ أكبر مساحة ممكنة من معدتك ((( بيخزن أكل من قبل رمضان كأنه داخل على مجاعة (( وتلاقي على الفطار كمية أكل كتيرة جدًّا، ممكن نصها يترمي بعدين ((( وتشوف واحد عند الفطار بياكل لحد ما يبقى مش قادر يقوم من مكانه (( شعاره بعد الفطار «سنأكل وهناكل ونااااااااااكل في أي وقت وأي مكان. صحرا إن كان أو بستان وكأنه محروم من الأكل بقاله ١٠٠ سنة ((( ويفضل ياكل من المغرب لحد الفجر ويقولك أنا بعمل مخزون استراتيجي للصيام (( وهو فين الصيام ده؟؟ (( ولو جيت تقوله تساعدنا نعمل شنط رمضان للفقرا أو نجهز لهم وجبات يقولك منين بس؟؟

يا جماعة احنا عايزين يكون فيه اعتدال في الأكل والانفاق في رمضان.. ولو قدرنا نوفر ونخلّي أي جزء من الأكل او النفقة للفقرا واللي مش لاقيين أي حاجة (ا ونتذكر دايمًا قول الله عَرَيَجَلّ: ﴿ وَكُلُوا وَاللَّي مَشْ رُفُواً إِنَّهُ لَا يُحِبُ ٱلْمُسْرِفِينَ ﴾ (الأعراف:٢١).

وقوله تعالى: ﴿ كُلُواْ مِن طَيِّبَاتِ مَا رَزَقَنَكُمْ وَلَا تَطْغَوَاْ فِيهِ فَيَحِلَّ عَلَيْكُمْ وَلَا تَطْغَوَاْ فِيهِ فَيَحِلَّ عَلَيْكُمْ عَضَبِي فَقَدْ هَوَىٰ ﴾ (طه:۸۱).





وقوله تعالى: ﴿ وَلَا نُبَدِّرْ بَبْذِيرًا اللهِ إِنَّ ٱلْمُبَذِّرِينَ كَانُوٓا إِخْوَانَ الشَّيْطِينِ وَكَانَ ٱلشَّيْطِينِ وَكَانَ اللهِ عَلَى اللهِ وَاللهِ وَاللّهِ وَاللهِ وَاللّهُ وَاللّهُ وَاللّهُ وَاللّهُ وَاللّهُ وَاللّهُ وَاللهُ وَاللّهُ وَاللّ

#### 5 الكـورة في رمضان:

الدورات الكروية الرمضانية الشباب بينتظروها بفارغ الصبر، وتلاقي الشباب من بعد العصر لحد المغرب في اللعب ويضيع وقت غالي جدًّا فيه استجابة للدعاء، وشباب يصلي العشا ويطلع جري على الملعب، يلعب ويتعب، ويروح همدان وينام لحد تاني يوم الظهر وطبعًا مفيش تركيز في أي عبادة من التعب والارهاق، وأنا بختصار هقولك: رمضان مش وقت كورة إطلااااقًا إلعب كورة بعد رمضان لحد ما تشبع، الكورة مث هتطير إلا بس رمضان هيطير إلا بالله عليك بلاش تضيع وقتك، ولو عايز تمارس رياضة في رمضان، يبقى رياضة خفيفة تساعدك على النشاط وتحرك جسمك، وتكون محددلها وقت، نص ساعة بالكتير..

أما بقى اللي عايش رمضان قدام الدوري الإنجليزي والأسباني والإيطالي ودوري أبطال أوربا وأبطال أفريقيا والكونفدرالية والدوري المصري الممتاز أوب، واللي عنده استعداد يضيع ليلة القدر علشان ماتش الريال والبارسا، فده

9 154

مش هنقول غير ربنا يهدينا ويهديه (إلا يا أخي لو بتحب الكورة أوي ومجنون بيها فالكورة اجوان، ابقى اتفرج على الاجوان في اي وقت على النت في دقيقتين وخلاص إنما تضيع عمرك في اي وقت على النت في دقيقتين وخلاص إنما تضيع عمرك في الاستوديو التحليلي قبل الماتش ب ساعات وبعدين الماتش وبعدين الاستوديو التحليلي بعد الماتش كمان ساعات فكده اوووووووفر أوي أوي (إلوالله هتتسأل قدام ربنا عن كل ده زي ما النبي صَلَّسَهُ عَبَدُوسَةً قال: «لا تزول قدما ابن أدم يوم القيامة من عند ربه حتى يُسأل ... عن عمره فيما أفناه ؟ وعن شبابه فيما أبلاه ؟» ياترى هتقول لربنا إيه لما يسألك عن كل لحظة ودقيقة في عمرك فضيتها في ايه ؟؟؟!

#### 6 النت وسنينه في رمضان:

تخيّل إنه في مصر دلوقتي أكتر من ١٠٠ مليون تليفون محمول، ده غير وصلات النت والوايرلس والواي فاي القريبًا مفيش بيت في مصر دلوقتي مش فيه نت وأصبح إدمان النت للكبير والصغير حاجة صعبة جدًّا الا تلاقي الواحد لاجئ على مواقع التواصل الفيس، إنستجرام، تويتر، واتس آب، فايبر، لاين ... وغيرهم وغيرهم القيد ٢٤ ساعة على النت حتى لو مش بيعمل أي حاجة الا ولو النت فصل أو الباقة خلصت تحس إنه



اكتئب وحياته توقفت ( ده غير إدمان الجيمز كلاش أوف كلانز، صب واي، كاندي كراش . . . وغيرهم وغيرهم ( الموضوع بقى إدمان بجد الموضوع أوقات وأعمار كاملة في الهوا بدون أي لازمة أو داعى ( ا

وأصبح تواجد كتير من الناس على مواقع التواصل لمجرد إن ده بيجادل ده، وده بينافق، وده بيستهزئ، وده بيغتاب ويسب ويلعن، وده بينشر وبيعمل شير لأغاني وأفلام وصور بيجني من وراها ملايين السيئات الجارية حتى بعد ما يموت!

واللي حتى بينشر بوست ديني ممكن يكون مش بيقراه، أو فديو ديني محاولش إنه يفتحه أصلًا! ويقولك ده الفيس ده مليان دعوة وتذكرة ودين!! يا أخي بلاش نقضيها كلام × كلام!! المساجد فاضية، والدعاء مغرق الفيس بوك.. المصاحف عليها تراب قد كده، وأوراد القرآن مغرقة الفيس بوك.. تفتح الفيس تلاقى كلام الناس في الدين.. تحس الأولياء قدامك... تنزل أرض الواقع مفيش... مفيش أي تطبيق.. إلا من رحم الله... ناس كتير جدًّا بتنقل كلام على صفحتها والله مبتقرأهوش... مجرد صفحة على الإنترنت بتدخل تنشر عليها كلام وخلاص... الموضوع مغيش تجيب كام لايك من الناس... الموضوع

أصبح مجرد عادة.. لدرجة إنك تلاقى واحد بيدعو الناس على الفيس وعمال يتكلم في الدين وهو مبيصليت أصلًا... حاجة مخزية فعلًا إن ده يكون واقعنا المرير!!

بقت حاجة تكسف إنك تلاقي الشاب أو البنت عندهم استعداد يقعد يقرأ ١٠٠ تعليق على كل بوست و ١٠٠ تغريدة و ١٠٠ رسالة واتس، ومعندوش استعداد يقرأ صفحتين في المصحف المنده صبر يبحلق ويدقق في الموبايل طول اليوم ومعندوش صبر ينظر في المصحف ١٠ دقايق على بعض البيشحن موبايله كل ساعتين وماشي بكام «باوربانك» احتياطي، وقلبه مات وفصل شحن إيماني وهو ولا على باله الله الله وإنا إليه راجعون الله والواحد عنده شوية دم كان استحى من ربنا إيه يكون ده حاله وبالذات في رمضان الستحى من ربنا إيه يكون ده حاله وبالذات في رمضان الستحى من ربنا إيه يكون ده حاله وبالذات في رمضان المتحى من ربنا إيه يكون ده حاله وبالذات في رمضان المتحى من ربنا إيه يكون ده حاله وبالذات في رمضان المتحى من ربنا إيه يكون ده حاله وبالذات في المنازي وهو ولا على باله وبالذات في المنازيل المنازيل

نصيحة لو تعرف تفصل النت أو تلغي الباقة في رمضان إوعى تتردد! عاوزين الفترة الجاية مفيش أي حاجة تشغلنا عن ربنا!! عايزين نصفي ذهننا من صداع النت!! عايزين نركز بقى علشان نعرف نحقق أهدافنا..

ولو بتحتاج النت في الشغل أو المذاكرة ضروري، يبقى لازم ولابد وحتمًا تحط لنفسك مواعيد صارمة ومحددة بالساعة





والدقيقة والثانية، وتكون عارف أهدافك من النت كويس أوي.. عارف هتدخل تعمل إيه بالظبط وتنجزه وتقفل على طول.. وإلا تاكد ١٠٠٪ إن رمضان هيتسرق ويضيع منك بسب النت وسنينه!!!

#### 7 لبس البنات ومشتقاته في رمضان:

من الغريب والعجيب إن فيه بنات كتير جدًّا ااا بتغير لبسها الاستايل في رمضان، وتلبس عبايات أو إسدال، ولو رايحة تصلي تلاقيها لا ميك أب ولا برفان ولا إكسسوارات ( ولكن، بمجرد ما يخلص رمضان ومع أول أيام العيد ترجع زي الأول وممكن أسوأ كمان ( ا

دي بنقولها يا أختي يا غالية: الله ربك هو رب رمضان، وهو الله رب شوّال ورب كل الشهور.. الله حيّ لا يموت ومُطّلع عليكي في رمضان وغير رمضان، ويراكي وإنتي بتعصيه وتغضبيه في كل مرة بتخرجي بيها بلبسك اللي محدد تفاصيل جسمك ومع ذلك بيرزقك ويسترك وينعم عليكي، فتوبي لربك حبيبك وزي ما لبستي واسع في رمضان خدي القرار إن حياتك كلها تبقى رمضان وتغيّري لبسك كله بإذن الله!



والأغرب والأعجب بقي إن فيه بنات بتفضل بنفس اللبس ونفس المكياج ونفس البرفان وعادي جدًّا ١١ خارجة يا عيني في عز الحروهي صايمة، ولكن الشيطان ضحك عليها والدنيا استولت على قلبها وعقلها، لابسة البدى والبنطاون والفست والبوليرو وغيره من اللبس اللي ميرضيش ربنا، تعبانة وعطشانة من الصيام وهتموت على نقطة ميه، ولكن يا مليون خسارة لما تيجي يوم القيامة وتلاقى إن ليس لها من صيامها إلا الجوع والعطش! بل هتصعق لما تلاقى في موازين سيئاتها شلالات سيئات جارية بسبب كل نظرة شاب نظرها لها وكل فتنة ومعصية لله حصلت بسببها الله أنا عايزك يا أختى الغالية تفوقى وتعرفي إن لبسك ده كله ما هو إلا تغيير لون جلدك بطبقة من القماش (((( ده تحايل على الحجاب ( كفاية بقى ضحك على نفسنا ( إذا كان يا أختى الصيام فريضة، فالحجاب بمواصفاته وشروطه الصح برده فريضة..

هتقولي: بس أنا شايفه إن أنا كده كويسة وأحسن من اللي كاشفة شعرها واللي مش لابسة خالص !!

- هقولك: هو ينفع حد يصوم لحد العصر ويقول كده كويس وأنا أحسن من غيري؟؟!! هل ربنا هيقبل صيامه؟؟؟؟





- طبعً ااااا لا. لأن الدين مشى بمزاج حد.. وربنا فرض الصيام لحد أذان المغرب.. وكذلك الحجاب له مواصفات في الشرع.. يعني مينفعش تلبسي اللي على مزاجك وتقولي هو ده الحجاب إن كان عاجبكم!! لازم نلتزم بشروطه اللي من أهمها إنه يكون لا يصف، يعني مش محدد جسمك.. ولا يكون زينة في نفسه..

مستنية إيه؟؟ خدى القرار وانزلي اشتري لبس واسع يرضي ربنا، وخليكي دايمًا فاكرة حديث الرسول صَّاللَّهُ عَلَيْهُ وَسَلَّمَ: «صنفان من أهل النار لم أرهما.... نساء كاسيات عاريات، مائلات مُميلات، رؤوسهن كأسنمة البخت المائلة، لا يدخلن الجنة ولا يجدن ريحها» رواه مسلم.

وياريت تقرأي كتب «نيوفاشون» و«فكيها شوية» و«أحلى حاجة فيكي» هيفيدوكي وهيساعدوكي في اتخاذ قرار الحجاب الصح بإذن الله..

#### 8 مسلسلات الشيطان؛

بيقولوا عليها مسلسلات رمضان، وهي في الحقيقة مسلسلات الشيطان وأعوان الشيطان من بني آدم! بمجرد ما يقرب رمضان تلاقي الشوارع والكباري والجرايد كلها اتملت إعلانات مهولة

971



عن المسلسلات اللي هتتذاع في رمضان علشان الكل يحضّر نفسه ويعمل حسابه إنه مش هيقوم من قدام التليفزيون في رمضان القنوات كاملة مخصصة للمسلسلات، ٢٤ ساعة عرض مستمر لا يتوقف الوكل سنة عدد المسلسلات بيزيد أضعاف السنة اللي قبلها الاوساعة ما تشوف كل ده، أول حاجة تيجي في بالك هي آيات من كتاب الله بتوصف الحالة دي.. قول الله تعالى: ﴿ فَلَمّا الله بتوصف الحالة دي.. قول الله تعالى: ﴿ فَلَمّا النَّهُ وَحِرفيّة باستخدام أحدث الأجهزة علشان يسحروا عيون الناس ويسلسلوهم قدام التليفزيون الناس ويسلسلوهم قدام التليفزيون الله التاليفزيون الناس ويسلسلوهم قدام التليفزيون الناس ويسلسلوهم قدام التليفزيون الناس ويسلسلوهم قدام التليفزيون المناس ويسلسلوهم قدام التليفريون المناس ويسلسلوهم قدام التليفريون المناس ويسلسلوهم قدام التليفريون المناس ويسلسلوهم قدام التليفرية ولمناس ويسلسلوهم قدام التليفريون المناس ويسلسلوهم قدام التليفريون المناس ويسلسلوهم قدام التليفرية ولمناسات ولمناسات وليفرق المناس ويسلسلوهم قدام التليفرية ولمناس ويسلسلوهم قدام التليفرية ولمناسات ولم

وأيضًا قول الله تعالى: ﴿ وَاللَّهُ يُرِيدُ أَن يَتُوبَ عَلَيْكُمُ وَيُرِيدُ اللَّهِ عَلَيْكُمُ وَيُرِيدُ النَّهَ وَلَا اللهِ عَلَيْكُوا مَيْلًا عَظِيمًا ﴾ (النساء:٢٧).

أهل الباطل عايزين الناس تميل عن طريق ربنا، تميل لطريق الانحلال والضياع وتغرق في طوفان الشهوات والانفلات الطريق الانحلال والضياع وتغرق في طوفان الشهوات والانفلات الأومش كده وبس، ده عايزينه يبقى مَينًا عَظِيمًا المناهيم، وتنتكس فيه الفطر، وتتغير تركيبة المجتمع رأسًا على عقب وعلشان كده بيبذلوا أقصى جهدهم وأموالهم لأعمال درامية خبيثة هابطة تبث سموم وانحطاط أخلاقي، وإسفاف فكري وتحريض على الفجور وانسلاخ من كل القيم والمبادئ،



بحجة حرية الفكر والإبداع وعرض مشاكل الواقع، وكلها حجج واهية الأنهم لو الفلوس اللي بالمليارات اللي اتصرفت على المسلسلات دي صرفوها على الواقع كانت غيرته أو على الأقل بدأت تعالجه إنما نواياهم معروفة وخططهم محفوظة، كل اللي عايزينه شهرة ومكسب وسيطرت الشهوات والشبهات على عقول المجتمع وتدمير الشباب وإلهاء الناس عن عبادة ربهم!

ده غير بقى المسلسلات الخليجية والسورية واللبنانية والتركية والهندية والكورية والاجنبية وغيرها من المسلسلات المدبلجة.. كله شغال.. كله ماشي ((((( وباء مسلسلات وتفشّى في المجتمع ((()

وتلاقي التعبير التلقائي لما تشوف الكم الهائل من الإعلانات دي «كل دي مسلسلات هتيجي، أمال الناس هتعبد ربنا إمتى وإذاي؟».. الا ياجماعة ريحوا نفسكوا، دي ناسس متعرفش ربنا ومش فارق معاهم رمضان من غيره! الده هما قاصدين ومتعمدين ومجهزين المسلسلات دي لرمضان مخصوص وشعارهم «معانا مش هتاخد ولا حسنة»!!!!

ش يقول الدكتور مصطفى محمود: «يأتي رمضان ويأتى معه طوفان من المسلسلات والبرامج، وكأنهم نسوا أنه





شهر للتعبد، فيلهون الناس عن الصلاة والذكر وقراءة القرآن، ويلتصق الريموت كنترول بالأيدى بدلًا من المسبحة والمصحف، ويتسمّر الناس في كراسيهم أمام تلك الشاشات السحرية الصغيرة، وليس فقط في رمضان وإنما أيضا في الأيام العادية تلتهم هذة الشاشة السحرية حياة الناس وأرواحهم، إنها حقا أفون هذا الزمان!!

بل إنها أخطر وأكثر انتشارا من الحشيش والهيروين إ وكلما حاول المتفرج مقاومة الأفيون الذي يتسرب له من هذة الشاشة، يزيد المخرجون من المسلسلات ويتبارون في مساحات العُريّ والدم والأكشن والألغاز لجذبه من جديد، فهو مُخدّر يدخل كل بيت، يقتحم على كل واحد غرفة نومه ويشاركه مائدته، هذه هي وسائل الإعلام التي تكاتفت بتعاقد غير مكتوب لقتل الناس بقتل وقتهم، وإماتتهم بالضحك والإثارة والنكتة البذيئة!

فيُربَط المواطن بكرسيه أسيرا لشبكة العنكبوت الإعلامية والسجن ذو القضبان الجميلة الذي يعزله عن عالمه لعالم آخر غير واقعي، فيظل الإنسان معزول عن تذكر المصير، والتفكر في مسألة الحياة والموت (».





المسلسلات لحست عقول الناس في رمضان، يفطروا قدامها... ويتسحروا قدامها.. ويسهروا قدامها.. وأثناء الشغل يتكلموا عنها.. حاجة مُحزنة بحد!! ليه كل ده يا شباب؟؟!!!!

ده إنت لو حاولت تشغل دماغك هتلاقي إن كل اللي بيتعرض في المسلسلات عبارة عن رقص، خناقات، بلطجه، مخدرات، صراع رجال أعمال، جرايم قتل، سخرية من المتدينين، فلل وقصور وشاليهات، هو ده اختصار لكل المسلسلات!! استفدت إيه بقى وإنت بقالك كام سنة بتتابع مسلسلات رمضان وغير رمضان!! لا شيء غير تضييع وقتك وذنوب قد كده اتسجلت في صحفيتك!!

يا جماعة.. هو شهر رمضان الذي أنزل فيه القرآن؟؟ ولا رمضان الذي أنزل فيه المسلسلات؟؟

اشمعنى يبقى فيه مسلسلات خاصة بشهر رمضان فقط؟؟؟ ده أكبر دليل على إنهم عايزين يفسدوا قلوب الناس في كل ثانية من رمضان وميخلوش فيها أي ذرة إيمان!!!

• وتلاقي الواحد واقف يصلّي التراويح وعمال يقول في نفسه بسرعة يا عم الشيخ متطولش عشان نلحق المسلسل!!





• وواحد تاني يقوم من قدام المسلسل بالعافية وقت الصلاة ويقولك هقوم أخبط الركعتين وأرجع بسرعة (الاوواحدة قاعدة تقرأ قرآن وهي عينيها على المسلسل علشان متفوتش الحلقة (الوواحد يقولك هقوم أخطف ربع قرآن يادوب على ما الحلقة تبدأ (الا

ودول هنقولهم: إنت و بتضحكوا على مين؟؟ إنت بتضحك على نفسك؟؟ إنتي بتخدعي ربنا؟ يا أخي ربنا غني عنك وعن عبادتك!! يا أختي الله أعز وأجل إننا نعامله بالشكل ده!!!

• واللي حاطط جدول لمواعيد المسلسلات اللي هيتابعها علشان متفوتوش منها ولا ربع حلقة حتى!!!

هنقوله: ده إنت لو كنت حطيت جدول للعبادة والقرآن والبرامج الدينية وأي حاجة مفيدة مكنتش هتتفرج على ولا مسلسل لأنك ببساطة مش هتلاقي عندك أي وقت فاضي!!

• واللي يقولك أنا هتفرج بس على أول كام حلقة من كل مسلسل أعرف فكرته وبيتكلم عن إيه وبعدين مش هكمّله!!

هقول كان غيرك أشطر.. مساسلات رمضان أكتر مساسلات بيحاولوا يعملوا فيها تشويق وإثاره لأقصى درجة.. ومش هتقدر تسيبه..!!!





• واللي يقولك أنا هتفرج بالليل بعد التراويح ومش هتفرج بالنهار وأنا صايم علشان مضيعش صيامي! ١٩٤١

هنقوله: يا راجل؟؟!! بجد؟؟ سواء ليل أو نهار إنت لسه يخ رمضان.. وحُرّمة رمضان بالليل زي حُرّمته بالنهار.. وربنا يراك بالليل وبالنهار وبيحصي عليك كل أعمالك..

• واللي يقولك أنا بقى مش هتفرج بس هتابع الريفيوهات والكومنتات والمشاهد المهمة على النت!!

هنقوله: ده إنت كده مش بتتفرج على المسلسل، ده إنت بتذاكره وتحفظه وتحلّله لقطة لقطة (إ

• وتلاقي نغمة منتشرة أوي على النت بتقولك بلاش تضيع رمضان في المسلسلات، ابقى شوفها لما تتعاد بعد رمضان! هقولك: بجد؟ هو إنت شايف إن تضييع الوقت في كده حرام في رمضان وحلال في غير رمضان؟ ما هو رب رمضان هو رب ما بعد رمضان، الرب اللي هايحاسبك عن عمرك ومجهودك وعقلك ووقتك وشبابك ضيعتهم في إيه! فلو شايف إن القعدة قدام شاشة كذا ساعة علشان تتابع مسلسل تافه بإعلاناته

المستفزة يعتبر تضييع وقت وحرام، فده ينطبق على كل يوم، رمضان وغير رمضان!

فاتقوا الله انتوا في نفسكوا وبلاش تتفرجوا وقاطعوا مسلسلات رمضان محدش بيضرب حد على إيده علشان يتفرج ( إنت اللي بإيدك الريموت وبإيدك إنك تختار كل حاجة بتعملها..

لازم نجاهد نفسنا ونتوب من إدمان المسلسلات من دلوقتي.. علشان رمضان ميضيعش مننا زى كل سنة...

يا شباب.. فيه منا اللي هيختم مسلسل ٣٠ حلقة متابعة ومشاهدة، وفيه اللي هيختم ٣٠ جزء قرآن تدبر وعمل!! يا ترى إنت مين فيهم؟؟؟

فيه مننا اللي ربنا هيطًلع عليه في رمضان من فوق سبع سماوات ويلاقيه على طاعة فيقرّبه ويزيده هدى، وده يا سعده يا هناه!

وفيه اللي ربنا هيطلع عليه فيراه قدام مسلسلات تمتلىء بالأجساد العارية والمنكرات فيبعده، وده يا ويله ويا حسرته ويا حر مانه!!





يا حسرة على المحرومين إلا يا حسرة قلبي على اللي قاعد وقت النزول الإلهى في الثلث الاخير من الليل قدام مسلسل!

يا حسرة قلبي على اللي بتضيع الفروض والتراويح علشان ملسلسل!!

يا حسرة قلبي على اللي بيفرط في رود القرآن علشان مسلسل!!

يا حسرة قلبي على اللي هتخرج من رمضان رصيدها ٢٠ مسلسل و٥٠ فيلم أجنبي و٦٠ برنامج استعراضي!!

المسلسلات في رمضان جامدة وحلوة، ولكن أقل متعة في الجنة أحلى مليار مرة (١١ هتصبر وتجاهد نفسك ولا لأ؟؟

قال النبي صَلَّاللَّهُ عَلَيْهُ وَسَلَّمَ: «كل الناس يغدو فبائع نفسه فمعتفها أو موبقها» (( فاختر لنفسك: النجاة أو الهلاك؟؟!

اتعب هنا يا حبيب قلبي علشان ترتاح هناك...واحرمى نفسك يا أختي هنا من متع حرام تافهه... هتتلاقي نفسك مش ملاحقة على المتع اللي متحلميش بيها بعد شوية..

هـوشهـر بنستناه مـن السنة للسنـة عشان نغسـل روحنا، متدوش فرصة لفجورهم يضيع عليكوا فرصة عظيمة زى دى!





يا شباب.. هختم النقطة دي بقول الله تعالى في الحديث القدسى:

«ياعبادي إنما هي أعمالكم أحصيها عليكم وأوفيكم إياها؛ فمن وجد خير فليحمد الله ومن وجد غير ذلك فلا يلومن إلا نفسه» رواه مسلم.



وكام شاشه بتتزوق وتتمنظر..... وكام حلقة بتتجهز وتتحضر ..... وده کله عشیان رمضیان عشان تتسلی یا صیابه..... ومانتش للصلاة قايم..... وتنسبى الدكر والقرآن عشان يلهوك عن الجنة..... لا تعمل فرض ولا سينة..... وتفضيل يا ابنى في التوهان تكون ليلك مع نهارك..... مدمّر حيل أفكارك..... دماغك في الهوا سيرحان عشان تبعد عن الطاعة..... ده رمضان کله کام ساعة..... تضييعهم تكون ندمان تضيع فرصة جبارة..... متتفوتش بحدارة.... وتبقى سبيادتك الخسيران ما تیجی نصلی یا باشها.....



وننسب النت والشياشية......
ونسب عي لجنة الرحمن
ما تيجي نبقى رجالة......
ما نسبتسلمش لحثالة......
ونحجز كرسبي في الريان
ما تيجي نشد ياللا الحيل....
ونهرب م العذاب والويل.....









## بين الشوطين الشوطين

جرى نظام مبارايات الكورة على إنها تتلعب على مدار شوطين، بين الشوطين بيبقى فيه وقت صغير، بيسموه استراحة ما بين الشوطين، والوقت ده أهميته الكبيرة مش بتبقى في الراحة وبس، على قد ما هي بتبقى في إن المدرب واللعيبة بيقعدوا ما بعض ويراجعوا الخطة ويشوفوا الأخطاء اللي حصلت في الشوط الأول ويحاولوا يتلافوها، ودي حاجة خطيرة ومهمة جدا وبتفرق في نتايج المباريات. بنلاقي فريق مهزوم بنتيجة تقيلة جدا في الشوط الاول ولكنه بعد ما وقف بين الشوطين وراجع نفسه وعرف أخطاءه ووضع الخطط اللازمة، نزل الشوط التاني وعوض النتيجة وأصبح هو الفايز...

وي رمضان يا شباب لاااااااااالد من وقفة محاسبة كل فترة.. بل وقفات محاسبة.. بل لو عرفت تحاسب نفسك كل يوم حاسبها.. علشان متخرجش من رمضان زي ما دخلت.. لأن المحاسبة دي هي اللي بتفوّقك وتعرفك إنت ماشي صح ولا غلط.. قال العلماء: «المحاسبة أثناء العمل أصل من أصول





النجاة في الآخرة، وسبيل إلى تحقيق الآمال بتحسين الأعمال، ورد النفس عن الميل أو النقص أو عن سوء القصد، ولتجديد العزم، ورفع الهمة، وتصحيح النية».

لومحاسبتش نفسك هتلاقيك عمال بتنحدر وإنت مش حاسب، هتلاقيك سواء عملت أو معملتش مش فارقة معاك المهود و ده للأسف ده طريق الهلاك.. كما يقول الإمام ابن القيم وحمد الله المحاسبة والاسترسال، وتسهيل الأمور وتمشيتها، فإن هذا يؤول به إلى الهلاك، وهذه حال أهل الغرور: يغمض عينيه عن العواقب، ويمشي الحال، ويتكل على العفو، فيهمل محاسبة نفسه والنظر في العاقبة، وإذا فعل ذلك سهل عليه مواقعة الذُّنوب، وأنسَ بها، وعسر عليه فطامها».

تفتكر كام دقيقة ضاعت منك في أول يوم في رمضان؟ حااااسب نفسك ... عشان بكرة مش هتضيع ولا دقيقة إن شاء الله

كل يـوم بيعدي عليك من رمضان تقف مـع نفسك وتقولها: STOP، وتسألها انهاردة كام رمضان؟؟ طيب حققت ايه الأيام اللـي فاتت؟؟؟ إيـه اللي إنت نفسك تعمله ولسـه ما عملتهوش.. طيب هتعمله امتـى؟ قبل ما تنام في نهاية كل يـوم لازم تسأل





نفسك إيه اللي حققته من الجدول اليومي اللي إنت عامله لنفسك وعايز تحققه؟؟ وايه الجديد اللي عايز تحققه؟

قال الفضيل بن عياض: «من حاسب نفسه قبل أن يُحاسب، خَفَّ في القيامة حسابه، وحضر عن السؤال جوابه، وحسن مُنقلبه ومأبه، ومن لم يُحاسب نفسه دامت حسراته، وطالت في عرصات القيامة وقفاته، وقادته إلى الخزي والمقت سيئاته، وأكيس الناس من دان نفسه وحاسبها وعاتبها وعمل لما بعد الموت، واشتغل بعيوبه وإصلاحها».

سلاميمون بن مهران: «لايكون العبد من المتقين حتى المتقين حتى يحاسب نفسه أشد من محاسبة الشريك لشريكه».

حاسب نفسك.. حالك إيه مع رمضان؟؟؟ حسيت بروحانيات رمضان؟! رمضان غيّر حاجة في حياتك ولا نسه؟؟ هل إللي فات دا كله قضيته في الطاعة ولا قصّرت؟؟ هل ليلك كان للصلاة ولا للسهر اللي ملوش لازمة؟؟ هل نهارك كان لقراءة القرآن والذكر والدعاء وأمور حياتك المباحة ولا للنوم وتضييع الوقت؟

طیب استفدت إیه من صیامك وقیامك؟ هل كان حظك من صیامك الجوع والعطش بس؟ یا تری هل إرادتك قویت بالصیام فتركت معاصی كنت بتعملها قبل رمضان من تدخین أو نظرة





إلى مسلسلات وأفلام أو سماع أغاني أو أي شيء مما حرم الله؟ هل أخلافك اتحسنت بالصيام؟؟ يا ترى هل رقّ قلبك بعد قسوته..؟ هل دمعت عينك بعد جمودها؟

حال قلبك إيه دلوقتي مع القرآن؟ بتقرأه بخشوع؟ بتتدبر آياته؟ بتقرأ في تفسيرها؟ حالك إيه مع القيام والسنن الرواتب؟ محافظ عليهم؟ حريص على إن مفيش سُنَّة منهم تفوتك؟ حريص على إن مفيش سُنَّة منهم الإيمانًا حريص على إذك تكون من اللي هيقيموا رمضان إيمانًا واحتسابًا؟ حالك إيه مع الأذكار؟ حريص على أذكار الصباح والمساء وأذكار بعد الصلوات؟

انت فييييييين من كل ده؟؟؟ يا ترى انت من الفايزين اللي ربنا تقبل عملهم؟؟ ولا والعياذ بالله من المطرودين المخزولين؟

اقعد مع نفسك وحاسبها واعرف مشكلتها.. ایه اللي مخلیها مكلبشـة في الدنیـا كده رغـم ان حیاتها مش فیهـا ولا سعادتها فیهـا؟؟! یاتری حتفضل قاعد كده لحـد امتی متعملش حاجة؟؟ مستنی ایبیییییییه؟؟؟؟

يا ترى حسيت بشاير العتق من النار؟؟؟ هل قلبك شمّ ريحة الجنة ونسيمها؟؟ ولا لسه قلوبنا مزكومة بالمعاصي وطبقات الصدا اللي عليها؟ أبواب الجنة ال ٨ بتوعها مفتوحين ولسه ما





شمتش ريحتها؟ يا ترى إيه الحاجز اللى بينك وبين الجنة؟؟؟ فيه مننا اللى بينه وبين الجنة بنت، وفيه اللى بينه وبين الجنة شهوة مش قادر يسيبها.. يا ترى لو بينك وبين الجنه جبل هتعديه ولا لا؟؟ عندك عزيمة إنك تعديه ولا لا؟؟

الفتور أمر وارد وممن يحصل لأي إنسان.. ولكن احذر أن فتورك يكون في وقت الأرباح وزمن السباق... ا

ك قال ابن الجوزي رَحَهُ الله : «الليالي والأيام الفاضلة لا يصلح للمُريد أن يغفل عنهن، لأنه إذا غفل التاجر عن موسم الربح فمتى يربح ؟؟؟».

فالشهر قصير لا يحتمل التقصير.. وقدومه عبور لا يقبل الفتور.. فالهمّة الهمّة.. وحداري أن ينقضي رمضان قبل أن يُغفر لك.. وتذكر دائما إنها اياما معدودات..!

حاسب نفسك.. ولو لسه حالك زي ماهو.. لازم تعرف إيه السبب؟ هل سوء تخطيط؟ هل ضعف عزيمة؟؟؟

لازم تعرف إيه اللي مانعك؟ شوف إيه اللي معطلك ولاهيك ومخليك لسه مش حاسس بالشهر ومش قادر تنطلق.. وابعد عنه وتجنبه.. الحق نفسك..





رمضان بيجري... رمضان بيطير.. رمضان بيعدي زي لمح البصر.. وهنبص نلاقي نفسنا مرة واحدة بقينا داخلين على نص الشهر وشوية وداخلين على العشر الأواخر وبعدهم يبقى خلاص انتهى رمضان إلى ما تسيبهوش يسبقك.. اعتبر إن كل يوم بيعدي عليك هو آخر يوم في الشهر وقدامك خلاص آخر فرصة علشان تلحق فيها نفسك علشان ده يبقى أكبر حافز لك إنك تحتهد في يومك وتبطل غفلة وتقصير وكسل..!

رمضان يمر بأقصى سرعة، فخذ أقصي ما تستطيع منه من الثواب.. ولو لقيت نفسك متكاسل عن العبادات وإنها تقيلة عليك، ارفع إيدك واستغيث بربك وقول: «اللهم لا تجعلنى شقيًّا ولا محرومًا»..

يا شباب.. فيه ناس بتكون مركزة وعينها على الهدف وماضيعتش لحظة.. من أول يوم شغالة ومنطلقة على أقصى سرعة.. وأنا عايز أقولك إن بفضل ربنا وكرمه ممكن تلحقهم، اوعى تيأس الأربنا كريم وفضله عظيم، وعلى قدر إخلاصك وهمّتك في اللحاق بطريق السابقين واستغلال الشهر، ربنا هيعينك ويوفقك، قال ابن القيم وَمَدُاللَّهُ: «وعلى قدر نيّة العبد وهمّته ومُراده ورغبته في ذلك يكون توفيقه سُبْحَانَهُ وَتَعَالَ وإعانته».



لسه الفرصة قدامكم.. إوعوا حد ييأس يا شباب لأن السباق لسه مخلصش! ربنا لم يجعل رمضان يوم واحد، ربنا جعله شهر كامل علشان اللي ملحقش انهارده يلحق نفسه بسرعة ويُدرك اليوم اللي بعده لحد آخر لحظة في الشهر المبارك!

لسه قدامك فرصة لوقصّرت في اللي فات، اصحى وفوق واجتهد وإوعى تضيع اللي جاي.. لعل الأيام اللي جاية دي يغيروا حياتك.. وكُن على يقين إنك لو اجتهدت بجد وجددت نيتك لله إنك ندمان على اللي فات وهتبدأ تُقبِل على الله هتلاقي الخير كله... الحق نفسك لعلها تكون آخر فرصة ليك! اعتبرها آخر فرصة لإنقاذ ما يمكن إنقاذه!

مش مشكلة ابتديت بطىء.. مش مشكلة إنك كنت بتقوم وتقع.. استغفر وتب إلى الله واستدرك وإلحق اللي باقي من الشهر لعلك تدرك ليلة القدر وربنا يغفرلك ويتقبل منك.. ادعي ربنا إنه يبلغك إياها ويتم عليك الشهر.. متضيعش وقتك في الندم والحزن على اللي فاتك..خلّي ندمك وأسفك يكونوا دافع ليك على إصلاح نفسك ورفع همّتها علشان تلحق اللي سبقوك إلى الله.. إنسى كل اللي فات وابدأ صفحة جديدة من دلوقتي

154

حالا.. المهم إنك تكون «بطل» وتنهي رمضان بأحسن صورة وترى الله من نفسك خيرًا في «الجولة الأخيرة»..

سَ يقول ابن الجوزي رَحْمَهُ اللهُ: «إن الخيّل إذا شارفت على نهاية المضمار بذلت قُصارى جُهدها لتفوز بالسباق. فلا تكُن الخيّل أفطن منك فإنما الأعمال بالخواتيم. فإنك إذا لم تُحسن الاستقبال لعلك تُحسن الوداع الله..

لسة قدامك وقت.. يالا بسرعة.. اللي مابدأش يبدأ.. لسه في رمضان بقية... إن أحسنت فرد.. وأن ابتعدت فعد.. وخلّي دايمًا قصاد عينك إن «العبرة بالخواتيم» كما يقول شيخ الاسلام ابن تيمية: «العبرة بكمال النهايات لا بنقص البدايات».

عايزين نجتهد يا شباب.. عايزين نتعب لله شوية.. عايزين إرادة من فولاذ.. عايزين همّة فوق السحاب..

عايزين نجتهد في كل لحظة فيما بقي من رمضان فلا ندري متى نُدرك رحمة الله..

ك يقول الحسن البصري رَحَهُ اللهُ: «أحسن فيما بقي يُغفر لك ما مضى فاغتنم ما بقي فلا تدري متى تدرك رحمة الله، ربما تكون في آخر ساعة من رمضان».





رسالـة أخيرة ياريـت نتأملها: «أيـا أيها المقبـول هنيئًا لك بثوابـه، وبشـراك إن أمّنـك ربك مـن عقابه، طوبـى لك حيث استخلصـك لبابه، وفخـرًا لك حيث شغلـك بكتابه، فاجتهد في بقيـة شهرك هذا قبل ذهابـه، فرُبّ مُؤمل لقاء مثلـه ما قُدِّر له ولا اتفق.

ويا أيها المطرود في شهر السعادة، خيبة لك إذا سَبَقك السادة، ونجا المجتهدون وأنت أسير الوسادة، وانسلخ عنك هذا الشهر وما انسلخت عن قبيح العادة، فأين تلهُفك على الفوات وأين الحرق ١٤».

يا غافلًا وليالي الصوم قد ذهبت

زادت خطاياك قف بالباب وابكيها

واغنم بقية هذا الشهر تحظ بما

غرسته من ثمار الخير تجنيها

وتب لعلك تحظى بالقبول عسى

أن تبلغ النفس بالتقوى أمانيها

وقل إلهى أنا العبد الذليل وقد

أتيت أرجو أجورًا فاز راجيها

فلاتكلني إلى علمي ولاعملي

واغضر ذنوبى فإنى غارقٌ فيها







يعني إيه؟؟ يعني مش كفاية إني أهاجم وأجيب اجوان، لازم يكون عندي خط دفاع قوي وصلب، لازم أقفل الملعب كويس أوي علشان ميدخلش فيا اجوان ويبقى ولا كأني عملت أي حاجة ((ا

والـ «كاتيناتشو» مصطلح بيشير إلى أقوى تكتيك دفاعي، تكتيك الدفاع المغلق تمامًا في وجه الخصم، وهو أسلوب شاع في كرة القدم الإيطالية لسنوات طويلة، بيعتمد على خط دفاعي مكون من ٥ مدافعين، ٤ مدافعين بيلعبوا بأسلوب الرقابة اللصيقة مع لاعبي الفريق الخصم، بالإضافة للاعب خامس واقف ليبرو ورا المدافعين! حائط دفاع مُحكم جدًّ!!!





وكلمة كاتيناتشو بالإيطالي بالترجمة الحرفية تعني «قفل الباب»..

والطريقة دي بيستخدمها المدربين حاليًا لما حد يقابل منافس خطير وقوي جدًّا.. بيقوم بقفل جميع الثغرات ويضيق على المنافس كل منفذ ممكن يعمل منه أي هجمة ((ا

واحنا كمان لازم نستخدم الد «كاتيناتشو» علشان نحافظ على شباكنا نضيفة من أي معصية بإذن الله. لازم نقفل كل أبواب المعصية قدام الخصم. لازم نسد أي ثغرة ممكن يتسلل منها الشيطان ويستغلها في الهجوم علينا..

محدش يسيب كل الأبواب مفتوحة وراه ويرجع يقول أنا ليه وقعت في المعصية ((\)

محدش يتوب ويسيب وراه ثغرات ويرجع يقول أنا ليه انتكست (۱۱ إنت اللي بتعمل كده في نفسك..

احترم لحظات ضعفك.. إنت مهما كنت ومهما بلغت من الإيمان والتقوى فإنت في الآخر إنسان ضعيف ومُعرّض للفتنة في أي وقت وأي زمان وأي مكان ( المفيش فينا حد كبير على الفتنة مهما كان..





لحد امتى هتفضل سايب باب مفتوح بينك وبين المعصية؟؟؟

يا حبيب قلبي لازم تقفل كل الأبواب.. يا أختي لازم تسدي كل الثغرات.. لازم نحرس جميع المنافذ..

لأنك في لحظة ضعف هتلاقي نفسك رجعت للمعصية بكل سهولة طول ما هي قريبة منك!!

متعرضش نفسك للمكان والموقف والحاجة اللى إنت عارف إنك بتضعف بسببها وتقول أنا هقاوم!!

محدش فينا ضامن نفسه.. ليه مُصمّمين نصعّب على نفسنا الامتحان..

ليه حاطط نفسك في وسط كل أسباب المعصية ولسه سايب كل اللى بيساعدك عليها وفي الآخر ترجع تشتكي إنك مش عارف تتوب!

ناس كتير مننا بتتوب من ذنوب كتير هي بتعملها.. بس للأسف سايبة وراها شوية خيوط ممكن تشدها وترجعها تاني للمعصية في أي وقت..!!



اقطع عرق وسيّح دم.. إقطعي كل صلة بينك وبين أي معصية..

إقفل كل طريق ممكن الشيطان يدخلك منه ويشدك ويجرّ رجليك ويرجعك من تاني..

دافع بكل قوة وكل صلابة وكل استماتة عن قلبك وتوبتك وحسناتك..

خليك فاكر إنك لازم تقفل الباب بالقفل..! لأنك لوسبته مفتوح ولو (سم) واحد؛ الشيطان مش هيسيبك، وهترجع تقول ياريتني..!!

شباب وبنات ربنا أكرمهم بفضله وعرف وا ان العلاقة بين الولد والبنت في الجامعه وعلى الشات والموبايل حرام وبفضل الله سابوا بعض وخلاص مش بيتاقبلوا ولا بيكلموا بعض وأنهوا علاقتهم لأنهم عايزين يرضوا ربنا..

طيب ليه بقى لسه الايميل بتاعها عندك ومحذفتوش؟؟؟ ليه لسه ضايفها على الفيس؟؟

وإنتي يا أختي ليه لسه رقم موبايله عندك ومحذفتيهوش؟؟ ليه كل شوية تدخلي على بروفايله وعايزة تعرفي أخباره؟؟!!





ليه يا أخي لسه الرسايل بتاعتها عندك على الموبايل وكل شوية تقعد تفتتحها وتقلب عليك المواجع؟؟؟

ليه يا أختي لسه الوردة اللي كان جايبهالك في الفلانتين محتفظة بيها عندك في الأجندة؟؟؟

ليه يا أخي لسه الهدية اللي كانت جايبهالك في يوم ميلادك حاططها على المكتب عندك وكل شوية تبصلها وترجع الذكر بات؟؟؟

ليه يا أختي عمّالة تقرأي روايات الحب والرومانسية وتسمعي أغانى الفراق وتقعدى تبكى؟؟!!!

لييييييييه يا جماعة؟؟ مش إحنا خلاص بعدنا وضحّينا وقولنا كله علشانك يارب..مش هنعصيك ولا هنغضبك تاني يارب..

ليه سايب كل الحاجات دي اللي ممكن ترجعك تاني في أي لحظة؟؟

اقفل كل أبواب المعصية.. حاصر وراقب كل طريق ممكن الشيطان يدخلُّك منه ويرجعك من تاني..





ليه يا أخي بعد ما ربنا تاب عليك وبطلت تدخل على المواقع المقذرة إياها..ليه لسه محطيتش برنامج مانع للمواقع دي على الجهاز أو الموبايل؟؟ ليه سايب قنوات الكليبات والرقص والأفلام على الريسيفر؟؟! ليه قاعد تتفرج على صور البنات على الفيس وتقول دي صور عادية؟؟!! ليه تنزل الجامعة وإنت معندكش محاضرات ولا سكاشن وترجع تقول مش عارف أغض بصرى؟؟!! ليه تعرض نفسك للفتنة؟؟؟

اقفل كل أبواب المعصية.. حاصر وراقب كل طريق ممكن الشيطان يدخلُّك منه ويرجعك من تاني..

ليه يا أخي بعد ما بفضل ربنا وحده خرجت من مستنقع المخدرات العفن، ليه سايب شرايط الكيميا عندك في الدرج؟؟ ليه ليه راجع تقعد على القهوة اللي كنت بتشرب فيها تاني؟؟؟ ليه رايح تسهر مع أصحابك وهما مجمعين الشلة علشان يشربوا؟؟ ليه سايب تليفونات الديلرز عندك؟؟؟ ده إنت ما صدقت عرفت تنفد بجلدك.. ليه تفتح على نفسك أبواب جهنم من تاني؟؟!!!

يلا يا شباب ويا بنات ياللي عايزين ترضوا ربنا.. ياللي عايزين ترضوا ربنا.. ياللي عايزين مترجعوش تاني لحياة الضنك والهم والغمّ.. ياللي عايزين تعيشوا أحلى حياة بجد.. ياللا نأمّن خطوط دفاعاتنا..





نعمل حائظ دفاعي حديدي، ونسد كل الثغرات ونقفل كل الأبواب والمنافذ ونراقب كل الطرق رقابة لصيقة ونتعب ونستحمل شوية علشان في النهاية نكون على منصة التتويج بإذن الله..







# هجمة مرتدة



الهجمة المرتدة هي عبارة عن هجمة للخصم، ولكن بتنقلب الهجمة دي وترتد على الخصم وبتكون فرصة التهديف فيها عالية جدًّا...!

وإحنا يا شباب هنتبع الأسلوب ده في كل هجمة هيحاول الشيطان يعملها ضدنا.. في كل مرة هيحاول الشيطان يوقعك في معصية أو يوسوسلك حتى بمعصية.. تقوم تقلب الطاولة عليه وتاخد إنت زمام المبادرة وترد الهجمة بهجمة خطيرة تنتهي بإحراز هدف وهزيمة الشيطان بإذن الله..

يعني لوضيعت صلاة الفجر مثلا، تقوم تقرأ ٣ أجزاء قرآن..

لو اغتبتی حد مثلًا تقومی تستغفری ۱۰۰۰ مرة..

لو نظرت لمقطع حرام تقوم تطلّع ٥٠ جنيه صدقة..

الميزة في الهجمة المرتدة هي: أولًا: إنك مش بتعاقب نفسك ولا حاجة ؛ بالعكس.. ده إنت بتعمل حاجة كويسة جدًا وبتعمل خير له ثواب كبير في موازين حسناتك بإذن الله ...





ثانيًا: إن ده يندرج تحت باب «وأتبع السيئة الحسنة تمحها»، فيكون سبب في محو السيئة اللي وقعت فيها..

ثالثًا: وعن تجربة من ناس كتيييير جدًا... هتلاقي نفسك مثلًا بتدفع فلوس مرة.. والمرة اللي بعدها وإنت رايح تعمل المعصية نفسك مش هطاوعك وهتلاقي في حاجة قوية بتبعدك عنها ...

رابعًا: إنك هتخذل الشيطان وهتخلّيه يندم على اللحظة اللي فكّر فيها إنه يهجم عليك ويقول ياريتنى انسحبت من الأول!

ك كان سفيان الثوري رَمْهُ الله يقول: «لئِنْ غلبني الشيطان بالأمس؛ لأقصمنَّ ظَهرَهُ اليوم بتوبتي وحُسن عبادتي».









وده عبارة عن هدف اللي بيسجّله في أي وقت بيفوز وتنتهي المباراة حتى لو لسه الوقت منتهاش!

وعلشان كده بيسموه «الهدف الذهبي» يعني هدف فعلًا من دهب!!!

وفي ناس بتسميه «الهدف القاتل» يعني الضربة القاضية اللي بتخليك تفوز في لحظتها!!

والهدف الذهبي عندنا في رمضان واللي كلنا بنسعى لتسجيله هو «ليلة القدر».

عارف يعني إيه ليلة القدر!! يعني زي ما ربنا قال عنها «ليلة القدر خير من ألف شهر».. يعني دي مش = ١٠٠٠ شهر، لأ.. ده ربنا قال خير من الف شهر، يعني ثواب الأعمال الصالحة في تلك الليلة خير من العمل المتواصل لمدة ٨٣ سنة.. يعني أكتر وأفضل بكتييييير..!!





يعني ليلة واحدة في رمضان أطول من عمرك كله (ا وخد بالك ان عمرك كله قصير يعني لوعمرك ٢٠ سنة منهم ٢٠ سنة نوم و١٥ قبل البلوغ و١٠ اتصالات وشيل المواصلات هتلاقي اللي اتبقى لك ١٠ سنين، ده لو انت مجتهد اجتهاد شديد في العبادة. فربنا اعطاك ليلة واحدة في رمضان ب٨٣ سنة عبادة يعني مفيش فيها لا نوم ولا لعب ولا غيره (

مين فينا يضمن إنه يعيش ٨٣ سنة أو أكثر؟؟ ولوحد وصل عمره لـ ٨٣ منية) في العبادة والطاعة؟؟ سبحان الله أجر ليلة واحدة، أجر اجتهاد وعبادة كام ساعة بس، خير من ٨٣ سنة كاملة.. فرصة خيالية..

و حتى لو افترضنا إنها تساوي ١٠٠٠ شهر، يبقى عبادة ليلة القدر = ٨٣ سنة عبادة اليعني الصلاة فيها = ٨٣ سنة صلاة، القرآن فيها = ٨٣ سنة قيام القرآن فيها = ٨٣ سنة قيام المرائد فيها عبد المنة فيام المرائد فيها عبد المنة في المرائد فيها عبد المنة في المرائد في

ده إيه ده كله؟!! ده بجد؟؟!! معقول؟؟!!يا رب لك الحمد الذي لا ينتهي على فضلك وكرمك علينا!!

ربنا يبلغنا ليلة القدر ويجبر تقصيرنا وتفريطنا..





ولوحسبنا إن عبادة ليلة القدر = ٨٣ سنة عبادة !! يبقى الساعة الواحدة في ليلة القدر = ٨ سنين عبادة .. والدقيقة الواحدة في ليلة القدر = ٥٠ يوم عبادة !

يعني ليلة القدر بتتحسب الثانية والدقيقة ((إ يعني المفروض متضيّعش فيها أي لحظة غير في عبادة (( يعني مفيش وقت للكلام والجدال والكورة والنت وغيره ((((

الإطلاق هي ليالي العشر الأخيرة من رمضان لوجود ليلة القدر فيها، وعلشان الفضل والثواب الخيالي العظيم ده، النبي القدر فيها، وعلشان الفضل والثواب الخيالي العظيم ده، النبي صَلَّتَهُ عَيْدُوسَمِّ كان بيعتكف العشر الاواخر ويستعد لهم استعدادًا خاصًا ويجتهد فيهم في العبادة علشان يُدرك ليلة القدر وينال أجرها، زي ما السيدة عائشة أخبرت: «كان النبي صَلَّتُهُ عَيْدُوسَمُّ العشر ما لا يجتهد في غيره» رواه مسلم. وقالت أيضًا: يجتهد في العشر ما لا يجتهد في غيره» رواه مسلم. وقالت أيضًا: وأيق ظ أهله متفق عليه وشد المتزر كناية عن الاجتهاد في العبادة واعتزال النساء .. يعني النبي صَلَّتُهُ عَيْدُوسَمُّ مكنش بينام العبادة واعتزال النساء .. يعني النبي صَلَّتُهُ عَيْدُوسَمُّ مكنش بينام في ليالي العشر الأواخر!!!





يعني ابتداء من ليلة ٢١ رمضان، لو عرفت تاخد أجازة وتعتكف يبقى خير وفضل ونعمة من ربنا، لومعرفتش يبقى تحاول بقدر ما تستطيع تعتكف في المسجد كل ليلة من بعد التراويح لحد الفجر..

أما بقى الناس اللي بتضيع العشر الأواخر في الكحك والبسكوت ولبس العيد ومتدخلش المسجد غير ليلة ٢٧ هنقولهم:

أُولًا: ده لم يكن فعل النبي صَّأَلَّتُ عَلَيْهِ وَسَالًا زي ما ذكرنا، بل كان النبي بيجتهد في كل ليالى العشر الأواخر من رمضان..

ثانيًا: مفيش أي دليل شرعي ثابث صحيح عن النبي مَلَّ اللهُ عَلَيْهُ وَلا أحد من الصحابة ولا سلف الأمّة يُجزم إن ليلة القدر ليلة ٢٧ رمضان.. كل اللي موجود اجتهادات من بعض العلماء.. والأفضل طبعًا إنك متسخّرش طاقتك ومجهودك ووقتك في الانشغال بليلة القدر هتكون يوم كام، بل سخّر جهدك وطاقت في في إنك تشتغل ال ١٠ ليالي دول وكأنهم أخر ١٠ ليالي ليك في الدنيا، وليلة القدر تطلع زي ما تطلع، أكيد بفضل الله هتدركها وهتنال أجرها ومستحيل ربنا هيضيع تعبك لو صدقت لأنه الكريم الودود سُبْحَانُهُ وَعَالَى..





النبي صَّالَتُهُ عَلَيْهِ قَالَ: «من قام ليلة القدر إيمانًا واحتسابًا غفر له ماتقدم من ذنبه»، إيمانًا: يعني تصديقًا بأنها ليلة عظيمة وتوقن في نفسك أن الله عظّمها هذا التعظيم له يجلب لك المغفره.. واحتسابًا: يعني تستشعر التعب والجهد فيها وتحتسب أجره عند الله.... ومش شرط تقوم الليلة كلها في الصلاة!.. النبي صَّالِتُهُ عَبْدُوسَمَّ كان يقوم الليل بالقرآن والذكر والتدبر والدعاء..نوع زي ما بنقول دايما علشان متملس وتستفيد.. أوقات الليل خصصها... وقت لمدة ساعة تكون لقراءة القرآن وتدبّره.. وقت يكون فيه صلاة خاصة ركعتين تقف فيهم وإنت خاشع بين يدى الله.. وقت تستغفر فيه.. ومتسيبش الدعاء اللي وصّانا بيه حبيبنا النبي صَلَّتُهُ عَبْدُوسَمَّةً: «اللهم إنك عفو تحب العفو فاعفو عني»..

وخليك فاكر إن ليلة القدر هي ليلة واحدة في السنة كلها ومش هتتكرر تاني، مش هتتعاد تاني بعد رمضان!!!

يا ترى هتصبر ١٠ ليالي بس وتفوز بيها وبثوابها اللي محدش يحلم به؟؟ ولا هتطلع منها رصيدك صفر، وهتكون من الأشقياء المحرومين من كل شيء زي ما أخبر النبي صَّالَّلْهُ عَلَيْهُ وَسَلَّمُ: «هذا الشهر قد حضركم، وفيه ليلةٌ خيرٌ من ألف شهر، مَن حُرمها





فقد حُرم الخيرَ كله، ولا يُحرم خيرَها إلا محرومٌ».. لك حرية الاختيار.. وانت سيد قرارك!!









في عالم الكرة، بعد نهاية كل مباراة، بيعملوا مسابقة واستفتاء على مين هو أحسن واحد أداءًا في المباراة؟؟

وبيبقى له جايزة معينة، غير طبعًا إن ده بيبقى له حافز كبير وتشجيع على إنه يستمر في أدائه الجميل بعد كده..

رمضان شهر مسابقة.. سباق إلى الله.. يا ترى يا شباب مين هيكون هو رجل رمضان؟؟

مين فينا هيكون أحسن واحد في رمضان؟؟

قال الحسن البصري: «إن الله جعل شهر رمضان مضمارًا لخلقه يستبقون فيه بطاعته إلى مرضاته، فسبق قوم ففازوا، وتخلف آخرون فخابوا، فالعجب من اللاعب الضاحك فاليوم الذي يفوز فيه المحسنون، ويخسر فيه المبطلون.. ثم بكى رَحَمُ اللهُ.

يا ترى مين أحسن واحد صلى فينا؟ مين أفضل واحد قلبه خشع في التراويح؟ مين أكتر واحد هينفق ويخرج صدقات؟



مين أسرع واحد فينا في أعمال البر والخير ونفع الناس؟؟؟ مين أكتر واحد فينا هيثبت ويكمل بعد العيد؟؟؟

إحنا فيه ما بيننا مسابقة مين أحسن واحد فينا.. إحنا في سباق يا جماعة.. والسباق سمّوه تنافس، الأن المتسابق بيقطع نفسته علشان يفوز في السباق، ويصل إلى الهدف قبل أي حد!

یا تری مین فینا یا شباب اللی هیجیب آخره علشان یصل الله ۱۹۶۶

يا ترى مين فينا اللي هيكون هو السابق إلى الله..؟؟
يا ترى مين اللي هيضحي وهيترك شيء حرام هو بيحبه
لله؟؟ يا ترى مين هيصبر ويستحمل أكتر من أجل رضا الله؟؟

الصحابة لما عرفوا إنهم في سباق بقى كل واحد بيعمل أشياء غير متوقعة بالمرة علشان يكون هو رجل السباق الأول..

احنا عملنا إيه علشان نكون رجالة زيهم؟؟؟

كَ قَالُ الإمام ابن رجب رَحَمُ أَلَّهُ فِي كَتَابِهُ لَطَائِفَ المُعارِفِ: « فَأُسَّتَبِعُواْ ٱلْخَيْرَتِ »، فَهِموا أَنَّ السمِع القوم قول الله عَنَّهَا: ﴿ فَأُسَتَبِعُواْ ٱلْخَيْرَتِ »، فَهِموا أَنَّ المَارِد من ذلك أن يجتهد كلُّ واحد منهم أن يكونَ هو السابقَ لغيره إلى هذه الكرامة، والمسارِع إلى بلوغ هذه الدَّرَجة العالية،





ف كانَ أحدُهم إذا رأى من يعمل عملًا يعجِز عنه، خشي أن يكون صاحبُ ذلك العمل هو السابق له، فيحزن لفوات سبقه، فكان تنافسُهم في درجات الآخرة واستباقهم إليها، ثم جاء من بعدهم قومٌ فعكسوا الأمر، فصار تنافسهم في الدنيا الفانية الدنيئة، وحظوظها الفانية».

إحنا بقينا بنصحي من أحلاها نومة وفي عز البرد علشان مدرسة أو جامعة أو شغل أو مقابلة مع حد يهمنا وبنحبه! بنظبط ١٥ منبه وبنقوم مهما كان معاد نومنا.... إنما نقوم لصلاة الفجر!! نقوم نصلي ركعتين قيام!! نقوم نستغفر شوية ونت وب لربنا وقت السحر!! كل ده صعب علينا وبنقول لنفسنا الدين يسر ومش مستاهل كل ده!!

بقى كتير مننا بيصرف فلوس بدون حدية شراء أحدث الموبايلات وشحن باقات النت وأطقم الخروج والفسح والمصايف... إنما وقت ما نتصدق يبقى بملاليم وجنيهات بالعافية!! نكفل أسرة فقيرة ده صعب ومش معانا فلوس!!

طلبة الثانوية العامة بييجوا على نفسهم ومش بيناموا إلا قلي للا أن نص درجة في الثانوية العامة تغير مصيره كله!!! والكل بيتنافس علشان يجيب أعلى مجموع!!!!





بقينا نتنافس في كل شيء في الدنيا.. إنما الآخرة ولا على بالنا وربنا غفور رحيم!!

ونسينا إن ربنا هو اللي أمرنا بالتنافس للفوز بأعلى درجات النعيم في الجنة وقال: ﴿ وَفِ ذَلِكَ فَلْيَتَنَافُسِ ٱلْمُنَنَفِسُونَ ﴾ (المطفنين:٢٦)..!

نسينا إن المسابقة والجدية هي أصل في العبادة كما في كتاب الله وسنة رسوله كما قال تعالى: ﴿ وَسَارِعُوّا ﴾، وكما قال سبحانه: ﴿ سَابِقُوا ﴾، وفي الحديث: «سَبَق المُفَرِّدُون»، وعلشان كده كان كل واحد من الصالحين بيعتبر نفسه هو المخاطب بهذا الأمر، فكانوا بيتسابقوا في طاعة الله ومرضاته وكانت همتهم فيوق السحاب، ومكانوش بيفكروا إلا في معالي الأمور، ومما نقل عنهم من قولهم: «لو أن رجلًا بالمشرق سمع أن رجلًا بالمغرب أحب إلى الله منه فانصدع قلبه فمات حزنًا لم يكن عَجبًا».

إمتى هنبقى رجالة بجد؟ عايزين نقرأ كتير عن تنافس وبطولات وتضحيات وأفعال الصالحين من الصحابة والتابعين وحتى المعاصرين، عايزين نعيش معاهم بقلوبنا يمكن نبقى رجالة زيهم!!





إحدى البنات بتقول: «شوفت وعاشرت ناس كتير في سباق بجد... عاوزين يستغلوا فيه كل لحظة في عمرهم في ثواب وطاعة...

كنت مرة بكلم واحدة عن عمل جميل هي عملته.. وبقولها: أنا نفسي أقدر زيك أعمله لأني أعرف إنه فرض...قالتلي: على فكرة أنا معرفش هو فرض ولا سُنّه ولا شغلت بالي أصلًا... أنا عرفت إن ربنا بيحبه.. فعملته.. صراحة وجعتني الكلمة دي أووووووي.. بقى أنا تايهة بين الآراء ياترى ده فرض ولا سُنّة؟؟ وهي راحت من غير ما تحسب وقالتله عملته يارب...حبًّا لك يا رب.. يااااااااه.. أكيد مش ممكن هنتساوى عند ربنا..أكيد فيه فرق شاسع بيني وبينها في درجتنا عند ربنا..ربنا قال: ﴿ هُمُ مُرَجُتُ عِندَاسِةِ ﴾، يا ترى درجتك عند ربنا إيه؟».

رمضان يا شباب شهر جد وعمل، وعبادة ومنافسة في الطاعة، ومسابقة في الخير بكل صوره وأنواعه، عايزين نبقى من الصفوة اللي قال عنهم ابن الجوزي «من الصفوة أقوام من الصفوة الما مأند تيقظوا ما ناموا، ومُنذ سلكوا ما وقفوا، فهم في صعود وترق، كلما عبروا مقامًا إلى مقام، رأوا نقص ما كانوا فيه، فاستغفر وا»..

141

وأما اللي بضاعتهم الكسل والنوم والأكل وهمّتهم في الأرض، فالنبي صَلَّاللهُ عَلَيْهِ قَال عنهم: «ما زال قوم يتأخرون حتى يؤخرهم الله» رواه مسلم.

قال الشيخ ابن عثيمين رَحَهُ أَللَهُ: «يُخشى على الإنسان إذا عود نفسه التأخر في العبادة أن يُبتلى بأن يؤخره الله عَرَّبَالً في على الخير».

نسأل الله أن يجعلنا من السابقين إليه..







# الحريف



الحريف هو لاعب من طراز خاص.. لاعب أداءه مبهر.. لاعب ١٠/١٠. لاعب بيلعب زي ما الكتاب بيقول بل وأفضل..

الحريف لاعب سريع ومهاري.. وإنت في رمضان لازم تكون حريف وتعرف تراوغ خصمك ونفسك الأمارة بالسوء وتخترق كل دفاعاتهم اللي محاصراك وعايزاك تفضل متكتف ومكتئب ويائس، وتنطلق ومتخليش أي حد يوقفك عن الوصول للهدف.. إوعى تقف مهما حصل..

الحريف الاعب الساته خطيرة ومؤثرة جدًّا.. وإنت في رمضان الازم تكون حريف ويكون ليك أعمال مميزة ومؤثرة تكسب بها ثواب كبير وفي نفس الوقت تسيب بصمة في حياتك وفي حياة غيرك في رمضان وبعد رمضان.. زي كفالة أسرة يتيمة ولو بشنطة كل شهر.. أو صدقة جارية لها أثر.. أو مشروع دعوي في مدرستك أو كليتك أو المكان اللي إنت ساكن فيه.. وهكذا..

الحريف لاعب أداء مبيزيد يوم بعد يوم وكل مباراة الحريف العب أداء مبيزيد يوم بعد يوم وكل مباراة بيقدم مستوى أحسن من اللي قبلها.. وإنت في رمضان الازم





تكون حريف وكل يوم تكون أحسن من الي قبله وتزوّد في أعمالك ولـ وبمقدار صغير.. أهم حاجة تضيف شيء جديد لصحيفتك وتواظب عليه..

الحريف لاعب بيلعب بيمينه ماشي.. بشماله ماشي..بدماغه ماشي.. بيستغل كل امكانياته لتسجيل الاهداف..

وإنت في رمضان لازم تكون حريف وتستغل كل امكانياتك وجوارحك في القرب من الله.. لسانك لا يفتر عن الذكر والدعاء.. عينك لا تفتر عن النظر في المصحف.. دما غك لا تفتر عن النظر في المصحف.. دما غك لا تفتر عن التفكر في مخلوقات الله والتدبر في الكون.. قلبك مُتلهف لكل عمل يرضى الله..

الحريف لاعب بيعمل كل حاجة في الكورة باحتراف.. وإنت في رمضان لازم تكون حريف وتأدي كل واجباتك باحتراف.. وتعالى نشوف مع بعض بعض النصائح علشان نبقى محترفين في كل حاجة بنعملها في رمضان بإذن الله..





# أولًا: نصائح عامة

#### 1 استعد جسديًا للعبادة..

إذاي؟؟ يعني تخيل نفسك رايح معاد مهم تقابل فيه حد إنت بتحب ه جدًّا، تخيل إنت بتجهّز نفسك وبتتهيأ للمعاد ده إذاي؟؟ ولله المثل الأعلى، إنت في كل عبادة بتعملها بتناجي ربك وبتُقبِل عليه، فلازم تُعظّم الله وتعظم شعائر الله وتكون على أحسن حال، بإنك تحاول تكون على وضوء قبل أي عمل، ويكون عندك لبس نضيف ومكوي تلبسه حتى لوقاعد في البيت، والمكان اللي هتقعد فيه يكون نضيف ومرتب ومفيهوش مُلهيات، وترش مُعطر جو أو تتطيب.. جرّب الكلام ده وهتشوف أثره على قلبك، كما قال تعالى: ﴿ وَمَن يُعَظّمُ شُعَكمٍ لَاللّهِ فَإِنّها مِن تَقُوك الْقَالُوبِ ﴾..

# 2 استعد نفسيًا للعبادة...

يعني وإنت رايح تعمل أي عبادة تكون رايح لها بنفس، رايح لها باشتياق، رايح لها باحساس إنك محتاج للعبادة دي، إحساس واحد مريض وتعبان ودي جرعة الدوا اللي هتريحه، إحساس إنك رايح تستمتع مشررايح تعمل حاجة إنت مغصوب عليها، مش روتين! مش وقت بتحاول تعديه وخلاص!! مش كل





همّـك إن الحاجـة دي تنقضي وعايز تستريـح منها بأي طريقة ويبقى اسمك عملتها وخلاص!!

يعني مثلًا وإنت رايح تجيب المصحف علشان تقرأ وردك، تخيل وهيّا نفسك كأنك رايح تفتح أغلى هدية جاتلك في حياتك من أحب صديق لك، وتقوم تبص له كده وتبتسم وتضمه لصدرك وإنت فرحان، وتلاقيك أول ما بدأت تفتح المصحف قلبك اتفتح معاه هو كمان ووصدرك انشرح للقراءة وبدأت تستمتع من قبل ما تقرأ حتى أي آية.. وهكذا في كل العبادات وفي كل حياتك.. حاول تستمتع بكل حاجة بتعملها.. الموضوع ده هيخلي كل حاجة ليها طعم تانى خالص..

### 3 استعد قلبيًا للعبادة..

يعني مُهّد الطريق الأول وافتح أبواب قلبك عشان تعرف تدخل في جو العبادة من البداية.. مش على ما تقعد تحاول تحضر في قلبك تكون العبادة خلصت وإنت لسه بتقول يا هادي العني لازم تشغل موتور العربية الأول وتمشي شوية علشان يبدأ الموت وريسخن وبعدين تنطلق، وكذلك قلبك حاول تستحضره الأول بعبادة بسيطة وخفيفة علشان تعرف تدخل في جو عبادة تانية ويبقى إحساسك فيها عالى وقلبك خاشع ودماغك مركز





ومش مشتت وتنطلق بقى بفضل الله.. فمثلًا قبل صلاة الفريضة تكون في المسجد وتصلي تحية المسجد أو السنّة القبلية، قبل القيام تقعد تستغفر ١٠٠ مرة، قبل ما تقرأ القرآن ممكن تصلي ركعتين خفيفتين، تقول أذكار المساء بهدوء كده وبعدها تبدأ دعاء لحد المغرب.. وهكذا..

## 4 خلّيك فاهم مش حافظ..

حاول متكنش شخص تقليدي في علاقتك مع ربنا... يعني مثلاً لوربنا فتح عليك في عبادة معينة وكنت محدد لها وقت معين، متقومش بقى بسرعة بعد ما اتفتح لك.. كمّل وخد وقتك لحد ما قلبك يرتوى..

لـوربنا فتح عليـك في عبادة معينة ومكانتش في أولوياتك، إمسـك فيها وإبـدأ ركّز أوي عليها لعلها تكون هـي أرجى عمل عملته تلقى به الله يوم القيامة..

وكذلك لوبدأت متلاقيش قلبك حاضر في صلاة القيام مثلًا ممكن تبدّلها بفترة إستغفار متواصل لحد ما تلاقي قلبك.... لو بدأت تحسّ بسرحان في الختمة اللي إنت ماشي فيها إوقف الختمه وابدأ من أقرب سورة بتأثر في قلبك....لو بدأت تحسّ إن مفيش خشوع ورا الإمام اللي بتصلي وراه شوف غيره..... وقيس





على كده كل العبادات..... خليك فاهم مش حافظ.. اللاعب الحريف لو لقى جبهته مقفولة، بيعرف يغيّر مكانه في الملعب..

## 5 ابدأ بأي خطوة..

يعنى ساعات بيكون وراك شغل أو عندك حاجة عايز تعملها سواء عبادة أو أي حاجة في حياتك وعندك الوقت والجهد، ومع ذلك تبص تلاقى نفسك مش قادر، وفيه صوت من جواك عمال يقولك أجّلها لبكرة او مش مشكلة تعملها خالص مجتش عليها، وبتبقى حاسس إن فيه بينك وبيها حاجز كبيبييير أوى لازم تخطيه علشان تعمل الحاجة دي، وأنا بقولك إن الحاجز ده مجرد حاجز نفسي تافه ليس إلا، وعلشان تتغلب عليه بكل سهولة ما عليك إلا إنت تقوم بس من مكانك وتاخد خطوة أو نصى خطوة حتى في تنفيذ الشغل، حط رجلك بسى على السلم واطلع أول سلَّمة، وهتبص تلاقى نفسك بفضل الله بدأت تكمل بقية الشغل وأنجزته بكل سهولة ويسر.. يعنى لو عايز تقوم تصلي، قوم بس وشمر دراعك وبعدين خد خطوة لحد مكان ما بتتوضا، هتلاقي نفسك بفضل الله بدأت وضوء وخلصت وجبت السجادة وصليت ركعتين وأربعة وعشرة كمان...







إحنا في عصر التكنولوجيا الرهيبة، وتقريبًا مفيش حد مش معاه موبايل Smart Phone، الموبايل السمارت ده بقى ممكن يكون من أكبر نعم ربنا عليك في رمضان وفي حياتك كلها.. طبعًا تقدر تحمّل عليه القرآن بسهولة جدًّا وفي أي وقت تقدر تقرا وردك وتستغل كل وقت انتظار في المترو أو في الجامعة أو في أي مكان.. وكمان عندك برامج للتفسير وبرامج الأذكار والأدعية.. وأبليكيشنز إسلامية وبرامج مفيدة كتير جدًّا.. ده غير إنك ممكن تستخدم النت في معرفة التفسير أو قراءة في الفقه أو أي كتب دينية مفيدة أو الجروبات الهادفة على مواقع التواصل بأنواعها.. وعندك كمان الموبايل نفسه ممكن تحمل عليه كتب أو دروس أو قرآن وتسمع وإنت في المواصلات أو في الشغل وتستغل كل لحظة صح..

وعلى النقيض تمامًا.. ممكن يكون الموبايل ده أكبر نقمة في حياتك وسبب شقاءك في الدنيا والآخرة، وطبعًا ده عن طريق استخدامه في معصية الله وكلنا عارفين البلاوي السودا اللي ممكن يوصلها الإنسان عن طريق الموبايل..





اللي عايز أقوله إن في رمضان بالذات ممكن يبقى هو سبب ضياع رمضان منك، لأنه:

أولا: حرامي وقت مفيش زيه، يقدر يسرق منك عمرك كله وإنت ولا حاسس بالوقت (ا

ثانيًا: بيفسد عليك عباداتك كلها ويضيع روحها وأهم ما فيها اللي هو الخشوع والتركيز!

يعني تبقى قاعد تقرا قرآن.. وهوب نوتيفيكيشن! تقوم سايب القرآن وتروح تشوف إيه اللي حصل؟

تبقى قاعد تدعي ربنا.. وهوب رسالة!! تقوم سايب الدعاء وتقوم تشوف فيها إيه؟؟

تبقى بتصلّي وعامله فيبريشن في جيبك وعمّال يرن وإنت خرجت عن الصلاة خالص وعمال تفكر ياترى مين اللي بيرنّ ١٩٤٤

تبقى قاعد في الاعتكاف وعايز تعبد ربنا.. شوية وتلاقيك فتحت نت في المسجد وقضيت الاعتكاف على الفيس!!

# طيب تنصحنا بإيه؟؟؟ هقولك:

إما تقفل التليفون خالص وإنت بتعمل أي عبادة، أو تسيبه بره الأوضة وتقفل على نفسك وتبعد عنه خالص.. مفيش حل تانى!





واللي هيقول أنا مستني مكالمات مهمة، هقوله أعمل المكالمات الأول وبعدين اقفل الموبايل وروح أعبد ربنا، لأن طول ما الموبايل جنبك مش هتعرف تخشع في أي عبادة (((ا الكلام ده من واقع وتجربة سنبن والله ((())

### 7 مفيش وقت للنوم..

السرير الجميل، عارفه؟؟ هتقول هو أنا أعرف حد في الدنيا معرفة شخصية تفصيلية أكتر منه، ده صديقى الصدوق!!

ده اللي بيني وبينه قصة حب تتكتب في التاريخ.. هقولك: ابعد عنه وفر منه فرارك من الأسد!! إوعى تحاول تعبد ربنا وانت قاعد على السرير أو وإنت جنب السرير أو في أي مكان في ربع سرير حتى!! ليه يا عم الحاج؟؟ لأن طبعًا زي ما كلنا عارفين إن السرير له قوة جذب مغناطيسية لا يقاومها أشجع فارس مغوار!!! فكلها خمس دقايق، عشر دقايق بالكتير أوي وهتلاقي نفسك في العالم الآخر!!! ومتجيش مثلًا بعد الفطار تقول همدد بس دقيقتين على السرير افرد رجلي علشان أعرف أصلي التراويح، هتلاقيك بعد الدقيقتين صاحي على أذان الفجر!!!

141

أما اللي بيقول بقى أنا هذاكر على السرير، فده أكيد عايز يذاكر كتاب تفسير الرؤى والأحلام!!!! مذاكرة إيه اللي على السرير يا حبيب قلبي!! قوم وفوق وشد حيلك وصحصح كده!!!

ولو النوم كبس عليك جامد في أي وقت وإنت مثلًا قاعد بعد الفجر في جلسة الشروق أو وإنت بتذاكر او وإنت بتقرأ قرآن، قوم اتوضا أو اغسل وشك بشوية ميه باردة كل فترة، هتلاقي نفسك صحصحت بفضل الله، وحاول تغيّر وضعك، لو كنت قاعد قوم اتمشى شوية أو غيّر مكانك وانتقل لمكان تاني اقعد فيه.. وهكذا..

## 8 حذاري من التسويف والتأجيل..

التأجيل ده من لصوص الوقت اللي بيسرقوا منك كمية وقت هيييييبة! وياريتك في الوقت اللي إنت أجّلت فيه الشغل ده بتعمل حاجة.. بل بيضيع منك الوقت ده وغيره من الأوقات اللي كنت ممكن تعمل فيها الشيء اللي إنت عمّال تأجله.. بالإضافة إلى إن التأجيل هيزود الشغل عليك وتبص تلاقي الحاجات الصغيرة اللي بتأجلها تتراكم فوق بعضها وتبقى مش قادر نفسيًّا تبدأ تعمل أي حاجة منها!!!!





طيب الحل إيه: تبطل تأجيل وتبدأ تعمل الحاجات اللي وراك.. الموضوع بسيط جدًّا!

# 9 الخلوة نُزهة الروح..

إحنا قولنا قبل كده إن الصحبة الصالحة وروح الفريق والتعاون على الطاعة أمور مهمة جدًا، ولكن خد بالك واحترس من كثرة الاختلاط بالناس فيما لا يفيد لأن ده من اهم أسباب قسوة القلب، ولازم يكون لك وقت ولو ساعة ومكان تقعد فيه مع نفسك وبس، مفيش حد تاني معاكم، ودي بيسموها العزلة، تختلى بنفسك وتقعد كده تعمل كل اللي إنت عايزه على روقان، وعلشان كده بتلاقى تلاقى الكتاب المشهورين علشان يقدروا يركزوا ويكتبوا كتبهم ومقالتهم بينعزلوا عن العالم الخارجي تمامًا علشان يقدروا يفكروا بذهن صافي بعيد عن امور الحياة اللي ممكن تشغلهم ..... ويقفلوا موبايلتهم ويروحوا مكان بعيد وهادى ما فيهوش أي شيء يشتتهم عن هدفهم ... اللي هو الكتابة وبس...فكرة الانعزال دى فكرة ناجحة جدا لتحقيق هدف ما والوصول ليه بسرعة.

علشان كده طبق مبدأ الانعزال ده على قد ما تقدر في حياتك.. يعنى لوفي المذاكرة مثلًا ... اعزل نفسك عن كل





حاجـة... حتى لـو حتعزل نفسك في أوضتـك وتقفل على نفسك بالمفتـاح... انعـزال تامممم ما تفتحش غير علشـان حد بعتلك اكل وتـاكل جـوو اوضتـك وما تخرجش غير للحمـام... وطبعا الانعزال ده أساسـه انك تسيب الموبيل بتاعك بره الأوضة واكيد ان ما يكونش في الأوضة تليفزيون ولا كمبيوتر ولا لابتوب...

# 10 عينك على عينك..

يعني خلّي بالك دايمًا من عينك.. اللي بيشتكي من قسوة قلبه، اللي مش عارف يخشع في الصلاة، اللي مش عارف يبكي من خشية الله ( اللي مش عارف يتدبر القرآن ( اللي مش حاسس للذة الطاعة؟؟

كل ده سببه المعاصي اللي عمالة تتراكم على القلب ولكن أخطرها هو النظر للحرام!!

العين منفذ القلب ( العين مراية القلب ( العين

اللي بيتفرج على المواقع القدرة والأفلام الحقيرة وكليبات الرقص والفجور!

هقوله: يا أخي إنت مستحمل تعيش إزاي وقلبك فيه كل النجاسات دى؟؟؟! ده إنت محتاج عملية قلب مفتوح علشان





واللي بيستقل بالنظر للبنات في الجامعة والمذيعات والممثلات والجرايد وصور البنات في النت ويقولك دي حاجة عادية! هو إنت شايفني بتفرج على صور قلة أدب!!!

هقوله: يا أخي النظرة اللي بتسميها عادية دي هي سبب ضياً تَنْ عَلَيْهُ عَلَيْهُ وَسَلَّمَ سمّى النظرة اللي صَالَتَهُ عَلَيْهِ وَسَلَّمَ سمّى النظرة اللي بتستقل بيها دى زنا وقال: «العينان تزنيان وزناهما النظر».

النبي صَالَّتُهُ عَلَيُوسَالًم بيقولك إوعى تستقل بنظرة ..! دي سهم مسموم مسموم بيدخل على قلبك يقعد يقطع فيه! النظرة سهم مسموم بيجرح في قلبك ويبهدله، لحد ما يدمر الإيمان في قلبك!! كل نظرة حرام بنقطة سودا على قلبك!! تخيل بقى لو قعدت تتابع فيلم ولا مسلسل ساعة واحدة، هتنظر فيه كام نظرة حرام وقلبك بعده هيبقى شكله إيه؟؟؟

يا حبيب قلبي لو عايز بجد تحس بلذة الطاعة وتدوق حلاوة الإيمان... احفظ بصرك عن محارم الله!!



يا أختي لو عايزة تلاقي قلبك خاشع ولاقط ارسال إيماني على طول وبأعلى إشارة وتردد، احفظي عينك وحافظي على قلبك..

وورد في الأثر: «من غض بصره أثابه الله إيمانًا يجد حلاوته في قلبه».

وعمومًا.. اوعى تستقل بأي ذنب وتقول عليه صغير وتفضل مُصرّ عليه..

ع يقول الإمام ابن القيم رَحَهُ اللهُ: «فإن العبد لا يزال يرتكب الذنب حتى يهون عليه ويصغر في قلبه، وذلك علامة الهلاك؛ فإن الذنب كلما صغر في عين العبد عظم عند الله».

# ثانيًا: نصائح خاصة بكل عبادة

# 1 قراءة قرآن باحتراف:

رمضان هـوشهر القـرآن، وكتيير مننا لما بيسمع إن فيه ناس بتختم القرآن أكتر من مرة في رمضان بيبقى عايز يعمل زيهم وأكتر منهم كمان، ولكن للأسف ده بيخليه يقرأ بسرعة الصاروخ، وياكل الحروف ويضيع التجويد، ويعطل العقل عن إنه يفهم والقلب عن إنه يتدبر ولو آية واحدة!!!





لأن كل همّه وقتها بيبقى نهاية الصفحة أو نهاية السورة أو نهاية السورة أو نهاية البخري وراه!!! نهاية الجزء اللي عايز يخلصه!!! بيقرأ وكأن حد بيجري وراه!!! ده إنت لو بتقرأ خبر في جريدة هتركّز فيه وتقرأه باهتمام وتمعن أكتر من قراءتك للقرآن!!! لو بتقرأ مُذكرات الدراسة مش هتقراها بالشكل ده!!!

يا شباب لازم نعرف إن ختم القرآن مشى مطلوب لذاته.. يعني مش هو الهدف.. مشى مطلوب إني اقعد ساعة واتنين وتلاتة كل اللي بعمله إني بقلّب في صفحات ورا بعض وبعدين اقفل المصحف وأقول الحمد لله ختمت القرآن!!

يعني إنك تقرأ آية واحدة بتدبر وتأمل وفهم وتعمل بها، أفضل 1000 مرة من إنك تختم القرآن كله من غير ما تكون فاهم ولا واعي أي شيء من اللي بتقرأه!!





ولذلك كان بعض الصالحين يقول: آية لا أتفهمها ولا يكون قلبي فيها لا أعد لها ثوابًا!

فمتخليش تفكيرك وهمّك كله في عدد الختمات، مش مهم هتختم كام مرة، المهم هو قلبك هيدخل فيه كام آية من القرآن ويتعلق بيها؟؟؟ المهم هو هتقرّب من ربنا قد إيه بسبب القرآن؟؟؟ المهم هو حياتك كام حاجة هتتغير فيها بسبب القرآن؟؟

## وخد شوية النصايح دي لعلها تنفعك بإذن الله:

﴿ لـوعرفت تخلّـي القرآن هورقـم واحـد في أولوياتك في رمضـان قبـل أي شـيء تاني فافعـل.. خلّيه هو شغلـك الشاغل أطـول وقت ممكن في الشهـر ده.. خليه صاحبـك ورفيق دربك في كل زمـان ومكان.. أكتر حاجة تركّـز عليها طول رمضان هي القرآن..

ولو اضطررت وهتقرأ من الموبايل فاقفل الشبكة والنت زي ما قولنا قبل كده علشان تعرف تركز في الآيات..





لازم تخصص وقت ثابت يوميًا تقرأ فيه في التفسير علشان تفهم اللي إنت هتقرأه واللي هتسمعه في التراويح.. وأوصيك بكتاب (زبدة التفاسير) من أروع الكتب المُيسَّرة في التفسير..

₹ جـرّب كده وإنت بتقرأ القـرآن يكون جنبـك ورقة وقلم وكل خاطرة تجيلك أو حاجة تفهمها من الآيات تسجلها.. سجّل كل أمر وكل نهي وشوف إنت هتلتزم به ولا لأ.. جرّب تكتب عن إحساسك ناحية الآيات.. الآية دى فرحتك وبشرتك والآية دى خوفتك والآية دى زودت يقينك ودى رجعت لك الأمل.. وهكذا.. لازم تتيقين وإنت بتقرأ إن القرآن هو طريق التغيير وفيه الحل لكل مشاكل حياتك.. جرب تُسقط الآيات على حياتك واللي بيحصلك وتشوف فيها الحل لمشاكلك أو لشيء ما مُّتعسر قدامك.. ربنا سُبْحَانَهُ وَتَعَالَى قال عن القرآن إنه شفاء لما في الصدور، فابحث وإنت بتقرأ عن أمراض قلبك وهتلاقى دواها وشفاءها في آيات القرآن. ربنا سُبْحَانهُ وَتَعَالَى قال عن القرآن إنه نور وهدى، فحاول تخلى آياته تنور لك قلبك وتهديك وترشدك للطريق الصح في حياتك.. جرّب كده وبإذن الله هتستمتع بكل آية وكل لحظة مع القر آن...





جرّب واصبر على الفهم والتدبر.. الموضوع مش هييجي من أول مرة بسهولة.. اصبر وبإذن الله هتلاقى أثر القرآن في قلبك في القرب من ربنا والحياة بمعانى إيمانية رهييبة إنت مكنتش حاسس بيها قبل كده.. اعمل كده في كل مرة تقرأ فيها القرآن وشوف النتيجة هتبقى رائعة إزاى.. هتدوق حلاوة القرآن بجد.. هتعرف ساعتها إن القرآن ميتشبعش منه.. كما قال أمير المؤمنين عثمان مَعْيَسُهُعَنهُ: «لو طهرت قلوبُكم لما شبعت من كلام ربكم».

ادعي ربنا وألحّ في الدعاء إنه ينوّر قلبك بنور القرآن زي ما سيدنا النبي صَالِسَهُ عَلَى كان بيدعي ويقول: «أَسْأَلُكَ أَنْ تَجْعَلَ الْقُرْآنَ رَبِيعَ قلبي وَنُورَ صدري وَجَلاَءَ حزني وَذَهَابَ همي».

﴿ خصص وقت مناسب للقراءة، وليكن بعد كل صلاة مثلاً، وقبل ما تبدأ جدد وضوك لو تقدر، واستخدم السواك وحاول تستقبل القبلة، وابدأ بالاستعاذة ثم البسملة، واستحضر في نيتك فضل وثواب قراءة القرآن.. واستحضر في قلبك إن ده كلام الله.. يعني ربنا بيكلمك وبيخاطبك.. هتسمتع لكلامه بقلبك ولا هتغفل عنه؟؟؟

◄ حرّك لسانـك أثناء القراءة، لأن قراءة العين لا تُجزئ،
 وخلّـى صوتـك وسـط لا عـالى أوي فتتعب وتشوّش على اللى



حواليك، ولا منخفض أوي فتمل وتنام، وكذلك سرعتك وسط لا سريعة أوى ولا بطيئةً أوى..

القرآن هيبة ووقار، ومن تعظيم القرآن في قلبك إنك إذا بدأت قراءة فمتحاولش تلتفت لأي حد، ولا تقطع قراءتك بالكلام مع فلان وفلان، ولو حد عايز يكلمك شارور له بإيدك واعتذر له، وده من تعظيمك لكتاب الله.. ومن عدم احترامك لكلام ربك إنك تقرأ آيتين وبعدين تبص على الفيس والتويتر والتليجرام و..و..و بعدين ترجع تقرأ آيتين، وبعدها تتصفح وهكذا.. عظم كلام ربك اللي بتقرأه علشان تجد له تأثير في قلبك..

وفضل. اقض عندها وارفع يديك واسأل ربك من فضله.. وفضل. اقض عندها وارفع يديك واسأل ربك من فضله.. وهتعدي عليك آيات وعيد وعذاب. اقض عندها واسألك ربك النجاة والسلامة. تدبر في آيات الصفات التي تصف الله تعالى وعظمته وقدرته ورحمته وكرمه.. وكرّر الآيات اللي تلاقيها لامست قلبك مرة واتنين وعشرة.. كررها لحد ما قلبك يلين، ويا سلام لو عصرت عينك علشان تبكي وتخشع لكلام الله اللي خشعت منه الجبال!



# 2 صيام باحتراف:

الصيام عبادة ملائكية.. بتخليك شبه الملائكة.. يعنى بتتجرد وتترك كل متع الدنيا الأساسية.. مفيش أكل ولا شرب ولا شهوة..

الصيام حرية بيتحرر فيها الإنسان من قبضة الطين اللي بتجذب لشهوات الأرض، الصيام بيخليك حرّ، مش أسير ولا عبد لأى شهوة مهما كانت، بيخليك عبد خالص لله عَرَجَلَ..

الصيام يعني امتناع عن كل حاجة تغضب ربنا سواء فعل أو قول أو حتى نيّة لا ترضي الله.. يعنى صوم عقلك عن أى أفكار وشبهات منحرفة..

الصيام يعني اخلاص ومراقبة وحب وتعظيم وامتثال وحمد وشكر وقمة العبودية لله عَرَّبَعً..

الصيام يعني تصوم بقلبك قبل جوارحك...

فالقلب الصائم: قلب متحرر من حب الدنيا والتعلق بشهواتها وملذاتها، مُعرض عن الهمم الدنيئة والأفكار الدنيوية طلبًا للنعيم الأعلى والراحة الدايمة في الآخرة..





والقلب الصائم: قلب مشغول بيفكر في الآخرة، وإزاي هيقابل ربنا عَرَّبَعً..

والقلب الصائم: قلب سالم من الأحقاد والضغائن، مفيش فيه لأي حد من المسلمين غل ولا شر ولا حسد، بل يعفو ويصفح ويغفر ويتسامح، لأنه لا مش فارق معاه منصب أو جاه أو مال أو حاجة هتزول أو متاع هيفني وينتهي...

والقلب الصائم: قلب ساكن متواضع مفيش فية شيء من الكبر والغرور والتعالى في الأرض...

والقلب الصائم: قلب مخلص مش عايز غير وجه الله، مش بيطلب إلا رضا الله، مش ببيتلذذ بغير محبة الله وذكره وشكره وحسن عبادته.

## وخد شوية النصايح دي لعلها تنفعك بإذن الله:

الصيام، وفي نفس الوقت حاول يكون مُغذي وبيديك طاقة الصيام، وفي نفس الوقت حاول يكون مُغذي وبيديك طاقة علشان تقدر تبذل مجهود في شغلك وعبادتك وإنت صايم..زي الألياف اللي موجودة في أغلب الخضروات والفاكهة وأشهرهم التمر.. وبلاش الحاجات اللي فيها سكريات شديدة زي الكنافة والبسبوسة والقطايف أو الحوادق الشديدة زي الجبنة الحادقة





والمخللات علشان جسمك بيحرقها بسرعة وهتعطشك جامد أوووووى !!

ر بلاش كلام كتير مع أي حد علشان اللي بيتكلم كتير لازم الله الله كتير وخلّي لسانك مشغول بالذكر أفضل!!

ك قال الإمام أحمد رَحَهُ اللهُ: «ينبغي للصائم أن يتعاهد صومًه من لسانه، ولا يُماري في كلامه، كانوا إذا صاموا قعدوا في المساجد وقالوا: نحفظ صومنا ولا نغتاب أحدًا».

را أي حد ينرفزك أو يحاول يستفزك أو يغضبك إوعى تتكلم وترد عليه واسكت خالص خالص.. زي ما النبي صَالَّتُهُ عَلَيْهُ وَسَلَّمَ قال: «إذا غضب أحدكم فيسكت».. ورد وقول إنى صائم..

₹ بلاش خروج كتير إلا للضرورة علشان تحافظ على صيامك من الفتن اللي في كل مكان حواليك، وعلشان متخرجش في الحر وتتعب وتعطش، وعلشان توفر طاقتك ومجهودك بقدر الإمكان للطاعة والعبادة..

▼ كل مـا تحسى بجوع أو عطش أو تعب وارهاق، افتكر قول الله عَرَّبَاً في الحديث القدسي: «يدع شهوته مـن أجلي».. بص السمـا وابتسم وقول في سرّك هستحمل علشانك ياربى بس إنت السمـا وابتسم وقول في سرّك هستحمل علشانك ياربى بس إنت السمـا وابتسم وقول في سرّك هستحمل علشانك ياربى بس إنت السمـا وابتسم وقول في سرّك هستحمل علشانك ياربى بس إنت السمـا وابتسم وقول في سرّك هستحمل علشانك ياربى بس إنت السمـا وابتسم وقول في سرّك هستحمل علشانك ياربى بس إنت السمـا وابتسم وقول في سرّك هستحمل علشانك ياربى بس إنت السمـا وابتسم وقول في سرّك هستحمل علشانك ياربى بس إنت السمـا وابتسم وقول في سرّك هستحمل علشانك ياربى بس إنت السمـا وابتسم وقول في سرّك هستحمل علشانك ياربى بس إنت السمـا وابتسم وقول في سرّك هستحمل علم سرّك وابتسم وقول في سرّك وابتسم و



ترضى وتتقبل يا حبيبي يا الله.. وساعتها هتلاقي كل التعب راح واختفى بفضل الله..

وكل ما تقابلك فتنة.. أغاني أف لام مواقع غيبة نميمة مال حرام بنات، قاوم نفسك وشهوتك وافتكر كلمة «من أجلي».. وقول لنفسك هصبر وهستحمل وكل حاجة هتهون علشانك يا رب...

قبل المغرب تكون في المسجد ومعاك تمر تفطر عليه وتفطّر عليه وتفطّر عليه وتضطّر عليه وتضطّر عليه الناس، وتصلي المغرب الأول طبعًا وبعدين تروح تكمل أكل في البيت..

#### 3 صلاة باحتراف:

الصلاة هي حياتك، هي راحتك، هي سعادتك، هي قرّة عينك، هي صاتك بربك، وعلشان كده لازم تكون محافظ عليها وعلى أكمل وجه علشان تقربك من ربك حبيبك عَرَّحَلَّ..

وي رمضان عندك صلوات تقدر تكون بيها من السابقين إلى الله عَرَّبَلً.. عندك صلوات الفرائض، والنوافل المؤكدة، والنوافل غير الراتبة، والنوافل المطلقة، وصلاة التراويح، وصلاة القيام، وصلاة الضحى.. وغيرها كتير..





وخد النصايح دي علشان تصلي صح وتستمتع بالصلاة وتتقرب بها إلى الله عَنَّهِ اللهِ عَنَّهِ اللهِ عَنَّهِ اللهِ عَنَّهُ عَلَيْهِ اللهِ عَنَّهُ عَلَيْهِ اللهِ عَنَّهُ عَلَيْهِ اللهِ عَنْهُ عَلَيْهِ عَلَيْهِ اللهِ اللهِ عَنْهُ عَلَيْهِ عَلَيْهِ اللهِ اللهِ اللهِ عَنْهُ عَلَيْهِ اللهِ اللهِ اللهِ اللهِ اللهِ اللهِ اللهِ اللهِ اللهِ اللهُ عَنْهُ عَلَيْهِ اللهِ اللهُ اللهِ اللهِ اللهُ اللهِ ا

لازم تحب الصلاة، وتعرف قيمتها وفضلها وثوابها، وتعظم قدرها في قلبك، لوحبيت الصلاة مش هتبطل صلاة الأويت لو تقرأ كتابي (جرّب تقرب) هيفيدك جدًّا في الموضوع ده بإذن الله...

الخشوع في الصلاة هو روح الصلاة، ولكنه موضوع كبير يطول شرحه هنا، فأنصحك بكتابي (جنة الدنيا) هتلاقي فيها شرح لكيفية الخشوع و١٦ وسيلة عملية للوصول للذة الخشوع في الصلاة...

أهم نقطة على الاطلاق هي إنك تستعد للصلاة من قبل الأذان.. تظبط ٥ منبهات في الموبايل على قبل مواعيد الصلاة بربع ساعة او ١٠ دقايق أو تستخدم أي برنامج على الموبايل زي «إلى صلاتي» أو غيره كتير من البرامج.. وأول ما تسمع المنبه تتوضا أو تجدد وضوءك وتلبس أحسن هدومك وتحط عطر، وبالنسبة للنساء تتوضي وتلبسي أحسن لبس فضفاض وتكوني مستعدة على سجادة الصلاة في مكان هادي مناسب في البيت بعيد عن الملهيات زي التلفزيون والأطفال والحاجات الي تلفت



انتباهـك، وبعدها تستحضر النية وتنزل للمسجد اللي بتستريح فيه، وتدخل تصلي ركعتين خفيفتين وتقعد في الصف الأول على يمين الإمام وتذكر ربنا لحد الأذان، وبعدين تردد الأذان وتقول دعاء ما بعده، وبعديـن تصلّي ركعتين، ولما تخلّص تفضل تدعي ما بين الأذان والإقامة، وبعدها تصلي الفرض، وتقول أذكار ما بعد الصلة.. ويبقى إنت كده فزت بغنيمـة كبرى متتفوتش في كل صلاة.. ويكفيك حديث النبي صَلَّسَةُ عَبِيوسَةً: «إنَّ العبد إذا جلس ينتظرُ الصلاة صلتُ عليه الملائكة وصلاتُهم عليه: اللهم اغفر له اللهم ارحمه».. وكمان الموضوع ده هيساعدك على الخشوع جدا.. جرّب كده هتلاقي الموضوع ده هيفرق معاك بشكل لا تتخيله..

وأيضًا من الحاجات اللي هتخليك تصلّي بشكل مختلف وتخشع في صلاتك وتحسس بها، التنويع في الأذكار وسور القرآن اللي بتقرأها، لأن بدون التنويع إنت أصبحت عبارة عن آلة مبرمجة إنها تقول كلام معين وتعمل حركات معينة ثابتة!! فحتى لوإنت سرحان ودماغك في حتة تانية بتلاقيك بتقول الفاتحة وبعدين في أل هُو الله أحك في وتركع وتسجد عادي جدا لأنك اتعودت خلاص على كده! ولو حد سألك بعد الصلاة إنت قرأت بسورة إيه ممكن تكون مش عارف!!!!





التنويع في الأذكار هيخليك مركّز وإنت بتقول كل ذكر وبتحاول تفهم اللي بتقوله وتتدبر معناه وتخشع.. من أول أذكار الاستفتاح وصيخ الاستعاذة وأذكار الركوع والرفع من الركوع لحد أذكار ما قبل السلام.. وكل الأذكار دي هتلاقيها موجودة في حصن المسلم أو مختصر النصيحة أو ابحث عنها على النت وهتلاقيها بسهولة، وكل يوم احفظ ذكر جديد وقوله في صلاتك..

وكذلك سور القرآن. مينفعش كل الصلاوات اللي بتصليها بسورة الاخلاص وسورة الكوثر!! نوع في السور القصيرة حتى لومش حافظ غيرها.. وابدأ احفظ ولو كل يوم ٥ آيات واعرف معناهم وكرّرهم في كل صلاواتك..

فأوصيك بالتنويع ثم التنويع ثم التنويع في أذكار الصلاة والقرآن..

# 4 تراويح وقيام ليل باحتراف:

صلاة التراويح في رمضان من أروع الحاجات اللي بتسعد القلوب وتصلحها.. وهما ٢٠ يوم في السنة كلها اللي بتتصلى فيهم.. فاجتهد إنك تحافظ عليها علشان تبقى من اللي النبي صَلَّاللَّهُ عَلَيْهُ وَسَلَّمٌ قَال فيهم: «من قام رمضان إيمانًا واحتسابًا، غُفر له ما تقدم من ذنبه» متفق عليه.





#### وخد شوية النصايح دي لعلها تنفعك بإذن الله:

راكموضة والقولون اشتغلوا الفطار.. علشان متتعبش وتلاقي الحموضة والقولون اشتغلوا وعلشان كمان تعرف تركزي العشاء والتراويح لأن لو تقلت في الأكل هتهبط ويجيلك خمول وغالبًا هتنام أو أكيد هتنام حتى وإنت بتصلي الا

وحاول في الفتره ما بعد المغرب لحد السحور تاكل أكتر من وجبة متخليش أكلك كله على مرة واحدة..

واشرب مية قبل الإفطار براحتك وكذلك طول الليل.. ولكن بلاش تشرب ميه كتير بعد الأكل مباشرة.. مش هتعرف تهضم وهتلاقي نفسك تقييييل جدًّا ومش قادر حتى تاخد نَفسَك !!

لازم تكون واخد قسط كويس من النوم علشان متنمش وإنت بتصلى زي ما بنشوفه بيحصل لناس كتير!

إختار مسجد هادي تصلي فيه، حتى لو بعيد، حتى لو يغيد، حتى لو في بلد تاني، المسجد من أهم عوامل الخشوع في الصلاة.. إنما هتصلي في مسجد فيه أطفال بتلعب طول الصلاة أو ناس كبار بتكلم وتتخانق على الكبيرة والصغيرة أو شباب بيعمل دوشة صدقتي مش هتعرف تخشع! ويا سلام بقى لو الإمام كمان صوته هادى وخاشع وبيقرأ بجزء.. يبقى كده تمام التمام..





التراويح وتكون عارف الجزء اللي هيتقرأ في التراويح وتكون محضره كويس ومجهز تفسيره وتركز مع الشيخ وهو بيقرأ، ومتبقاش قاعد مستني امتى هتخلص السورة وامتى الإمام هيركع؟، حاول تركّز مع كل آية، ركّز مع القرآن واسمعه بقلبك وتدبّر اللي بتسمعه، علشان تعرف تستمتع به في التراويح ومتحسش بالتعب وتطلع من الصلاة بقلب عاش مع آيات الله وارتوى من معانيها.. ويا ريت لو تقدر تستغل الوقت اللي معظم الناس بتضيعه بعد الفطار ما بين الغرب والعشاء في إنك تقرأه وتراجعه..

و تفاعل مع الآيات زي ما النبي صَّالَتُمُّعَيْهُوسَةً كان يفعل، الرسول صَّالِسَّهُ عَلَيْهُوسَةً كان عندما يقرأ آيه عن العذاب، يقول اعوذ بك من العذاب، آية عن النعيم يقول اللهم ارزقتي من فضلك.. آيه عن الصادقين، يقول اللهم أجعلني من الصادقين، عندما يقول أليس ذلك بقادر على أن يحيي الموتى،،،يقول الرسول بلى قادر.. وهكذا..

إبانسبة لصلاة القيام أو التهجد: فدي صلاة خاصة بينك وبين الله.. محدش يشوفك فيها..... في وقت خاص.. وقت تنزل الملك عَنْكِلَّ للسماء الدنيا وهو يقول: «هل من سائل فأعطيه؟ هل من مستغفر فأغفر له؟ هل من تائب فأتوب عليه؟





حتى يطلع الفجر» .. ركعتين القيام دول شرفك.. كما قال الرسول صَلَّسَهُ عَيْهُ وَسَلَمُ: «شرف المؤمن قيامه بالليل».. ركعتين تطفي النور وتقف فيهم وإنت خاشع بين يدى الله.. وتحاول ترتل القرآن بتجويده وإحسان قراءته وتحسين الصوت به.. ركعتين تعيش بقلبك فيهم مع القرآن ولو هتقرأ بآية واحدة وتكررها، ولو هتقرأ بسورة زي ق أو يس أو الملك أو الحاقة أو النازعات أو الفجر أو الزلزلة، أهم شيء تحاول تزلزل قلبك وتخلي عنيك تدمع من خشية الله فيهم.. وتطول في سجودك فيهم وتناجي ربك حبيبك وتفضفضله وتدعو الله بما شئت وبما تريد وبما تتمنى... ياااااااااه.. الركعتين دول دنيا غير الدنيا.. لما تجرّب الكلام ده وتعيشه هتتمنى إن الفجر ميطلعش علشان تفضل في الجنة اللي إنت عايشها دي!

ومش شرط يكونوا ركعتين بس، ممكن تزود.. النبي صَلَّاللَّهُ عَلَيْهِ وَسَلَّمٌ قال: «صلاة الليل مثنى مثنى»..

ولومش هتقدر تصليهم آخر الليل؛ يبقى تصليهم قبل ما تنام على طول وتجعل آخر عهدك بالدنيا قبل النوم الصلاة..

#### 5 ذكر الله باحتراف:

الذكر هو حياة الروح.. وزي ما النبي صَّأَلَتُهُ عَلَيْهِ وَسَلِّمَ قال: «مثل الذي يذكر ربه والذي لا يذكره مثل الحي والميت».





وهو عبادة خفيفة ولكن أجرها عظيم جدًّا.. ده غير فايدتها في حفظ الإنسان من المس والسحر والحسد والشياطين..

واللسان العضلة الوحيدة اللي مبتتعبش ... فمتوقفهاش... اشغل أوقاتك وبالذات الوقت الصغير اللي بيضيع في وسط الحاجات اللي بتعملها في ذكر الله...

وفيه عندنا نوعين من الأذكار.. الأذكار الموظفة يعني اللي لها حاجة خاصة بها زي أذكار الصباح والمساء والدخول والخروج وأذكار الطعام والنوم والاستيقاظ وركوب المواصلات وغيرها.. وعندنا الأذكار المطلقة زي التسبيح والتحميد والتهليل والتكبير والاستغفار والصلاة على النبي صَلَّالَةُ عَلَيْهِ وَسَلَّمَ..

# وخد شوية النصايح دي لعلها تنفعك بإذن الله:

الشتري أو حمّل كتاب للأذكار زي حصن المسلم للشيخ المقدم..وحاول تحفظ القحطاني أو مختصر النصيحة للشيخ المُقدّم..وحاول تحفظ الأذكار علشان تعرف تواظب عليها في رمضان وبعد رمضان بإذن الله..

الأذكار المطلقة زي مشلاً: لا إله إلا الله، وسبحان الله وسعده، تحاول تقولها وإنت بتتفرج على بديع مخلوقات الله،





وإنت بتتأمل في السما، وإنت بتتفرج على مناظر وصور طبيعية، وإنت بتتفكر في نفسك وجسمك وبديع صنع الله لك..

وهكذا.. عيش بقلبك مع الذكر..

إلتنويع في الأذكار مهم جدا علشان تفوز بفوائد كل ذكر وتنوع في المكاسب والأرباح، وكذلك علشان السرحان والمل.. وكمان لأن كل ذكر له تأثير في القلب غير تاني.. وهتلاقي عندك في الكتب اللي ذكرناها ما شاء الله من الأذكار المتعددة..

استشعر في كل كلمة بتقولها وإنت بتذكر ربنا، قوله تعالى في المحديث القدسي: «أنا عند ظنِّ عبدي بي، وأنا معه إذا ذكرَنِي، فإن ذكرَنِي في ملأ ذكرتُه في نفسي، وإن ذكرَنِي في ملأ ذكرتُه في ملأ خيرٌ منهم...» متفق عليه..

بالله عليك اقرأها بقلبك: «وأنا معه» إنت عارف مين هو اللي معاك؟ الملك عَرْجَلً.. استشعر معيَّة ربنا الخاصة لك إنت، معية الحفظ والتثبيت والتسديد...

استشعر: «فإن ذكرني في نفسه ذكرته في نفسي» إنت مين إنت مين إنت؟ وهو من هو سبحانه..! هو الملك، القُدُّوس، المُهيمن، المغزيز، الجبَّار المتكبِّر، هناك في مَلكوته وجَبروته، في عَليائه





يتفضّل عليك ويذكرك في نفسه! يذكرك إنت العبد الضعيف اللي متجيش ذرّة في مُلك الملك!

استشعر: «وإن ذكرني في ملأ ذكرته في ملأ خير منهم».

فوق في الملاً الأعلى، حيث ملائكة النُّور، حيث الأنبياء الكِرام، أمامَ هذه الصفوة يذكرك الربُّ العظيم، ويُثني عليك!

ده إنت قلبك بيرقص من الفرحة لو سمعت إن حد مشهور مدحك في جريدة أو ذكر اسمك في التليفزيون ؛ أمال لو مدحك الله رب العالمين وذكرك في الملا الأعلى، ياترى احساسك ساعتها هيكون إيه؟؟؟!

ياااااااه لوحسيت بالمعاني دي.. هتلاقي وقتها قلبك طاير من السعادة والشوق والحب لله وإنت بتذكره..

### 6 استغفار باحتراف؛

الاستغفاريعني طلب العفووالمغفرة، من مين؟؟ من الله عَنْجَلَّ الكبير المتعال الجبار القهار..

على إيه؟؟ على ذنوب ومصايب وبلاوي سودا إنت عملتها في حق الله ١٤١





تخيل ولله المثل الأعلى.. لما واحد يدخل على رئيس وهو عامل جريمة ويطلب منه العفوع ن الجريمة دي.. هيطلبه إذاي؟؟ تخيل شكله وذلّه وانكساره.. تخيل طريقة كلامه ونبرة صوته.. تخيل تكراره وإلحاحه في الطلب.. تخيل دموعه وندمه حرارتهم قد إيه؟؟ تخيل إن كل ده المفروض يكون حالك وإنت تستغفر ..؟!

عرفت ليه دلوقتي إن استغفارنا اللي بنقوله بكل استهتار في حد ذاته ممكن يكون ذنب أصلًا محتاجين نستغفر منه!!

#### وخد شوية النصايح دي لعلها تنفعك بإذن الله:

وتقعد كده بهدوء تستغفر.. حضّر قلبك ومتستعجلش...متقولش وتقعد كده بهدوء تستغفر.. حضّر قلبك ومتستعجلش...متقولش «أستغفر الله أستغفر الله أستغفر الله وأتوب الله» كتكرار.. لا... قولها صح.... قول «أستغفر الله وأتوب الله» وإنت بتفتكر أخطائك وكل حاجة قصرت فيها في حق ربنا.. قول: «أستغفر الله وأتوب الله».. وإنت بتفتكر كرم ربنا عليك إنه سترك وإنه أعطاك الفرصة إنك تتوب.. قول «أستغفر الله وأتوب إليه» وإنت بتفتكر رحمة ربنا الواسعة ومغفرتة العظيمة.. قول «أستغفر الله وأتوب إليه وأتوب ورحمة ربنا الواسعة ومغفرتة العظيمة.. قول «أستغفر الله وأتوب إليه»



إليه» وإنت بتفتكر وعد ربنا إن الاستغفار جالب للمغفرة والرزق والسعادة..

قول أستغفر الله لحد ما تحس إنها شقّت في قلبك شق، أن قلبك بدأ يخشع، وبدأت تحس بمعاني الاستغفار وعينك خلاص هتدمع من خشية الله..

واستغفر الله الدي لا إله إلا هو الحي القيوم وأتوب إليه الله الذي لا إله إلا هو الحي القيوم وأتوب إليه الله الله الذي لا إله إلا هو الحي القيوم وأتوب إليه الله أنت فاغفر إني ظلمت نفسي ظلمًا كثيرًا ، ولا يغفر الذنوب إلا أنت فاغفر لي مغفرة من عندك وارحمني إنك أنت الغفور الرحيم "فول: ﴿ رَبّنَا ظَلَمْنَا آنفُسنا وَإِن لَّم تَغْفِر لَنَا وَرَبّحَمْنا لَنكُونَن مِن قول: ﴿ لاّ إلله إلا أنت سُبْحَننك إلى كُنتُ الله إلا أنت شبعناك إلى الله إلا أنت خلقتني وأنا عبدك وأنا على عهدك ووعدك ما استطعت أعوذ بك من شر ما صنعت أبوء لك بنعمتك علي وأبوء لك بذنبي فاغفر بك من شر ما صنعت أبوء لك بنعمتك علي وأبوء لك بذنبي فاغفر بي فاغفر الذنوب إلا أنت "...

﴿ الاستغفار وقت السَّحَر قبل الفجر له طعم تاني.. حاول متضيعهوش.. قال تعالى: ﴿ وَٱلْمُسْتَغْفِرِينَ بِٱلْأَسْحَارِ ﴾.





### 7 دعاء باحتراف؛

الدعاء في رمضان له شأن آخر.. والمتأمل هيلاقي إن آيات الدعاء: ﴿ وَإِذَا سَأَلَكُ عِبَادِى عَنِي فَإِنِي قَرِيبٌ ﴾، وردت وسط آيات شهر رمضان والصيام وده أكبر دليل على أهمية الدعاء وخطورته في الشهر المبارك، وعلى والارتباط الوثيق بين استجابة الدعاء والصيام.. الدعاء في رمضان كنز يا شباب.. فإوعى تفرّط في الكنز ده.. النبي صَالَسَهُ عَلَيْوَسَاتُم أخبر وقال: «وإن كل مسلم في كل يوم وليلة دعوة مستجابة» صححه الألباني.

الدعوة المستجابة يعني اطلب واتمنى أي شيء.. الدعوة المستجابة يعني متبطلش دعاء.. خلّي لسانك شلال دعاء مُنهمر لا يتوقف لأنك أحوج ما يكون لكل دعوة هتدعي ربنا بيها.. طول ما إنت صايم استغل كل نفس بتتنفسه بدعوه طول ما إنت بتحضري الفطار.. في المواصلات... بتذاكر.. قبل ما تنام..... كتروا وكثفوا دعائكم.. ادعوا في كل لحظه يا شباب.. دعوة الصائم لاترد..

ربنا يسعدكم ويفرح قلوبكم ويعطي كل واحد خير ما يتمنى..





#### وخد شوية النصايح دي لعلها تنفعك بإذن الله:

لازم تعرف إنت بتدعي مين؟؟ بترفع إيدك لمين؟؟ بتطلب من مين؟؟ تعرف إن الله سُبْحَانهُوتَعَالَ هو الملك الذي بيده كل شيء.. وهو على كل شيء قدير.. ربنا لا يعجزه شيء أبدًا الا فمتخليش دعاءك قاصر على أسباب الدنيا اللي إنت شايفها، أطلب أمنيتك وملكش دعوة هتتحقق إزاي.. ملكش دعوة بألاسباب لأن قدرة الله أبعد من آمالنا وإدراكنا الا

الله عَرَجًلَّ يفعل ما يريد، وفضل الله يؤتيه من يشاء، إذا أعطى أدهش المناد. يعطي أكتر مما يدركه عقلك الصغير اأكتر بكتير من خيالاتك الهوفيه شيء كبير على ربنا ؟؟؟ إيه دعوتك دي أصلًا قدام عظمة وقدرة ربنا ؟؟ ولا حاجة !!

وعلشان كده النبي صَلَّاللَهُ عَلَيْهِ وَسَلَّمَ قال: «لا يقل أحدكم: اللهم اغضر لي إن شئت، اللهم ارزقني إن شئت ولكن ليعزم وليعظم الرغبة، فإن الله لا يتعاظمه شيء» متفق عليه.

الله ليس قادر على إعطائك أمنياتك وبس، بل قادر على إنه يخلق لك أمنيات أجمل من كل ما تحلم به، الله قادر إنه يعطيك لحد ما تنسى نفسك من فرحة العطاء..!





ربنا خزائنه لا تنفد.. وكرمه وفضله وجوده فوق ما أي حد فينا يتخيل.. وهو والقائل في الحديث القدسي: «يا عبادي لو أن أولكم وآخركم وإنسكم وجنكم قاموا في صعيد واحد فسألوني، فأعطيت كل إنسان مسألته، ما نقص ذلك مما عندي إلا كما ينقص المخيط إذا أدخل البحر» رواه مسلم.

ف خلّي عندك يقين في رحمة ربنا وقدرة ربنا وحنان ربنا وكرم ربنا.. وادعي وإنت قلبك متعلق بربك الحيي الكريم الذي يستحيي إن العبد يرفع يديه إليه فيردهما صفرًا خائبتين.. لازم المعانى دي تدخل في أعماق قلبك وتستقر جواه..

لازم تعظم قدر الدعاء في قلبك.. لازم تعرف إن الدعاء ده هو الشيء اللي بيرد القدر.. تخيل لو مكنش فيه حاجة اسمها دعاء؟؟ كانت هتبقى كارثة والله الأمكنش هيبقى فيه حل لأي مشكلة صعبة الله مكنش هيبقى فيه قدامنا غير اننا نصبر ونسكت ونستحمل!! اللي مخلفش يستحمل واللي ما اتجوزتش تستحمل واللى مريض يستحمل!!

تخيل حجم الهم اللي كنا هنعيش فيه.. ولكن من نعم ربنا علينا اللي مش هنوفي شكرها ليوم الدين نعمة إن لنا رب اسمه





القريب المجيب فتح لنا باب الدعاء، بل وأمرنا إننا ندعوه، بل ربنا بيغضب على اللي مش هيدعيه ( ! !

فاعرف قدر الدعاء في حياتك..الدعاء ممكن يغير مجرى حياتك كلها حلّها إن كلمة يارب تخرج حياتك كلها حلّها إن كلمة يارب تخرج من قلبك بجد.... كلمة يارب تنقلك من أسوأ حالة ممكن تكون عايش فيها إلى أعلى درجات السعادة والراحة والرضا..

₹حاول تتحرى وتختار أوقات استجابة الدعاء الموجودة طول الليوم، زي وقت الأذان، وبين الأذان والإقامة، وبعد الصلاوات المكتوبة، وجوف الليل الآخر، وفي السجود، وأثناء السفر.. وطبعًا عند الفطار..

أَيْفضل تكون على وضوء وتستخدم السواك وتستقبل القبلة وترفع إيدك، وتبدأ بحمد الله والثناء عليه، ثم الصلاة على النبي صَّالَتُهُ عَلَيْهِ وَسَلَّمٌ.. وتسأل ربنا باسمه الأعظم.. وتستغفر من ذنوبك.. وبعدين تبدأ تنطلق في الدعاء..

وانت واثق ومتأكد مليون ٪ إن دعاءك النبي سَأَلَتُهُ عَلَيْوَسَلَّمَ قال: «ادعوا الله تعالى وأنتم موقنون بالإجابة»، يعني ميبقاش فيه ذرّة شك أو خوف أو قلق في قلبك إن ربنا مش هيستجيبلك.. دعاءك كله مستجاب، ولكن





استجابة الدعاء بتكون في ٣ صور زي ما النبي صَّالِتَهُ عَيْهُ وَسَلَمُ أَخْبِر وقال: «ما من مسلم يدعو بدعوة ليس فيها إثم ولا قطيعة رحم إلا أعطاه الله بها إحدى ثلاث: إما أن يُعجّل له دعوته، وإما أن يَدّخرها له في الأخرة، وإما أن يَصرف عنه من السوء مثلها»، قالوا إذا نُكثر؟ قال: «الله أكثر».. لما تسمع «الله أكثر» يا حبيب قلبي ترفع إيدك وتفضل تدعي لحد ما تتعب.. الله أكثر يا أختي يعني مبتطليش دعاء ليل نهار.. قال أحمد بن عطاء رَحَهُ اللهُ: « متى أطلق الله لسانك بالدعاء فاعلم انه يريد أن يعطيك ما تشاء مهما عظم مرادك وعظم مطلبك».. يا آآآه على فضل وكرم ربنا الأ

ادعي من قلبك يا حبيبي، خلّي كل كلمة ينطقها قلبك قبل لسانك يا أختي.. استشعر وحس بفقرك وضعفك واتذلل لله..

إحساس الافتقار الرهيب ده هيخليك تعيش حياة تانية مع الدعاء.. قوليله: أروح لمين غيرك يارب؟؟؟ أنا مليش غيرك في الدعاة.. قوله: يارب أقف على باب مين غيرك يارب؟؟ لو طردتني عن بابك هسأل مين غيرك يا إلهي وخالقي ورازقي؟؟ قولي: يارب نفسي في كذا ومنايا تتكرم وتجود عليا وتعطيني من فضلك ومتحرمنيش يا حبيبي ومولاي.. إبكي واتذلل واستشعر



إنك هتضيع لو ربنا ماستجابش لك.. اقعدي ادعي وابكي لحد ما تفضفضي وتطلعي كل اللي جواكي.. قول كل اللي نفسك فيه.. وساعتها هتحس قد إيه نفسيتك ارتاحت وصدرك انشرح وبقيت فرحان كأن دعواتك كلها اتحققت..!

السنّة الدعاء ثلاثًا، ولكن لو مفيش مانع تكرار الدعاء مرة واتنين و١٠٠ مرة.. الإمام البخاري رَحْمَهُ اللهُ بوّب باب سمّاه «باب تُكْرِير الدعاء»، وقال الإمام ابن القيم رَحْمُهُ اللهُ: « ومن أنفع الأدوية: الإلحاح في الدعاء «.. فكرّر الطلب.. إوعى تزهق أو تمّل.. اطرق الباب واصبر.. وافضل واقف لحد ما تستشعر فتوحات ربنا على قلبك..

وتكلّف.. وياريت من دلوقتي تشتري كتاب صغير زي (الدعاء وتكلّف.. وياريت من دلوقتي تشتري كتاب صغير زي (الدعاء من الكتاب والسنة) للشيخ سعيد القحطاني وتبدأ تحفظ الأدعية من القرآن والسنة لأنها أدعية جامعة وشاملة لكل خير في الدنيا والآخرة، وهي أفضل بكل تأكيد من أي صيغة تانية هندعي بيها..

رقة من دلوقتي، من قبل رمضان.. حضر نفسك.. هات ورقة وقلم واعمل جدول وقائمة بكل الحاجات اللي إنت عايز تدعي





بيها، كل حاجة صغيرة أو كبيرة، كل أحلامك، كل أمانيك، في الدنيا أو الآخرة.. وافتكر وإنت بتجهز القائمة دي إنك محتاج لربنا في كل حاجة في حياتك.. شوف بقى هتكتب إيه فيها..

﴿ نظّم دعاءك.. علشان متنساش حاجة ومتنساس حد.. علشان متضيعش وقت كتير في السرحان وتقعد تفتكر شوية من الشرق وشوية من الغرب وتتوه وإنت بتدعي.. نظّم دعاءك بإنك تحاول تقسّمه لأقسام كبيرة تحتها أجزاء صغيرة.. يعني تقسم الدعاء لدعوات للدنيا ودعوات للآخرة ودعوات للأهل والأصدقاء ودعوات للمسلمين في كل مكان.. وكل حاجة من دول تكون مجهز قائمة بالدعوات الخاصة بها زي ما تفقنا قبل كده..

دعوات للآخرة زي: الدعاء برفقة النبي محمد صَّالَّتُهُ عَلَيْهِ وَسَلَمُ الفردوس الأعلى من الجنة، بالعتق من النار بالتقوى والهداية، الإخلاص، صلاح القلب، حسن الخاتمة، حفظ القرآن، وهكذا... دعوات للدنيا: الزوجة الصالحة، الذرية الصالحة، التوفيق في العمل، تجديد السيارة، زيادة المرتب، البركة في المال والوقت، موبايل آيفون ٨، تحل كويس في الامتحانات، وهكذا...





الدعاء للأهل والأصدقاء (بالأسماء والتفصيل): الدعاء للمراب والأب والاخوة وأفراد الأسرة بالتفصيل، الدعاء لصديق إنه يتزوج، وآخر إنه يخلف، وآخر إنه يسد دينه، وآخر إنه يترقى في شغله، وواحد - بعيد عن ربنا - بالهداية، وواحدة بالحجاب، وواحد مريض بالشفاء، وواحد متوفى بالرحمة والغفران، وهكذا...

الدعاء للأمة الإسلامية: بالنصر والتمكين للدين، برحمة المستضعفين في كل مكان، وهكذا...

وبالشكل ده لما هتخلص، هتلاقي نفسك بفضل الله دعيت دعاء شامل متكامل إلى حد كبير!

## 8 مذاكرة باحتراف:

طبعًا شهر رمضان بقاله كام سنة بييجي وقت الامتحانات.. وما أدراكم ما الامتحانات وبالذات لو ثانوية عامة!!

فالطلبة كلهم بيفتكروا إن رمضان والمذاكرة ميمشوش مع بعض Don't Mix؛ وللأسف الشديد بيضيعوا رمضان!!

وده طبعًا مش صح ومجرد وهم في خيال صاحبه ..





والدليل إن غزوة بدر الكبرى وفتح مكة والقادسية وغيرها من الفتوحات والانتصارات العظيمة كانت في رمضان من غير ما تمنعهم من ما تؤثر على اهتمام الصحابة برمضان ومن غير ما تمنعهم من الاستعداد له والاجتهاد فيه عز الاجتهاد..

ولوحد هيقول أصل دول صحابة، هقولك عندك نصر أكتوبر ١٩٧٣ كان في عز رمضان وجنودنا صايمين...

أنا بكلمك في فتوحات مش امتحانات..عارف يعني إيه فتوحات؟؟ يعنى حروب.. يعنى معارك ((!

فإوعى تعلَّق عدم استعداك لرمضان أو اجتهادك فيه على شماعة الامتحانات.. لأن اللي هيدوّر على شماعة هيلاقي بدل الامتحانات مليون شماعة تانية...

وعلى فكرة وعن تجربة شخصية والله.. الصيام بيخليك تجتهد أكتر وتركز أكتر وتنتج أكتر.. والأهم هو إنه بيخليك توقّ روقت كتير جدًا بيضيع منك في الشاي والقهوة والكابتشينو وكل شوية أنا جعان وعايز أعمل سندوتشين وشوية عايز أخرج أشتري حاجة أو أروح عند فلان.. ده غير إنك وإنت صايم بتبقى نشيط وخفيف جدا غير لما تكون Full Tank وتبص تلاقي نفسك ممدد على السرير ومش قادر تحرك أي عضو من أعضاءك





وعايز تنام لا إراديًّا كأنك واخد تخدير كُلِّي ١١١١ وصدقت الحكمة اللي بتقول: «إذا امتلأت المعدة نامت الفكرة وقعدت الأعضاء عن العمل».

أما بقى أثناء الصيام، فمفيش أكل، مفيش خروج، مفيش قدامك أي اختيار غير القعدة في البيت والمذاكرة وفقط ..

- ده غير إن اليوم وإنت صايم بتلاقيه مُنظّم غصب عنك... والوضوء بيجدد نشاطك ويصحصحك كل شوية.. والصلاة في المسجد بتخرجك برا جو المذاكرة الخنيق، وتعتبر أحلى استراحة، وكمان بتقسملك اليوم وبتديك طاقة وحافز وشحن إيماني وروحي يفتح نفسك إنك ترجع تكمّل مذاكرة.

- فأنا عايز أقولك وبدون مبالغة ، إن حتى لو الامتحانات مجتش في وقت الصيام ، صوم إنت وقتها علشان كل المميزات اللى ذكرناها دلوقتى .. جرّب كده وشوف ..

- واللي بقى بيحاول يضحك على نفسه ويقولك أصل مش هعرف أركّز خالص في المذاكرة وأنا صايم ، هنقوله ما إنت بعد الفطار برده بتقول مش عارف أركز وتقعد تضيع في وقتك علشان تهضم وتشرب شاي وبعدها تنام ساعتين تلاتة .. وفي الآخر مبتكملش ٥ دقايق على الكتاب !!





#### طيب تنصحنا بإيه؟؟؟ هقولك:

والاصلاح ما استطعت فيها.. وغيرها من النية عمارة اللي هتخليك طول

الدعاء.. معاك سلاح الدعاء وكل يـوم لـك دعـوات مستجابة فاستثمرها في الدعاء لك ولطلبة المسلمين أجمعين.. ربنا اكـرم الاكرمين..ادعـي وفضفض مـع ربنا.. قـول يا رب إنـت قلـت ﴿ وَإِذَا سَأَلُكُ عِبَادِى عَنِى فَإِنِي قَرِيبُ ﴾... وقلت: ﴿ أُمَّن يُحِبُ المُضْطَرَ إِذَا دَعَاهُ وَيَكُشِفُ الشُّوءَ ﴾... يـا رب إنـت عالم بحالي.. انا تعبت يا رب.. نفسي يـا رب أفرح وأفرّح ماما وبابا... يا رب متسبنيش لوحدي... يارب أعني وقويني.. قول كل حاجة نفسك فيها.. ادعي ربك يرزقك المجموع اللي نفسك ويقر عينك بفرحـة تنسيك هم وتعب ومشقة المذاكرة طول السنة.. وأحسن الظن في ربك إنه سميع قريب مجيب الدعاء..





₹ بلاش تاخد الصيام حجّة ومتذاكرش.. بلاش تتخنق من الحر وتبقى مش طايق تمسك كتاب في إيدك!

يا حبيب قلبي لازم تصبر علشان توصل لحلمك وتحقق هدفك.. شوية صبر.. لازم تشجع نفسك إنك تبدأ... اصبر بسرية الأول واستعن بالله واستغفر ربنا لحد بس ما تقعد على الكتاب وهتلاقي بفضل الله نفسك اتفتحت وبدأت تذاكر..

ف إنسى موضوع أنا زهقان ومليش نفس... لأن كده يبقى مش هتخلص أي حاجة ... اقتع نفسك إنه مش بالنفس، بل بالاجتهاد والصبر..

وتنسم وقتك ورتبه وابداً من أول النهار عشان تنال بركة دعاء النبي صَالَتُهُ عَلَيْوسَكَة: «اللهم بارك لأمتي في بكورها»، تنظيم وقتك هو أهم حاجة في موضوع المذاكرة.. ولازم تعمل جدول تكتب فيه كل لحظة هتعمل فيها إيه.. اعمل جدول بس يكون معقول.. بحيث تحدد أولوياتك وتذاكر الحاجات المهمة وتخصص لها وقت كافي..

ومتقسمش المحتوى بالكمية.. إنت كده كده مخصّصله وقته.. وبالشكل ده هتركّز ومش هتفكر في الكمّ على قد الكيف..





ومتستسلمش لليأس والاحباط لوعملت جدول ومقدرتش تمشي عليه.. شوف المشكلة فين بالظبط وصلحها.. واللي يفوتك انساه تمامًا وكمّل عادي بقية الجدول وبلاش احباط... كمّل وإوعى تكسل واستعن بالله، وهتلاقى التيسير بإذن الله..

استخدم الورقة والقلم في المذاكرة.. المذاكرة من غير كتابة سراب المذاكرة من غير كتابة هتطير في الهوا..

ده غير إن الكتابة هتساعدك على التركيز وعدم السرحان الكتير.. وحاول تلخّص اللي فهمته أو تلوّن المختصر المفيد..

المنسبة للناس المزنوقين المُحبطين واللي ملحقوش يفتحوا كتاب لحد دلوقتي وبيسألوا هو فيه أمل؟؟

هنقولهم: وهو يفرق في إيه فيه ولا مفيش!! هو إنت عندك إختيارات أصلا... قوم وابدأ إنت بس دلوقتي حالا... وأكيد لما تذاكر أي حاجة... أفضل ١٠٠ مرة من وصلة الحزن والاكتئاب اللي هتعيشها لغاية الامتحانات.. وبعدين ... مين فينا ماتزنقش في مادة أو مادتين ليلة الامتحان ... بس اجتهد وجاب آخره وربنا أكرمه ... دوس إنت بس... وربنا هايكرمك والله...









## الفرحة الكبرى



إحنا كمسلمين بنتعبد إلى الله بكل شيء في حياتنا حتى مشاعرنا وأحاسيسنا، ومن أعظم المشاعر طبعًا مشاعر الفرح، والفرح هو أعلى أنواع نعيم القلب ولذّته، والناس في الدنيا بتفرح لأسباب كتير، منها.. نجاح في امتحان، ترقية وزيادة مرتب، زواج أو إنجاب، ربنا يفرح قلوب الجميع يارب ويجعل كل لحظة في حياتنا سعادة...

ولكن مين فينا اللي بيفرح بنعمة ربنا عليه دينيًّا؟؟؟ قليييل أوووي..

مين بيفرح بنعمة الهداية؟ مين بيفرح بنعمة حفظ جزء من القرآن؟ مين بيفرح بنعمة إتمام طاعة؟؟

وحتى لوفرح، هل فرحته بها تعادل فرحته مثلًا لوكسب مليون جنيه؟؟؟

أنا عايزك بقى وإنت بتفطر كل يوم، ومع أول جرعة ميه تدخل جوفك، أو مع أول تمرة تاكلها، عايزك تكون طاير من





الفرحة، أيوه لازم تفرح، افرح بتعبك وصبرك وإنت بتقول: (ذهب الظمأ وابتلت العروق) افرح بثوابك ونعمة ربنا عليك وإنت بتنطق: (وثبت الأجر)، افرح بفضل الله وبرحمته وتذكر قــول الله عَنَيْجَلَ: ﴿ قُلُ بِفَضْلِ ٱللَّهِ وَبِرَحْمَتِهِ عَنِذَلِكَ فَلْيَفُ رَحُواْ هُوَ خَـيْرُ مِّمَّا يَحُمَّونَ ﴾ (يونس:٥٨)..

لازم تفرح لأن النبي صَالِّللهُ عَلَيْهِ وَسَلَّمَ هو اللي بشرك بالفرح ده وقال: «للصائم فرحتان يفرحهما، إذا أفطر فرح، وإذا لقى ربه فرح ىصومە». متفق عليه.

الفرحة الأولى: بتمام نعمة الله عليه بإكمال اليوم، وبما أباحه الله له من الطعام والشراب والجماع اللي كان ممنوع منه ف النهار..

الضرحة التانية: عند لقاء ربه حبيبه عَزَّجَلَّ وهو راضي عنه، فرحة متتوصفت من اللي بيشوفه لما يقابل ربه بعد موته من أجر وثواب الصيام اللي محدش يعلمه إلا الله، فلازم نفرح يا شىاب.

وفينهاية الشهر افرح بصيامك وبصلاتك وقيامك وزكاتك وقرآنك وصلتك للرحم وغضك لبصرك ومجاهدة نفسك...





افرح بالعيد.. وافتكر قول الحسن البصري رَحَمُهُ اللهُ لما سألوه: متى العيد؟ قال: «كل يوم يَمُرّ عليّ لا أعصي الله فيه هولي عيد»..

والنقطة الأهم واللي عايزك تستشعرها في كل يوم بتصومه عند إفطارك، هي إنك تتيقن إن الدنيا كلها عاملة زي يوم الصيام كده، كلها كام ساعة هتصبرهم أو هتحاول تصبّر نفسك بأي طريقة لحد ما يعدوا، وهتبص تلاقي المغرب بيأذن وانتهى اليوم وإنت فرحان وسعيد وفايز...

الدنيا كلها كام يوم عمالين يجروا ويعدوا من عمرك، هتصبر كام يوم وتحاول تقاوم نفسك وشهواتك، شوية وهتلاقي نداء ملك الموت بأنه خلاص معاد الرحيل جه، وساعتها هتفطر، بس فرحتك وقتها مفيش في الكون كله حد فرحان زيها!

فرحتك وإنت الملايكة بتتنزل عليك عند الموت بتقولك إوعى تخاف أو تحزن وبتبشرك بجنة عرضها السماوات والأرض...

فرحتك وإنتي قبرك روضة من رياض الجنة، فرحتك وإنت بتاخد كتابك بيمينك...





فرحت ك وإنتي داخلة الجنة وبتقولي الحمد لله الذي أذهب عنا الحرزن.. فرحتك وإنت بيتقالك يا فلان بن فلان خلود في النعيم والمتعة للأبد فلا موت..

فرحتك وإنتي قاعدة في الجنة في نعيم لا عين شافته قبل كده ولا أُدن سمعته قبل كده ولا خطر على قلب بشر..

يا فرحة كل واحد أطاع ربه وقتها.. يا فرحة كل واحدة أرضت ربها وقتها..

ويا ندم كل واحد استعجل الافطار قبل معاده.. يا حسرته ويا ذلّه ويا ندمه وقت ما الندم مش هينفع بأي شيء !!

ك قال الإمام ابن رجب رَحمَهُ ألله في كتابه الرائع لطائف المعارف: «من صام اليوم عن شهواته، أفطر عليها غدا بعد وفاته.. ومن تعجل ما حُرِّم عليه من لذاته، عوقب بحرمان نصيبه من الجنة وفواته».


سلم المنقين، وعيد فطرهم يوم لقاء ربهم، يا معاشر التائبين صوموا اليوم عن شهوات الدنيا لتدركوا عيد الفطريوم اللقاء، فإن معظم نهار الصيام قد ذهب، وعيد اللقاء قد اقترب».

وقد عُرضت له الدنيا، وتزيّنت له شهواتها، وبَدَت له محاسنها ومفاتنها، فإذ به يصيح بها ويقول لها «إني إمرئ صائم »! صائم عن الدنيا، وصائم عن الإلتفات فيها لغير الله تعالى».

إنما العمر قصير.. فاغتنم وقت حياتك واجعل الدنيا كيوم.. صمته عن شهواتك وليكن فطرك عند الله.. في يـوم وفاتك







## البطل الحقيقي المريسي

في نهاية كل منافسة، الكل بيتساءل وبيبقى عايز يعرف، يا ترى مين هو الفائز؟؟ مين اللي أحرز اللقب؟؟ مين اللي فاز بلقب البطولة؟؟ مين هو البطل؟؟

وده السؤال اللي هنسأله بعد انتهاء رمضان.. مين هو البطل اللي كُتب عند الله من الفائزين في رمضان السنة دي؟؟؟ هـل تفعلها يا حبيب قلبي وتكون إنت بطل رمضان السنة دي؟؟

هل تفعليها يا أختي وتكوني إنتي بطلة رمضان السنة دي؟؟؟

البطل مش هو اللي بيفوز وبس يا شباب، من تعريفات البطل إن هو الشخص اللي بيحقق نتائج مذهلة، بيعمل حاجات مبهرة، وعلشان كده إحنا عايزين نخرج من رمضان أبطال بجد، نخرج من رمضان وإحنا حاجة تانية خالص !!!

تغير حياتك كلها وتكون إنسان جديد صناعة رمضانية ..

(Made In Ramadan)





رمضان مصنع الأبطال يا شباب.. اللي مش هيخرج من رمضان بطل يبقى كأنه مدخلش رمضان أصلًا!!!

رمضان مش مجرد شعور جميل لمدة شهر وبعد كده الكل بيرجع تاني للغفلة والبعد عن الله لا يومين حلوين عشناهم في رمضان، وبعد رمضان وكأن شيئًا لم يكن (القلب هو القلب، والنفس هي النفسس. وبعدين الناسس تقول لبعضها: كل عام وأنتم بخير (ال وبكده انتهت قصة رمضان (ا

رمضان بيعيد لقلبك الحياة من جديد.. رمضان بيربيك.. رمضان بيغيرك.. رمضان بيصنعك..

رمضان مشى شهر حلو قضيناه.. رمضان مدرسة بتتخرج منها علشان تعيش باللى اتعلمته فيها بقية عمرك كله..

لازم وقفة جدية مع نفسنا بعد رمضان يا شباب.. تسأل فيها نفسك وتسألى فيها نفسك:

أولاً: إنت خارج من رمضان إيه اللى اتغير فيك؟، إيه الحاجة الوحشة اللى كانت فيك وراحت؟ إيه الحاجة الحلوة اللى مكنتش فيك وجت؟





إيه اللي اتغير في أورادك وعبادتك؟؟ يا ترى رمضان غير إيه في صلاتك وذكرك واهتمامك بالقرآن؟؟

إيه اللى اتغير في عزيمتك؟ إيه اللى إتغير في إيمانياتك وعلاقتك بالله؟؟ ايه اللى اتغير في حالك مع ربنا سُبْحَانُهُ وَتَعَالَى؟

یا تری رمضان غیّر فے إخلاصك إیه؟ غیّر فے صدقک إیه؟ رمضان؟؟ قلبك رمضان؟؟ قلبك موجود فیه إیه بعد رمضان؟؟

رمضان غيّر إيه في شغلك وأخلاقك وسلوك وتعاملاتك مع الناس؟؟؟

رمضان غيّر إيه في فكرك وطموحك وأحلامك ونظرتك للحياة؟؟؟

هل رمضان غير فكرك من التفاهات ومتابعة أخبار لعيبة الكورة والفنانين والمغنين والجيمز والفيس بوك، لفكر واحد عرف هدفه من الحياة وهيركز ويشتغل علشان يحققه ولا لسه لحد دلوقتي إنت ماشي في الدنيا من غير هدف. . ؟؟

حسيت ولا لسّه؟ بكيت ولا لسّه؟ فهمت ولا لسّه؟ أخدت القرار ولا لسّه؟





أخدت القرار إن إنك لا تحيد عن طريق ربنا سُبْحَانَهُ وَتَعَالَى ولا لسّه؟

الوقفات دي لازم تقفها مع نفسك، هي دي الوقفات اللي إنت لازم تاخد فيها القرارات الخطيرة في حياتك..

وأخطر قرار عايزين ناخده ولازم ناخده بعد رمضان مش قرار أوراد العبادة هتزيد قد إيه في حياتك،

رغم إن العبادة لابد منها وهنحدد لها أوراد، ولكن أخطر حاجة يا شباب عايزين نخرج بيها هي حاجة جواك.. إنت وجهتك بقت طريق الآخرة ولا لأ؟ اللي جواك اتغير ولا لأ؟

إنت هتتغير من بره وهتبقى عابد، بس لما تتغيّر الأول من جوه وتفهم عظمة قضية علاقتك بالله.. بعد كده حياتك كلها هتبقى لله.. بعد كده العبادة هتلاقيها جت لوحدها بفضل الله..

يعني العبادة ثمرة من ثمرات رمضان الكتيرة جدا، ولكن الثمرة العظمى لرمضان هى تعديل مسار حياتك، تعديل وجهتك في الحياة، إنك تعرف انت رسالتك في الحياة إيه؟ إنت عاوز إيه من الدنيا دي؟





إنتم عارفين وجهتكم إيه يا شباب؟ محددين بقى لينا وجهة بعد رمضان ولا لأ؟ هل بقى لنا هدف؟ بقى لنا قضية؟ بقى لنا حلم بننام بالليل نحلم إن إحنا نحققه بعد رمضان في طاعة الله سُنَحَانُهُ وَتَعَالَى ولّا لأ؟

اسأل نفسك إنت عايش ليه في الدنيا؟ لازم تعرف الطريق الصح اللي هتمشي فيه.. تعرف راسك من رجليك.. تعرف نهايت في فين؟ تعرف إنت مع مين؟ لازم تكون مع المؤمنين في الدنيا علشان تكون معاهم الآخرة.. تبقى مؤمن في داخلك وفي ظاهرك.. تعرف كويس حقيقة الدين.. لازم تعرف يعنى إيه ظاهرك. يعنى إيه إله؟، ويعنى إيه عبادة الله؟.. تفهم القرآن بيتكلم عن إيه ونزل ليه؟ تعرف إيه الرسالة المطلوب منك تفهمها منه؟

خلاصة الأمرهي إنك تبقى عايش لهدف وغاية.. إنك تسعى في حياتك حتى في أحلك الظروف.. حتى لو كانت الدنيا كلها ضدك أو كل شيء قدامك بيقولك مش هينفع أو مستحيل..

171



شـوف إنت عـاوز إيه واسعى لـه بكل ما فيـك..و إعرف إن مفيش مستحيل مـادام بتحاول مـرة واثنين ومليـون، كل شيء بييجـى بالإصرار وبالمحاولة والتكرار.. وقبل ده كله طبعًا بتوفيق ربنا وعونه..







## میلاد جدید،

إنت إنسان جديد بعد رمضان، اتولدت من جديد بعد رمضان.. خرجت للحياة من الظلام اللي كنت فيه قبل رمضان.. عيش المشاعر اللي الصحابة عاشوها، عيشوا عيشوا الدين بقى.. عيش المشاعر اللي الصحابة عاشوها، عيشوا بنا شباب المعاني اللي سكنت قلوبهم، عيشوا جنة الدين، جنة الدنيا بالدين، الدين مش المعاني الباهتة اللي في قلوبنا.... الدين الحقيقي هو اللي هتلاقيه في القرآن لما تقوم بين إيدين ربنا بالليل، الدين هتلاقيه لما تقرأ كل كلمة من كلام الملك اللي نازلة من فوق سبع سماوات علشان احنا نطلع سبع سماوات في مشاعرنا، وإيمانياتنا، وتصوراتنا، ومفاهيمنا.. عايزين نعيش دين.. دين حقيقي بعد رمضان.. صلة حقيقية بالله عَرَبَيَ بعد رمضان..

عايزك تخرج من رمضان بطل.. ولكن مُنكسر لله.. إوعى تتغر أو تُعجب بطاعتك.. المفروض الطاعة لا تزيدك إلا انكسار وذل لله.. المفروض كل ما تقرب من ربك وتعرفه أكتر تزيد افتقار وتواضع لله..





عايزك تخرج من رمضان وإنت عبد لله.. تحقق معنى العبودية.. عبودية لربنا يعنى حياتى كلها لله.. أحلامي وتصوراتي وآمالي لله.. في كل خطوة بمشيها وأى عمل بعمله بفكر قبله هل يرضى ربنا ولا لاء؟؟؟

عبودية يعنى يعنى توجيه القلب والروح لرب الكون وبس.. يعنى أسجد وأحط راسي في الأرض وأنا عارف إن مليش حد هينفعني إلا الله، وهو بس اللي يملك حياتي ورزقي وكل أمنياتي..

عبودية يعني إنك تراقب الله في كل تصرفاتك، وتخلّي حب ربنا وخوفك منه حاضر في قلبك عند أي عمل أو نظرة أو كلمة أو نيّة في كل وقت وفى كل مكان..







### أسبوع واحد! هيريسي

خد بالك الشيطان طلع من رمضان بعد ما كان متسلسل عايز يضيَّع كل اللي عملناه في رمضان.. عايز يدمّرك نفسيًّا ويحبطك لأقصى درجة.. عايز يثبتك إنك ضعيف ومعندكش إرادة ( ( ا وعى تشمّت الشيطان فيك ( ( ا

أول أسبوع حاول تمسك نفسك عن المعصية بشدة..عاوزك تكون قوي قدام نفسك ولو أول أسبوع.. لو مسكت نفسك أول أسبوع هتحس بفرق كبير جدااا.. هتاخد ثقة جامدة وهتقول: «أنا أقدر أكمل بجد بعون الله»..

إنت خارج من رمضان صفحة بيضاء.. إوعي تشخبط فيها تاني! إوعي تفسد فيها تاني! إوعي ترجع لمعاصي قبل رمضان تاني!!

كلّـم نفسك وقولّها: لا يمكن أرجع! قولي لنفسك يا أختي لا يمكن أرجع! قولي لنفسك يا أختي لا يمكن أرجع!! لا يمكن في يوم التزامي وأيامي الحلوة تبقى ذكرى! لا يمكن بعد ما عشت حاسس بالأمان وأنا مع ربنا أسيب كل ده!!



إوعى يهون عليك تضيع دموع فرحتك بتوبتك ودموع الحب والخشية اللي عشتها في قيام الليل؟؟

إوعى بعد ما بقي اسمك ملتزم يبقي اسمك منتكس؟؟ إوعى بعد ما بقي اسمك تائب يبقي اسمك عاصي؟؟؟

اربط نفسك بصحبة صالحة يشدوك لو فكرت تبعد..اربطى نفسك بصحبة صالحة بتحفظ قرآن تشدك لو كسلتى..

ومهما عصيت ربنا..مهما وقعت في ذنوب..قول لنفسك: هتوب وربنا هيقبلنى..قول لنفسك: عمري ما هيأس من التوبة..ومهما حصل لا يمكن أرجع تاني لحياة الماضي التعيس..! وبإذن الله هقدر أكمل..

### أيوة تقـــدر!

رمضان بيعلمك معنى الحياة في ٣٠ يوم.. رمضان بيقولك إنك تقدر.. أيوه تقدر تغيّر أي حاجة في حياتك.. وتغيير فوري.. وكمان تقدر تستمر عليه..!

رمضان تدریب عملی واقعی قد إیه إحنا ممکن نتغیر یخ یوم واحد من أول لما نبدأ نصوم..مفیش وقت فی السنة کلها بنکتشف فیه قد إیه إحنا عندنا قدرات جبارة جدًّا زی رمضان..





مفيش وقت في السنة كلها بنقعد ١٦ ساعة من غير أكل ولا شرب، وشغالين عبادة لله وطاعة لله.. وبنكرر الموضوع ده ٣٠ يوم في الشهر.... يعني أكتر واحد فينا بيبقى فاكر إنه ماعندوش طاقة وقدرة على النجاح والاجتهاد... بيعمل حاجات عمره ما كان يتصور إنه يعملها!

من كام يـ وم بسس ماكناش قادرين نمشي على نظام ريجيم... فيه أكل وشرب عادي... وكنا بنكسره بعد أول نص ساعة والنهاردة وإحنا صايمين قوة إرادة حقيقية في الإنسان..

رمضان أثبت أنك تقدر، مين كان يتخيل إنه يقدر يصوم ٢٠ يوم ورا بعض ويقعد في يوم ورا بعض ويغتم المصحف ويقعد في المسجد معتكف ١٠ أيام ميتحركش منه..! رمضان أثبت إنه اللي عايز يعمل حاجة بجد هيقدر يعملها حتى لوفي ظروف صعبة جدًا، رمضان أثبت أن بداخلك طاقات عالية جدا ولكنك محتاج بس إنك تزود رغبتك في الوصول الي الله.. محتاج الحب في قلبك يزيد والشوق يزيد علشان يخرج المارد اللي جوّاك وتنطلق بدون أي قيود..!

أكبر درس خرجنا به من رمضان إننا نقدر.. لو جبنا الأمة كلها في معاد تانى غير رمضان وقولنالهم صوموا ٣٠ يوم، صلّوا





۱۱ ركعة ۳۰ ليلة، اختموا القرءان، تصدقوا، اعملوا كل أنواع
 البر، الكل هيقول مستحيل! مش ممكن نقدر!!

رمضان بيأكّد لنا إن إحنا ممكن نتغير في لحظة واحدة! رمضان بيأكّد لنا إن جوانا قوة إرادة وتغيير وطاقة رهيبة، تكون شاهدة علينا بعد كده طول حياتنا إن ملناش أي عذر أو حجة!! ماعندناش ضعف ولا حاجة... محتاجين بس الإجتهاد والدعاء والتوفيق من ربنا إن إحنا نستمر على الالتزام والخير طول العمر...

#### متن مضعف!

إوعى تضعف يا حبيب قلبي.. إوعي تضعفي يا أختي.. إوعى تضعفي يا أختي.. إوعوا حد يسيب أي طاعة كان بيعملها في رمضان.. اللي بيسيب الطاعة بعد رمضان ده مكانش بيعبد ربنا بحب.. ده مكانش حب أبدًا.. لأن اللي بيحب حد ما بيقابلوش في المواسم.. مابيطيعوش في المواسم بس..!

يا حبيب قلبي.. ربنا فتحلك كل أبوابه، معقول هتخرج تاني بعد ما دخلت وجربت ودقت طعم القرب؟؟؟

ليه كده؟؟ ليه عايز ترجع تاني للضنك والهم والغم بايديك؟؟؟





إحنا إيه اللي يخرَّ جنا من الجنة بإرادتنا؟ إزاي نخرج من جنة العبادة بعد رمضان بإرادتنا؟ ليه ياجماعة؟ ليه بعد ما ربنا فتح لنا الباب في رمضان عايزين نخرج تاني؟؟ (لا ليه عايزين نبعد؟؟ ليه نهرب من ربنا؟

إنتو عارفين ليه الرسول صَّالِللهُ عَلَيْهُ وَسَدَّ هيقول لناس مننا يوم القيامة يوم ما يقابلهم سحقًا سحقًا .. ؟؟؟ هيقولهم بقى أنا ضيّعت حياتي علشانكم، والصحابة اتقطعوا حتت علشانكم.. وفي الآخر يطلع شبابنا كل همنا شهوتنا.. وتطلع بناتنا كل هممهم لبسهم ومكيا چهم وزينتهم.. يبقى كل همنا الشهوات.. بقت الشهوات هي مصدر فرحتنا وكل حياتنا الإ

الشاب يقعد يقلب على مواقع النت القذرة يفضل يبحث عن العفن والنتن، يفتح رابط ميجيش، يفتح التاني ميجيش، وأول ما يفتح رابط معاه تلاقيه يفرح.. فرحته في اللحظة دي أشد عند الله من كل اللي هيعمله طول الليل من المُوبقات!!

البنت لما تنزل تدور على هدوم، كما قال رسول الله صَلَّاللَهُ عَلَيْهُ وَسَلَّم: «كاسيات عاريات»، لابسة حجاب آه بس هي والعارية سواء، تقعد تلف على المحلات لحد ما تدوخ! وأول ما تلاقي لبس قدر هيحدد جسمها وتفتن به الشباب تفرح؟؟ مش عارفة إن



فرحتها بالذنب أعظم عند الله من الذنب (الأمة دلوقتي بقت بتفرح بالذنوب والعياذ بالله ... ((ا

معقول بعد كل تضحيات النبي صَيَّاللَهُ عَلَيْهُ وَالصحابة في الآخر تبقى دي أحوال أمة محمد صَيَّاللَهُ عَلَيْهِ وَسَلَّمَ ؟؟؟ (((... أنا مش عارف هنقابل الصحابة بأى وش يوم القيامة؟؟ (( هيقولوا لينا إيه يوم ما يقابلونا .. ؟؟ هيقولوا لنا إحنا بنينا الدين بدمنا وإنتوا حيتوا ضيعّتوه؟ (()

طيب النبي صَّالَّتُعَيَّدُوسَةً والصحابة عملوا كل ده ليه؟؟ عارف ليه؟ ..علشان إنت متدخلش النار..التضحيات دي علشان إنتي متدخليش النار.. النار اللي ربنا عَزَيَبَلَّ قال عنها: ﴿ لَمُمُ مِّن فَوْقِهِمُ مَتَل كُلُلُ مِّن النَّارِ وَمِن تَعَيِّرٍمُ ظُللُ ﴾ .. يعني تخيل واحد محطوط وسط نار.. مليون كيلو متر من فوقه نار.. ومليون كيلو متر من تحته نار.. وعلى يمينه نار.. وعلى يمينه نار.. وعلى يمينه نار..

علشان ننجوا من النار دي كانت تضحيات النبي صَلَّاللَّهُ عَلَيْهِ وَالصحابة.. نقوم احنا بعد كل ده ندخل نفسنا النار بنفسنا... ((

هما ضحوا بكل ده علشان أنت متدوقهاش ولا تقرّب منها.. واحنا اللي ندخّل نفسنا فيها بمعاصينا.. إزاى يا جماعة؟





لازم نتغیر یا شباب.. لازم حیاتنا تتغیر بعد رمضان.. نعاهد ربنا إن إحنا رجالة من بعد رمضان.. شوفوا هم ثبتوا قد إیه؟ طیب إحنا هنثیت زیّهم ولا لاً؟

رمضان هيخلص وهتخرج من باب الجامع من آخر ليلة في رمضان هتلاقي باب النادي مفتوح وهتلاقي شوارع فيها بنات زي الرز وهتلاقي الدش والنت تحت أمرك.. بلمسة واحدة هتلاقي الشهوات كلها قدامك.. وفي نفس الوقت هتلاقي باب الجامع قدامك وهتلاقي المصحف قدامك وهتلاقي الدين قدامك..يا ترى هتختار إيه؟؟؟ يا ترى هتضحّى ولا لأ؟؟

لازم تضحّي شوية يا حبيب قلبي.. تضحّي يعني تسيب اللي الشيء الحرام اللي بتحبه وهتموت عليه لله، مش تسيب اللي إنت مش عايزه أو مش قادر تعمله!! الجنة مش ببلاش! ورفقة النبي صَلَّسَاً مش ببلاش! ورؤية وجه الله في الجنة تستاهل كل التضحيات اللي إنت هتعملها!







## أخطر مسرض! المراجع المراجعة

إحنا عايزين بعد رمضان نحط النقط على الحروف.. نعرف إحنا فين من نموذج الالتزام السليم؟؟

وعلشان تعرف إنت فين؟ ؛ قارن كده بين جهدك في إصلاح دنيتك وجهدك الإصلاح دينك؟؟

لوصاحي متأخر على الإمتحان خمس دقائق البيت يتقلب! إنما لوصاحي متأخر عن الصلاة ساعة ولا كأن حاجة حصلت!!

الجهد اللى بيتبذل في الثانوية العامة لو اتبذل في الدين كنا هنبقى من أولياء الله المقربين!!

مينفعش تبقى دي أحوال قلوبنا إطلاقًا (((١

لازم نعالج أمراض قلوبنا.. نعالج أخطر مرض سكن قلوبنا...حب الدنيا ونسيان الآخرة... أهملنا الآخرة وركنّاها على جنب.. مابقاش عندنا تعظيم حقيقى للدار الآخرة.. مش عارفين يعني إيه موت وقبر وحساب وميزان وصراط وجنة ونار (الإ





إحنا للأسف عارفينهم أسماء وبس إ إنما مش عايشين معاهم، مش حاسينهم بقلوبنا، مش مقدرين خطورة الموضوع.. ليه مش عايزين نقدر خطورة اليوم الآخر.. ؟؟؟

تفتكر هتعيش كام سنة؟؟ ٧٠،٦٠،٥٠ سنة؟؟ الدار الآخرة يوم واحد بس منها بـ ٥٠٠٠٠ سنة (١١ طيب طالما الموضوع بالشكل ده، إذاي نستهتر بالآخرة للدرجة الفظيعة دي؟؟

عايز تعرف يعني إيه قبر؟؟ شوف حديث النبي صَالَسَهُ عَلَيُوسَلَمُ وهو بيقول: «إن هذه الأمة تبتلى في قبورها، فلولا أن تدافنوا لدعوت الله أن يسمعكم من عذاب القبر الذي أسمع منه» رواه مسلم، النبي صَالَسَهُ عَلَيْهُ وَسَلَمٌ كان نفسه نسمع اللي بيحصل تحت التراب علشان اللي هيعمل المعصية يسمع عذابها قبل ما يعملها فلا يجرؤ عليها ولا يستطيع أي إنسان إنه يُقدم على أي معصية !!

عايزتعرف يعني إيه نار؟؟ روح أقرب مستشفى وأدخل قسم الحروق وهتشوف مناظر هتخليك تفكّر ألف مرة قبل ما تعمل أي معصية (الدخل وشوف بنفسك لما نار الدنيا اللي هي جزء من سبعين جزء من نار الآخرة، لمست جسم بني آدم دقيقة واحد عملت فيه إيه؟؟؟ شوف وفكّر يا ترى هل حد ممكن يستحمل ساعة مش يوم في جهنم (ا



عايز تعرف يعني إيه جنة؟؟ روح أي مكان جميل، ومن غير ما تاكل ولا تشرب ولا تتمتع بأي متعة حتى، شوف بسراحتك النفسية فيه عاملة إزاي؟ شوف وفكّر سعادتك وراحتك ومُتعتك هتكون قد إيه لما تعرف إن متر واحد في الجنة أحسن وأجمل وأروع من الدنيا كلها وما فيها! شوف شوقك للطاعة اللي هتكون سبب في ارتقاءك في درجات الجنة هيكون قد إيه؟؟ هتفكّر تبيعها علشان شهوة أيًا كانت؟؟

لما معاني المدار الآخرة دي تدخل قلبك، هتلاقي نفسك بتحتقر أسباب الانشغال بالدنيا، وتهون عليك كل أمورها، وترول الغفلة، وتطرد الدنيا شرّ طردة من قلبك.. وتبدأ تعيش مع الدار الآخرة وتسعى لها بكل وسعك..

#### رمضان بداية وليس نهاية

ثانيًا: لازم وقفة جدية مع نفسنا بعد رمضان يا شباب.. تسأل فيها نفسك وتسألي فيها نفسك:

#### ماذا بعد رمضان؟ هتعمل إيه بعد رمضان؟

لازم نعرف إن رمضان بداية وليس نهاية.. يعني مش خلاص صُمنا وصلينا، سلام عليكم بقى، ونتقابل رمضان الجاى ان





شاء الله.. رمضان شحنة وعزيمة للانطلاق في علاقتك بالله.. رمضان بداية وليس نهاية..

يا ترى إيه العمل المُميز اللي إنت خرجت بيه؟ خرجت بإيه من رمضان؟ أخرج من كل موسم بعمل واحد تثبت عليه في حياتك، أخرج من كل درس بعمل واحد بس تثبت عليه في حياتك، هتلاقي بعدها بسنتين ثلاثة بقيت خلاص من أولياء الله الصالحين، ركّز، واطلع السلم سلّمه سلّمه، خد الطريق خطوة خطوة.. ولكن اعرف إيه العبادة اللي إنت خرجت بيها؟ إيه العمل اللي إنت خرجت بيه؟

متوقفش بعد رمضان.. كمّل طريقك إلى الله سُبْحَانَهُ وَتَعَالَ.. وعلشان كده النبي صَلَّاللَهُ عَلَيْهُ وَسَلَّمَ قال: «من صام رمضان ثم أتبعه ستة من شوال فكأنما صام الدهر كله» يعني ايه أتبعه؟ يعني عبادة ورا عبادة.. يعني أوصل صيام في صيام، أوصل قيام في قيام...

وإحنا في قرارات ما بعد رمضان..هنحاول نركز على حاجات بسيطة نثبت عليها في ٨ عبادات:

القراءة القرآن: قراءة ورد اليومي من القرآن.. ولو صفحة واحدة.. المهم يكون لك ورد يومي ثابت.. وأهم حاجة في ورد القرآن مش كميته، ولكن أهم حاجة إنك تكرر كل آيات الجنة





والنار والدار الآخرة، تكرر كل آيات عظمة الله وقدرة الله وجلال الله اللي هتقرأها.. عايزين نشحن قلوبنا إيمانيًا من قراءة القرأن.... بالإضافة لمقدار حفظ قرأن أسبوعي أو يومي.. على حسب ظروفك.. بس تحدد هتحفظ قد إيه وهتحفظ مع مين؟؟ حفظ القرأن من الحاجات اللي هتقربنا من الله وتثبتنا في طريق الدين وتعلينا لأن دي هي البداية الصح..

2 الصلاة: الصلاة في جماعة في المسجد، وبالنسبة للنساء الصلاة في أول وقتها..عايزين التلبية الفورية للأذان، يعني أقطع كل حاجة بعملها وأستجيب لنداء الله.. مع أداء السنن الرواتب بانتظام.. سنن الرواتب ١٢ ركعة في اليوم..

قيه وتلزم نفسك به..ممكن بعد العشاء.. ممكن قبل ما تنام.. فيه وتلزم نفسك به..ممكن بعد العشاء.. ممكن قبل ما تنام.. ممكن تظبط منبه وتصحى في ثلث الليل الأخير..كل واحد وظروفه.. قيام الليل،قدر ما تستطيعه، على حسب قدرتك.. ممكن تبدأ به وكعات.. ٢ خفاف جدًا و٢ طوال وركعة وتر.. ولو مفيش مجهود ومش قادر تصلّي، يبقى أقل حاجة هي ركعة وتر متسيبها ش أبدًا..

4 الصدقة: تحاول تحافظ على صدقة ولو بجنيه.. ولو بأقل القليل..





- 5 الصيام: صيام اثنين وخميس من كل أسبوع.. ولوقدرت يبقى معاهم صيام ١٣ و١٤ و١٥ من كل شهر هجري..
- الذكر: حافظ على أذكار الصباح والمساء.. وحاول تعود لسانك على الذكر في كل أحوالك..
- 7 الدعاء: كل يوم لابد لك من وقت مخصص للدعاء ولو ١٠ دقايق..

ولازم تواظِب على الـ ٣ أدعية دول ومتنساهمش أبدًا: «اللهم أعني على ذكرك وشكرك وحسن عبادتك».. «اللهم إني أسألك الثبات في الأمر والعزيمة على الرشد»... «يا مقلّب القلوب ثبّت قلب على دينك»...

8 شحن القلب: لازم يكون فيه درس إيماني.. سواء هتسمعه على الموبايل أو هتحضره في المسجد.. الدرس ده هو حقى الفيتامين النوراني في القلوب.. اسمع ولو مقطع صغير مؤثر.. الشحن اليومى ولو بأقل القليل هيساعدنا فعلًا وهيفرق بجد مع قلوبنا.. عايزين نكون واثقين إن كل كلمة عن ربنا وكل رسالة دعوية بنسمعها بتسيب جوانا أثر.. وإحنا محتاجين دايمًا لرسائل وعظ توقظ قلوبنا.. محتاجين حد يذكرنا بالله.. فمش عايزين نفرط في شحن قلوبنا يوميًّا..



## توصیات عملیه سیات عملیه

وهختم ببعض النصائح لعلها تساعدنا بإذن الله على الاستمرار والثبات في طريقنا إلى الله عَنْهَاً..

أولاً: سلاحك الأقوى والأول والأخير في وجه الشهوات والفتن هو إنك تجرى على ربنا وتقول ياااااااارب اعصمنى.. نجّيني يا رب.. ثبتني يارب.. استغيث بالله.. اطلب الثبات من الله.. إذا كان رسول الله صَلَّسَهُ عَلَيْهُ وَسَلَّمُ احتاج أن ربنا يثبته، يبقى إحنا محتاجين لربنا قد إيه علشان نثبت؟ الذا كان رمز الثبات في الأمة، ربنا قال له: ﴿ وَلَوْلا أَن فَيْنَاكُ لَقَدُ كِدَتَ تَرُكُنُ ﴾ (الإسراء: ٤٧).. أمال إحنا لو ربنا مش هيثبتنا هنعمل إيه؟ هيحصلنا إيه؟ لازم يا شباب أن نستعين بالله، ونسأل الله الثبات.. لازم نتيقن إنه مفيش ثبات إلا بالله سُنَحانَهُ وَتَعَالَى..

ثانيًا: حاول تعمل جدول يومي لحياتك زي ما عملنا في رمضان..تعرف إنت هتعمل إيه بالظبط بحيث تشغل وقتك



وتبعد عن التفكير في أي معصية.. خليك دايمًا فاكر: (نفسك إن لم تشغلها بالحق، شغلتك بالباطل)!

ثالثًا: ابدأ بالقليل وواظب عليه.. حافظ على طاعتك حتى لو كانت بسيطة، وبعدين ارتقي بالتدريج لحد ما توصل لهدفك.. خلّي شعارك قول النبي صَلَّاللَّهُ كَلَيْهُ وَسَلِّمَ: «أحب الأعمال إلى الله أدومها ؛ وإن قلّ».. مشس مهم الكمّ قد إيه.. أهم حاجة المداومة والاستمرار..

رابعًا: نوع طاعاتك بين اللسانية (قرآن.. استغفار.. صلاة على الحبيب) والفعلية (صدقة.. إحسان إلى جار أو مسكين) والقلبية (رضا – صبر – عفو – حسن ظن – يقين).. نوع علشان متملس وتزهق.. وعلشان العبادة متبقاش روتين في حياتك وبعد شوية تزهد فيها وتسيبها.

خامسًا: إوعي توقف العبادات في حياتك بسب أي ظروف مهما كانت، حتى لو داخل امتحانات، حتى لو مطحون شغل الإعلى توقف العبادة في حياتك يا أخي.. لازم استمرارية.. يوم ما الدنيا تضيق عليك خلّي ساعة واحدة في يومك عبادة لربنا سُبْحَانَهُ وَتَعَالَ.. ساعة بس هتبقي مليانة بركة طالما هتستقطعها لله.. أهم حاجة الصدق..





سادسًا: بلاش نعمل تصورات مثالية للدين.. بلاش نعمل تصورات مثالية عن اللي مطلوب مننا وبعد كده نعقّد نفسنا، فنقعد ومنعملش أي حاجة!! متتخيلش إن اللي مطلوب منك إنك ليل نهار تكون صايم قايم وماسك المصحف وبتصلي وقلبك خاشع وعينك مبتبطلش بكاء وشغال في الدعوة!! واللي ميعرفش يعمل كده خلاص يحس بالتقصير ويُحبط وينهار!! اللي ميعرفش يواظب على كده يفشل ويتحطم نفسيًّا!! الإلتزام مش كده يا حماعة..الالتزام أبسط من كده بكتييير.. فيه حاجة اسمها الصورة الذهنية العلمية.. الإلتزام له درجات وله مراحل.. الإلتزام قصة تعب ومجاهدة واستمرار علشان توصل لربنا.. أستعن بالله.. أصدق مع الله.. أبدأ.. جاهد.. تدرج.. أتعب..

سابعًا: اللى عايز يوصل لربنا لازم يتقبل الوقعات.. لازم يتقبل إن هو يقع.. يا حبيب قلبي إحنا مش ملايكة.. كلنا بشر.. كلنا أصحاب ذنوب ومعاصي ومفيش حد فينا معصوم.. كلنا بنغلط.. بسس فرق المؤمن عن أي حد تاني، إنه أول ما بيغلط بيتوب ويرجع لربه وهو كله يقين إنه هيتوب عليه ويقبله..الفرق بين الملتزم والعاصي مش إن الملتزم ما بيعصيش والعاصي بيعصي، ده اعتقاد خاطئ تمامًا... الفرق إن الملتزم لما بيعصي

بيقوم ويتوب في وقتها.. إنما العاصي لما بيعصي بيستمر وبيكمل.. الملتزم بيجاهد إنه يتخلص من المعصية ويدوّر على نقط ضعفه ويحاول يتغلب عليها.. إنما العاصي مش فارقة معاه يكمّل معصية أو ما يكمّلش معصية، عادي جدًا.. الملتزم مرعوب إنه يموت على معصية ويقابل ربنا بالمعاصي من غير ما يتوب منها ويبطلها.. إنما العاصى ممكن يكون غافل عن نتيجة ذنوبه والعياذ بالله؟؟

قال رسول الله صَّالِلَهُ صَالِّمَهُ عَلَيْهِ وَسَالَمُ : «مَا مِنْ عَبْدٍ مُوْمِنِ إِلا وَلَهُ ذَنْبٌ يَعْتَادُهُ الْفَيْنَةَ بَعْدَ الْفَيْنَةِ، أَوْ ذَنْبٌ هُوَ مُقِيمٌ عَلَيْهِ لا يُفَارِقُهُ حَتَّى يَعْتَادُهُ الْفَيْنَةَ بَعْدَ الْفَيْنَةِ، أَوْ ذَنْبٌ هُوَ مُقِيمٌ عَلَيْهِ لا يُفَارِقُهُ حَتَّى يُفَارِقَهُ إِنَّا الْفَيْنَةَ وَقَابًا نَسِيًّا إِذَا ذُكِّرَ ذَكَرَ ، صححه الألبانى..

مفتنًا يعني بيتف تن وبيقع.. توابًا يعني بيق وم تاني بعد كل مرة.. بس مش معنى كده أننا نتهاون..لأ.. الآيات والأحاديث في باب التوبة دى تحصينات نفسية ضد الاحباط.. وهو ده الطريق... آه وقعت النهارده، بس إن شاء الله تدريجيًّا هرتقى ولو بعد مية سنة وهبقى إنسان ملتزم كويس..

ثامنًا: الصبر.. ثم الصبر.. ثم الصبر.. الزمن اللي احنا فيه زمن صعب أووووووي.. والفتن خطافة وبتشد الإنسان من كل الجهات.. ( وعلشان كده الرسول صَلَّاللَهُ عَلَيْهِ وَسَلَّمَ شبهه التمسك





بالدين في الزمن ده بتشبيه مفيش أبلغ منه.. قال صَّالِللهُ عَلَيْهُ وَسَلَمُ: «يأتي على أمتي زمان، الصابر فيهم على دينه كالقابض على الجمر» صححه الألباني.. تخيلي واحدة حاطة إيديها على شعلة البوتجاز ٢٤ ساعة؟ (لا تخيل واحد بقى ماسك قطعة نار في إيده؟ (لا اختبارات وفتن صعبة جدًّ ااااااااا...

وعلشان كده كان اللي هيصبر وهيثبت في الزمن ده له أجر عظيم جدًّ ااااااااا.. أجر ٥٠ صحابي من صحابة النبي صَلَّلَتُهُ عَلَيْهُ وَسَلِّمَ.. فلازم تصبر وتعرف إننا في دنيا قصيرة جدًّا جدًّا مهما طالت.. والنبي صَلَّلَتُهُ عَلَيْهُ وَسَلِّمَ قال عن الأيام اللي إحنا عايشين فيها دلوقتي: «إن من ورائكم أيام الصبر»!! النبي صَلَّلَتُهُ عَلَيْهُ وَسَلَّمَ فيها لازم يصبر...

يعني الحل ياجماعة إننا نصبر.. الحل ياشباب إنكم تصبروا.. اللي مش لاقي صحبة صحالة لازم يصبر... مش الحل إننا سيب الدنيا.. ونوّفر لكل مواطن صحبة.. الحل إنك إنت تلتزم.. وساعتها هتبقى إنت الصحبة الصالحة.. هتبقى إنت البداية..







# خد قسرارك

خایفه لیـه؟؟؟ قلقان لیه؟؟ متردده لیـه؟؟ لسه مش عارف تاخد القرار لیه؟؟

إوعى تكون لسه عندك ولو ذرّة اعتقاد انك هتلاقي سعادة في طريق المعصية؟؟؟ تبقى (مغفل كبير أوي)، والشيطان ضاحك عليك..

ده انت بنفسك بقالك كام سنة ماشي في الطريق ده وجربت كتير وبرده مش لاقي أي سعادة ((إنت عمّال تهرب من معصية لمعصية لعلّب تلاقي طعم الراحة والطمأنينة ولكنك كل يوم بتزداد هم وغم ((

روحك بتتعذب وتتألم وعمّاله تصرخ فيك وإنت عمّال تكتم صوتها وتحاول تنسى!!

ليه بعد كل ده لسّه مصمم إنك تكمّـل في نفس الطريق؟؟؟ خايف تندم لأنك سيبت حاجة حرام إنت بتحبها؟؟؟؟

إوعى تخاف.. والله العظيم ما هتندم أبدًا.. لما تسيب المعصية مستحيل هتندم! قول لنفسك مين اللي يختار ربنا ويندم؟؟؟





قول لنفسك: تيقّني إنه من ترك شيئًا لله عوضه الله خيرًا منه.. ده إنت كل ما تقرب من ربنا هتعرف إنك مكنتش عايش قبل كده، وهتتمنى وتقول: ياريتني كنت عرفت الطريق ده من زمان!

لحد إمتى هتفضل كده تعدّب في نفسك؟؟؟ لحد إمتى هتفضلي تايهه؟؟؟ لحد إمتى هنفضل نجري ورا السراب والوهم؟؟!!

يا حبيب قلبي شهوات الدنيا زي المية المالحة.. كل ما هتشرب منها هتعطش أكتر وأكتر.. ومفيش حاجة هترويك غير قربك من ربك..

يا أختي شهوات الدنيا زي البرق.. بتلمع قدامك ثواني، بتنور ثواني.. ولكن لذتها بتنتهي بسرعة وبترجعي بعدها تاني لحياة الظلام والكئابة.. ومفيش حاجة هتنور حياتك غير نور الإيمان..

إسال نفسك: مش حزين على أحوالك اللي إنت فيها دي؟؟ مشى شايف كام واحد سبقك إلى الله؟؟ مش غيران منهم؟؟ مشى عايز تجرب مشى عايز تجرب إحساس إن ربنا بيحبك؟ مشى عايز تجرب إحساس إن ربنا بيفرح بيك؟

مش نفسك تعيش وربنا راضي عنك؟؟ مش نفسك تقابل ربنا وإنت فرحان؟؟؟؟





إسالي نفسك: إنتي مش مشتاقة للجنة؟؟ مش مشتاقة تشربي من حوض النبي صَلَّلتُهُ عَلَيْهِ وَسَلَّم؟ مش مشتاقة لرؤية وجه الله عَرَّبَاً ؟؟ مش نفسك في الراحة والنعيم الأبدى؟؟؟

إنت عارف لو أخدت القرار وأقبلت على الله واتغيرت وقلبك اتغير بجد من جوه، هتلاقي كل ما تتمناه.. هتلاقي الراحة والسعادة والطمأنينة والأمان وانشراح الصدر والسداد والتوفيق والتأييد والفتح والرفعة والحفظ والعزّة والخير كله..

يا شباب.. الطريق لربنا مش طويل، بس للأسف فيه ناس بتستطوله ( وطاعة ربنا مش صعبة، بس للأسف فيه ناس بتستصعبها ( والإنجاز الكبير بيبدأ بقرار، بس للأسف فيه ناس ما بتخده وش ( ا

ياللا واجه خوفك.. وخد القرار.. واقتل كل ذرة يأس ممكن تقابلك في الطريق.. ياللا خد القرار الشجاع..القرار الوحيد اللي أقسم بالله عمرك ما هتندم عليه أبدًا!! القرار اللي هيعيد الحياة لقلبك من جديد..

هات إيدك وياللا نعيش أحلى حياة.. أحلى حياة في طاعة الله..



www.goodwayinlife.com



